

ГЛЕБ УСПЕНСКИЙ

ҲИКОЯЛАР
ВА
ОЧЕРКЛАР



ЎзССР ДАВЛAT БАЛИИЙ АДАБИЁТ НАШРИЁТИ
ТОШКЕНТ - 1980

Глеб Иванович Успенский (1843—1902 йиллар) капитализм
пллатларини қоралаб, гариф-мискин ва мазлум халқни ёқлаб
чиққан рус демократ ёзувчисидир. У ўз асарларида халқнинг
гам-ғуссасини, унинг жабру жафо чекишини тасвирлаган ва шу
билин бир қаторда эксплуататорларнинг ваҳшийлигини, жоҳил-
лигини, ҳасислигини, мешчан-обивателларнинг ношудлигини,
уларнинг калтабинлигини ҳам ёрқин бўёқларда баён қилган,

РОҲАТИЖОН

(Амалдорлар турмушидан)

Куз эди. Кул ранг булатлар сузаб юрар, лой ерга пага-пага қор ёғарди.

Уч деразалик кичикроқ бир уйнинг ланг очиқ дарвозаси олдида қўл ушлашиб икки амалдор турарди.

— Қани бўлмаса, бизнига кирайлик, Семён Кузьмич,— деди улардан бири; унинг эгнида эски шинель бор эди, капюшони остидан коленкор астари чиқиб турарди.

— Билмадим энди, кирсаммикин?— деди ўйчанлик билан иккинчи амалдор.

— Об-бо, сизни қаранг-а! Қани, юринг. Қиттай-қиттай қиласмиш, ёмон бўлмайди!

— Қиттай-қиттай бўлса-ку...

— Худо ҳақи; уйимда ҳалигинақа қўлболасидан бор... Қани юринг!

— Ҳа, майли, бўлмаса!

Улар ҳовли томонга юришди.

Кейин кичик бир хонага киришди. Бурчаги ойнали шилги қизил рамка ичидаги иконани шамчироқ ёритиб турлар, икона устига шипга етгунча қофозга ўроғлиқ нон из турли рангда бўялган тухумлар терилган эди. Полга тоғи поёндоз тўшалган, деворлар бўйлаб доира суюнчиқли бир нечта эски кресло турарди.

— Қани, марҳамат!— деди мезбон ва шоша-пиша ҷўқиниб олиб, чой ичиладиган хона томон юрди.

Қўшии хонадаги столда самовар қайнаб турарди. Уй эгасининг ўн етти ёшларга кирган тўнғич қизи чой қуир, қизнинг кампир онаси шу ерда ўтиради. Шу шайт остонаяда ота кўринди.

- Қимни олиб келдинг?— деб сўради хотини.
- Семён Кузьмични. Қани бизга чойдан қийинглар, шам ҳам олиб келинглар! Тезроқ!.. Ҳой, Марфа!— деб қичқирди у оқсочга,— шам келтири.
- Ҳозир олиб келади,— деди хотини.
- Нега бунча кеч қолдинг?— деб қўйди у яна.
- Ха энди, кеч қолдик-да... Ирмосни¹ бираам чўзишдики... Охири бўлмаса керак. деб ўйладим...
- Шундай деб айтди-ю, лекин қандайдир бир сир уни қийнаётгандай кўринди. У, иккиланиб, эшик томон борар экан, белини силади-да, секингина:
- Белим негадир оғрияпти...— деди.
- Яна черков жиловхонасида шамоллагандирсанда?
- Йўқ... Вой! Жуда оғрияпти! Вой!.. Биз бир рюм-кадан исчак девдим, кейин закускага бирор нарса берсанг бўларди.
- Сенга закуска баҳона! — деди хотини зарда билан.
- Баҳона эмиш... қаёқдаги гапларни гапирасан-а!
- Йўқ, билиб турибман!..
- Ўтинаман сендан, жим ўтири... Шундай қилсанг минг марта яхшироқ бўларди.
- Жим ўтири дейсанми? Ҳалиям жим ўтравериб бурчак жинни бўлиб қолдим.
- Аввал ҳам эс-ҳушинг бутун эмасди! Фирт тентак эдинг-ку!— деб дағал жавоб қайтарди эри ва эшикни маҳкам ёпиб, залга кириб кетди.
- Меҳмон ҳам, мезбон ҳам жим ўтиради.
- Тунов кун Еноховларникига маъракага айтишган эди,— деди ниҳоят меҳмон.
- А! Қирқигами?— деб сўради мезбон.
- Ҳа, қирқига.
- Қачон айтишди?
- Утган куни.
- Ҳа-ҳа. Биз бўлсак Емельян Иванович билан ўша куни Селезнёвларникида ўтиришиб қолдик.
- Ҳўш, қалай ўтди?— деб қизиқиб сўради меҳмон.
- Яхши ўтди. Очигини айтсам, шу даражага етди-ки, зўрға келдим...
- Ҳе-ҳе-ҳе.

¹ Черковда ўқиладиган муножот. (Ред.)

— Егор Егорич, Никольскийни танийсизми-а? Үша бўлса, мени чеълакка солиб қудуққа туширинглар, деб илтимос қилиб қолди.

— Нега энди?

— Азбаройи худо, негалигини сизга айтиб беролмайман...

Мезбон билан меҳмон кулишди.

Нариги хонадан патнусга бир графин ароқ, бир тарелка оқ нон қўйиб оқсоч кириб келди. Ошналар бир юмкадан ютиб олишди.

Шу пайт олдинги хонада кимдир калишларини ташиллатиб, эшикни ёпгани эшишилди.

— Ким?— деб сўради мезбон.

— Мен!

— А-а!

— Ким экан у?— деди меҳмон қизиқиб.

— Ўғлим.

Меҳмон ўзини ростлаб олди.

Хонага сочини мойлаб тараган ялтироқ юз, кўринишдан жуда итоатли ўттиз ёшлардаги йигит кирди.

— Қаерда эдинг?— деб сўради отаси.

Пигит отасининг қўлини ўпиб, меҳмонга таъзим қўилгандан кейин:

— Бўгхонадайдим,— деди.

— Қани, ўтири.

— Хўп.

— Ароқ ичасанми?

— Йўқ, ичмайман.

— Хўш, одам кўп бўлдими?

— Асти сўраманг!

— У ерда доим одам кўп бўлади,— деб гапга арапишиди меҳмон.

— Шунча кўпки, олма ташласанг ерга тушмайди.

— Ҳа-ҳа!..

— Шундай. Бугун архиерей қўшиқчилари икки хор филип Бортнянскийнинг „*Тангрига шон-шарафлар бўлни*“ қўшиғини айтишди. Мен сизга айтсан, дадажон, йўғон товушли қўшиқчилар шундай айтишдики, деворлар зириллаб кетди.

— Ҳудди шундай, деворлар зириллайди,— дея гап қўниб қўйди меҳмон.

— Томоқлари йиртилиб кетмаганига ҳайронман,— деб йигит ўйланниб қолди.

Чой келтиришди.

— Ҳой, Соня! — деб чақирди отаси, — ромдан йўқми?

Қўшни хонада она билан қиз ивиришивир бўлиб қолди.

Она диққат билан қулоқ солиб:

— У ёққа бир қулоқ сол·чи, нимадир дейишяпти, — деди.

— Ром сўраяптилар, — деди қизи.

— Йўқ-да, боя шу пияниста билан ичиб қўйишиди·ку.

— Ром йўқ экан, — деди қиз, залга кирадиган эшикни қия очиб.

— Бўлмаса, бирор наливкадан йўқми? Бир қаранглар·чи...

— Наливкадан берармишсиз, — деди қиз онасига.

— Эшиздим, — деди зарда қилиб кампир.

— Ойимнинг олдилариға кириб чиқсан, — деди ўғли ижозат сўрагандай.

— Майли!

— Кўрдингми, туппа·тузук одам бўлиб қолди, — деди отаси чиқиб кетаёғган ўғлига боши билан ишора қилиб, — очигини айтсан, мен сира кутмаган эдим.

— Қўйсангиз·чи!

— Рост гап: ҳеч кутмаган эдим, одам бўлмайди деб ўйлардим. Бўлмаса, мен сизга айтиб қўя қолай, — столга яқинроқ жойлашиб деди у, — у мени адо қилаёзди!

Мезбон савол бергандай меҳмонга тикилди.

— У бошимга шундай кулфатлар солдики. асти қўяверинг: мен уни мактабни тамом қилиши биланоқ хизматга жойлаб қўйдим. Мактабда яхши ўқиди: диний дарслардан беш олиб келди, бошқа фанлардан ҳам... худога шукур, ёмон баҳо олган эмас! Тўғри келганда бошлиқларидан ҳам: иши қалай, деб суриштириб қолсан, ҳаммалари: «Худога шукур, ёмон эмас!» дейишяпти. Шундан кейин биз ҳам хотиним билан: «Унақа бўлса, худога шукур, иши тузук экан!» деб қўямиз. Хуллас, умуман олганда, фандан ҳам, ҳуснинатдан ҳам, бошқа нарсалардан ҳам иолимайман, ёмон бўлмади! Фақат шу нарса борки. у ёшлинига жуда бўш, нимжон эди. Буни беҳуда боқамиз шекилли, деб ўйлардим. Мен уни ўзим ишлайдиган бўлимда ишга жойлашириб қўйдим. Энди менга қаранг, нима бўлди денг? Бир маҳал туғилган куним эсланаётгандай менга бир косача олиб

келди «Мана, дадажон, мендан арзимас совга, қабул қилийениз» деди. «Бунинг дуруст-ку, дейман, пулни қайдан олдинг?»—«Қўлимдан келганча меҳнат қилдим» ледида, гангиб қолди. Ана шунда мен гап нимадалигини пайқаб, хурсанд бўлдим, отасига моддий томондан кўмаклашмоқчи экан, деган хulosага келдим. Дарҳақи-цаг спрэвка учун ёки бошқа бирор майда-чуйда нарса учун нега олмасин? Олавер! Ҳа, майли; фақат шуниси борки, пари ёғи нима бўлади? Бир куни идорага гуръевлик бир мужик келиб эди. Биз ўша билан идора даҳлинида туриб, иккаламиз гаплашяпмиз. Қарасам, ўғим келяпти, бизга бир кўз ташлади-ю, ёнимиздан ўтиб ҳам кетди. Бирпастдан кейин мен ҳам жўнаб қолдим. Орадан бир соатча ўтар-ўтмас, ҳалиги мужикни кўрмоқчи бўлиб чиқиб эдим, ҳар ҳолда озгина бўлса ҳам олманин-ку, деб ўйлаб эдим, қарасам, рўпарамдан ўғлим чиқиб қолди. «Ҳа, қаёққа»—«Ҳеч ерга эмас. Сиз-чи, гуръевлик мужик олдига бораётганингиз йўқми?» деди. «Борсам шима қипти?»—«Ўзим,— деди,— агар унинг оллига бормоқчи бўлсангиз, бормай қўя қолинг: мен ундан олдим» деди-я! Ундан олдим, дейиши билан мен қотиб қолдим. Бу қанақа гап ахир? Отаникими ўғил оладими?— «Вон, хумиар-э, қандай журъат қилолдинг?» десам,— «Кечирасиз» деди. «Қанича олдинг, муттаҳам?» деб сўрасам, «Бир сўму қириқ тийин» деди ярамас.—«Бу ёқи бер, ифлос» деган эдим,—«Дадажон!» деб йиғлаб юборди, раҳмим келди. Мен унинг чаккасига шапалоқ тортиб юбордим-у —«Йўлимни тўсма, ўз билганингни қилин, аммо отангга сира-сира халақит берма, шу нарса ўнингда турсинки, отани ҳурмат қилиш керак» дедим. Хуш, жуда соз; орадан яна бир-икки кун ўтиб, яна худди шундай воқиа юз берса бўладими? Бирпастдан кейин — шима Шундай қилиб, такрорланаверди! Хоҳ ишонинг, шундай ишонманг, роса бир ой ҳар куни ҳеч нарласиз қайтиб келавердим. Бу нима деган гап ахир, деб ўйлайман ўнинг, шимча, ши бунақа бўлаверадиган бўлса, худо ўзинг иртиқа, пировардида бир бурда нонсиз қолиш ҳам ҳеч гап ёмас! Нима, бу ярамас мени очдан ўлдирмоқчими? Шундай, чидамадим, чақириб олдим-да: «Идорамнишни йўқол!» дедим унга.—«Нима учун?» дейди-я!— «Шунинг учунки,— дейман,— сени кўргани кўзим йўқ, қўшимдан йўқол!»—«Дадажон, афв этинг!» деб кўрди. «Нимани оғиб этаман,— дейман,— қани, менга айт-чи,

дайман, наҳот мени очдан ўлдиromoқчи бўлсанг?»— «Афв этасиз, дадажон, мумкин бўлса!»—«Йўқол, йўқол,— дайман,— касалман деб ариза бер»—«Дадажон, мен бу ерга ўрганиб қолганманда» деганидан кейин анграйиб қолдим!—«Учига чиққан ярамас экансанку,— дайман,— мен бу идорада ўттиз беш йилдан бери ўтирибман ахир, ўтиравериб уч дюжина¹ стулни ишдан чиқарганман; буларнинг бари менга маълум!»—«Менга ҳам маълум!» деди хумпар. Тоза қийналдим. «Хоҳлаган жойингдан олавер,— дайман,— менга халақит бермасанг, бас. Менинг ишимга аралашма!.. Менга озор берма! Нима бу, худди шайтондай, оёқ остида ўралшиб юрибсан. Мени аҳмоқ қилма!» Йўқ, ҳеч нима чиқмади!— деди мезбон, қўлларини ёзиб, кейин бурнаки отиб қўйди.

— Таажжубланиб ўтирган меҳмон, оғзини очиб. бошини чайқаб қўярди.

— Ана шунаقا, дўстим. «Йўқ, менга бу жой маъқул. Ўрганиб қолдим» дейди. Нима қилай? Ўйлаб, ўйлаб, ниҳоят, бошлиғимиизга, бирдан-бир ўғлим мени сиқяпти, бинобарин сиз жаноб олийларидан, қариган кунимда кўз ёшларимни тўкиб илтимос қиласманки, уни ҳайдаб юборсалар, деб ариза бердим. Хайдаб юборишид! Бир йил мобайнида юзини кўрмадим. Фақат бир куни пасха байрами арафасида собор черковида кўриб қолдим. Эгнида ажойиб почапустин! Мен индамай турибман. Мана черковдан одамлар чиқди, мен черков айвонида турибман, қарасам, унинг олдига фойтун келиб тўхтади! «Яиги жойга ҳам ўрганиб қолган кўринади-ку» деб ўйладим. Орадан бир оз вақт ўтгач, раскольниклар слободасига алоҳида вазифаларни бажарувчи амалдор бўлиб тайинланиди, деб эшитдим. «Қани, қани, яна нималар бўлар экан» деб ўйлайман ич-ичимдан.

Шундан кейин меҳмон ҳам, мезбон ҳам ёш амалдорнинг шон-шавкатига таажжубланганларини изҳор қилишди.

— Орадан бир ойча ўтгандан кейин от бозорида кўриб қолдим, йигитим бир айғирни сотиб оляпти, ёточ тахталарининг парх-иавосини суринтиради. Бир куни үрталабки ибодатдан қайтиб келиб, уйимда ўтириб эдим. Шу найт менга бир хат келтириб беришди. Ўқиб

¹ Бир дюжина — ўн икки дона (*Ред.*)

чиқдим: «Шафқатли падари бузрукворим!» деб бошлабди. «А-ҳа!»— деб ўйлайман... «Сизни қандай аташни анча ўйладим ва, ниҳоят, ота деб атамоқчи бўлдим» дебди. Хатнинг охирига кўз ташладим: «Фарзандингиз фалончи» деб имзо чекибди. Хатнинг давомини ўқидим. Кечирим сўрабди. Ўйлаб-ўйлаб, унга зарда қилиб, ни ма қилдим, деган хуносага келдим-да, ўзим ҳам қуийдагича ёздим: «Ўғлим! Модомики сен мени ота деб атар экансан, мен ҳам сени ўғлим деб атайман», тагига: «Отанг» деб имзо қўйиб, хатни жўнатдим. Ўзи фириллаб келиб қолди, мени уйига олиб кетди. Қарасам, жуда турмуши яхши. Уйида қандайдир бир ойимча ҳам юрибди. «Булар ким бўлади?» деб сўраб эдим.—«Булар эса...» деди-ю, довдираф қолди. Мен-ку, ким эканлигини дарров фаҳмлаб олдим ва қулимсираб: «Ҳечқиси йўқ» дедим,—«Ҳаммамиз ҳам гуноҳдан ҳоли эмасмиз» деб унга таскин бердим.

Меҳмон иржайиб қўйди.

— У менга овқат қилиб берди. Ажойиб яхши овқат: қайнатиб пиширилган, ўн беш вершок, балки бир газ келадиган стерлядъ балиқ. Ҳа-а-а! Ичкиликдан ҳам бўлди, албатта. Сал қизишиб олганимиздан кейин, мен унинг гўзалини чақириб. ярим сўм чўзган эдим. Ўғлим хафа бўлди!

— Хафа бўлдими?— деб сўради меҳмон.

— Хафа бўлди! «Дадажон, деди, наҳотки мен ўзим шунинг хирсу ҳавасларимни қондира олмасам?..» деди-я. Ҳе-ҳе-ҳе!

Меҳмон ҳам қотиб-қотиб кулди, аммо шу ондаёқ чуқур бир нафас олди-да, ғамгин қиёфада бошини сарик-сарак қилиб:

— Уҳ, бу болаларни айтаман! Бошимизга не-не кулфатларни солмади! Менинг ҳам ўғлим бор. Фақат мен сизга айтсан, бунаقا ҳайвоннинг яна бошқа бир нусхасини қанча қидирсанг ҳам топиб бўлмаса керак.

Меҳмон бурун паррагини кериб, кўзларини чақчайтириб мезбонга тикилди.

— Ҳа-а,— деди меҳмон,— дунёда нўсҳаси кам топиладиган ҳайвон-да! Адабсиз, қўпол, динсиз. Индамай, китоб ўқигани-ўқиган. «Нега индамайсан?» дейман. • Нима деяй» дейди-я! Башарасига бир соламан. Фақат бўзариб ўтираверади! «Мана сенга, нима деяй, отанг билан қандай гаплашиш кераклигини билиб қўй». Йўқ,

Эпақага келмади! Бир куни овқат еб бўлганимиздан кейин чўқинмади. «Нимага чўқинмайсан?» дейман. «Мен, дейди, шундай, истамайман». «Мен сени майиб қилиб ташлайман» дейман. «Мен ҳам сени майиб қиласман...» деди-я!—«Ҳой, инсофсиз, мен отанг бўламан ахир!» десам,—«Мен ҳам ўғил бўламан!» деди. Мен ўшанда унинг социдан ушлаб, тит-питини чиқариб юбордим, чидаб туролмадим!

— Чидаб бўладими ахир!

Орадан бир-икки соатча ўтгач, меҳмон зўрға юриб зинапоядан тушди. Қўлига шам ушлаган мезбон дам ўнгга, дам чапга чайқалиб, шу ерда турар, қизи эса уни енгидан тутиб турарди. Мезбон ҳам, меҳмон ҳам ғўлдираб гаплашар, аммо нима деётганларига тушуниб бўлмасди.

Кўча қоронғи эди.

ВСЕСВЯТСКОЕ ҚИШЛОГИДА САИЛ

Всесвятское қишлоғи. Зафар дарвозасидан тўрт чақирим нарида — Петербург тош йўли ёқасида жойлашган. Бу қишлоққа, авлиёлар исми билан аталган шу ердаги эски черковнинг номи қўйилган.

1598 йилда швед шаҳзодаси Густав Москвага, Борис Годунов саройига келаётганида Авлиёлар қишлоғи деб аталган шу Всесвятское қишлоғида кутиб олингани солномада зикр қилинади. Иверия (Грузия) Россия ҳимояиси остига ўтганидан кейин Всесвятское қишлоғи истиқомат учун имеритин подшоларининг Москвага келган баъзи бир авлодлари ихтиёрига берилади. Кўчиб келгандардан малика Дарья Арчиловна 1736 йилда, ҳозиргача қад кўтариб турган гиштин черковни барпо қилиб, бу черковни ҳам барча авлиёлар номига багишлаган. 1812 йилда Всесвятское черковини француздар поймол қилиб, отхона қилишди. Черков қурилган шайтдан бошлаб унда бўладиган ибодатларни грузин руҳонийлари ўтказиб келдилар. Имеритин подшоларининг авлодлари: князь Дмитрий Егорович ва унинг қизи Марья Багратион, князь Дмитрий Павлович ва князлардан Михаил ва Пётр Дмитриевичлар ҳамда княгиня Елизавета Михайловна Цициановалар ўша ерда дафн қилинганлар.

Рус шаҳар ва қишлоқларининг ҳамма жойида черков байрами кунларида турли ерлардан меҳмонлар келиши азалдан расм бўлиб қолган, бу расмга ҳозирги нақтда ҳам озми-кўпми риоя қилинмоқда. Всесвятское қишлоғида ҳам барча авлиёлар кунини байрам қилиш лиа шунақа қадимдан қолган бир расм бўлса керак.

Бир замонлар Москва зодагонлари ҳам диндошлари грузинлар билан биргаликда байрамни ўтказиш учун шу ерга келишган, тушки овқатдан кейин эса фойтунда сайд қилганлар. Кейинчалик Москва аҳолисининг бошқа табақалари ҳам байрамга кела бошлаган. Ана шундай қилиб, Сокольникида — биринчи майда, Марья ўрмонида Семик¹ кунида ўтказиладиган сайилларга ўхшаш, бу ерда ҳам сайил ўтказиладиган бўлиб қолган. Бундай сайил Пётр парки очилган маҳалгача ҳар йили давом этган. Пётр парки очилгандан кейин эса Москва зодагонлари, улар кетидан бошқалар ҳам ўша Пётр паркига қатнайдиган бўлиб қолишли. Всесвятское қишлоғида эса, оддий халқ сайил қиласидиган бўлибди. Ўтган якшанба куни мен ўша сайилни бориб кўрмоқчи бўлдим.

Соат иккода мен Всесвятское йўлига тушиб олдим. Аравада ўтаётганимда Москванинг чекка кўчалари тобора кўпроқ хилваг уезд шаҳарини эслатар, баъзи тор кўчаларда эшитилиб қолган оддий рессорли араванинг шалдираган овози эса ўтмиш даврларни ёдга туширади: баъзи деразаларнинг пардаси бирдан очилар, аллакимнинг қўллари, ёмғирдан шишиб кетган дераза рамларини жон-жаҳди билан очишига уринарди; анча йўл босганимиздан кейин шаҳардан чиқаверишда, кимнингдир деярли гавдасининг ярмини деразадан чиқариб, диққат билан ўнг-сўлга аланглаганини кўрдим. Итлар дарвоза тагига ўзларини жон-жаҳди билан ташлаб, тумшуқларини тиржайтириб вовиллашарди; афтидан улар бу воқиа муносабати билан обдан акиллашкерак дегандай эди. Бу жойларнинг ҳувиллаб туришига қарамай, қовоқхоналар ва шаробхоналар сони жуда ошиб кетибди. Назаримда, ичадиган одамнинг ўзи ҳам йўқдек, ҳолбуки, қовоқхоналар тобора кўпайиб, ниҳоят, қайси уйга кўз ташламанг, ўша қовоқхона эканлиги маълум бўлди. Афтидан, бу аҳволнинг ўзига яраша бир сабаби бордир, аммо мен у сабабларни бу ерда текшириб турмайман.

Москванинг охирги тор кўчаси орқада қолиб кетди, энди фойтунимизнинг ғилдираги Ходинкадан думала-

¹ Пасхадан кейин етти ҳафта ўтганда пайшанба куни ўтказиладиган халқ сайили. (*Ped.*)

моқда. Дала. Ҳар томонга қараб кетган сўқмоқ йўллар оқариб ётмоқда. Шаҳардаги қўнғироқхоналарнинг зарҳал қуббалари узоқдан ярқираб кўринмоқда. Соф ҳаво, ажойиб очиқ кун — қандай соз-а!

Йўлда нарироқда якка-әлғиз от ўтлаб юрибди. Фойтун овозини эшигтгач у калласини юқори кўтариб қўйдн-ю, тушовланган оёқларини дукиллатиб, ўтлоқдан юриб кетди. Иккинчи томондан мужик аравалари кетяпти, юксиз бир арава бошқалардан сал орқада қолди; арава ичидан бир мужик сапчиб турди-да, тизгинни силтаб, шундай ҳуштак чалиб юбордики, бу ҳуштак кишига мусаффо дала ва танҳоликни эслатди. Шундан кейин от ҳам майда қадам билан йўртиб кетди... мужиклар ўтиб кетишли. Кўз олдимда яна бепоён дала... Фуввос пашша учади, ўзини думи билан тинмай муҳофаза қиласётган, пишқираётган ва кетинги оёқлари билан депсинаётган отимизни пашшалар таъқиб қиласидилар.

— Об-бо пашшалар-эй! — деди извошли, юзидан пашшаларни ҳайдаётib.

— Қаёқдан бу, билмайсанми? — деб сўрадим.

— Пашшалар қаёқдан дейсизми?

— Ха.

— Ўрмондан бўлса керак-да.

— Ўрмондан деганинг қанақа бўлди?

— Ўрмонданлиги аниқ. Ўрмонда ифлос-ахлатлар йўқ дейсизми? Энди, мисол учун, ҳув аваби эман дарахтни олайлик; чунончи эман...

— Ҳўш?

— Ҳаш эман дейман,— тоғтерак ҳам... қарағай... Ё бўлмаса ёнғоқ дарахтӣ,— қизлар ёнғоқ қоққани боришиади.

— Борса нима қибди?

— Демак, ӯша ерда ҳар хил бўлмағур ишларни қилишиади-да... Ӯша ўрмонда.

— Ҳўш, энди пашшалар-чи, улар нимадан пайдобўлади?

— Қайдам... Худо билади-да.

Жимлик чўқди. Филдираклар яна тақиллай бошлади, тош йўлга чиқиб олдик. Ёнимиздан араваларнинг устига чипталар ёпган бутун бир карвон ўтиб борарди, раиг-баранг дугалар силкинар, чанг босган катта-катта гилдираклар астагина айланар, боқилган отлар сайр қиласётгандай бўлиб келарди. Араванинг шотисига қў-

шилган баъзи отлар, пайтдан фойдаланиб олдинги араванинг саватидан бир тутам пичан юлиб оларди.

Олдинги араванинг чилгадан қилинган соявони остида кўк жилетка кийган бир мешчан этигининг тагчармига ўнтача мих қоқилган оёғини ташқари чиқариб, ёнбошлаб олган, бу михлар офтобда ярқираб кўринарди. Мешчан бошини кўтариб, уйқули кўзларини ўткинчиларга бир ташлади-да, бир оёғини салгина қимирлатиб, яна ёнбошлаб олди.

Ўрмоннинг нари ёғида черков кўриниб турибди. Бу Всесвятское қишлоғининг черкови. Йўлда маст одамлар учрамоқда, уларнинг баъзилари қайтиш йўл мاشақатларини чекмай, ҳар хил қиёфада даланинг турли жойларида чўзилиб, ўликдай ухлаб ётишибди, бу эса Всесвятскида шод-хуррамлик барвақт бошланганидан дарак берарди. Даланинг ва у ердаги маст одамларнинг умумий кўриниши жанг майдонини тасвирлаш учун мавзуз бўлиши мумкин эди.

Бир замонлар ўрмон ичида жойлашган Всесвятск қишлоғининг ҳозирги аянч кўриниши — дунёда ҳамма нарса бебақолигини эслашга мажбур қиласди, холос, Ўрмондаги дараҳтларни кимдир кеса бошлабди, диккайиб турган дараҳт тўнгаклари ва саржин-саржин қилиб тахланган ўтинлар онда-сонда кўриниб турадиган бу ялангликка қараш ачинарли. Шаҳар ташқарисидаги бир маҳаллар гуриллаб турган қовоқхона энди эски, шундай уйлардан бирики, бу уйлар қадимги боёнларни эсга туширас; ўтмишни ҳаққоний койиб, унга марсия ёзишга илҳомлантиради. Қовоқхонанинг ҳувиллаган хоналарида икки-уч кишидан ортиқ одам йўқ—ҳамма ёқ жимжит. Богча томонга очилган эшикдан қандайдир қушчанинг чириллаётгани, дараҳтларнинг шувиллаши ва кимнингдир чапаничасига жуда ёмон сўзлар билан бўралаб сўкинаётгани эшитилиб туради.

‘Сайил черков билан ўрмон ўртасидаги кичикроқ пастқам майсазорда ўтятпи. Бу ерда ширин кулчалар сотадиган палаткалар очилган, палаткалар атрофида болалар гавжум. Сойга солинган кўприкчага бориладиган торгина, чаңг босган йўлканинг ҳар икки томонида хилма-хил, ҳавасни келтирадиган вивескалар осиғлиқ майхоналар жойлашган. Чунончи бу вивескаларга деярли ўзи баравар келадиган катта қадаҳ ушлаган мужикнинг сурати солинган, суратнинг тагига эса:

«Жаноблар! Мазалик пиво!» Ёки лўндағина қилиб: «Маъмурчилик! Омон бўлинг. Кўришгунимизча!» деб ёзб қўйилган. От ўйин ғичиллаб айланмоқда; унинг бузоқ териси қопланган отчаларининг титиги чиқиб кетган эди.

Тош ўйлдан икки мужик ўргатилган айиқни занжирда олиб келяпти; айиқ бирдан икки оёғини кўтариб, қаддини ростлаб, эгаси кетидан катта-катта қадам ташлаб кетди. Буни кўрган томошабинлар ҳар томондан югуриб келиб тўпланиши; тез орада айиқ атрофига давра қурилди. У ерда дўмбира овози чиқди, айиқ етакловчининг:

— Қани, Айиқвой, аёллар мужикларни қандай меҳмон қилишини бояр жанобларга бир кўрсатиб қўй-чи,— дегани эшитилиб қолди.

Айиқвой ўз ҳунарини моҳирлик билан кўрсатаётган бўлса керак, даврадагилар қотиб-қотиб кулиши.

— Об-бо, хумпар-э!

— Жуда болпляяпти-ю! Худди ўзи-я!

Томоша тугади, томошабинлар бир офатдан қочгандай, четга қочишди. Сал нарироқда бошқа бир туркум одамлар тўпланибди. Бу ерда аллақандай итлар ўйин кўрсатяпти. Уч шарманкачи айни вақтда уч хил машқини чаляпти, шарманкаларнинг қаттиқ овозидан, атрофдагилар, бир-бирлари билан бақириб гаплашишга мажбурлар.

Ҳамма жойда солдатлар, сарафан кийган аёллар, ишчилар, оддий деҳқонлар тиқилинчда бир-бирларини туртишиб юрибди. Уларнинг ранг-бараанг кўйлаклари, сарафандар, бошларига ўраган рўмёллари кўзни қамаштиради. Онда-сонда аёллар зонти, эскириб кетган бурмали кенг юбка кўриниб қолади. Ана оломон орасидан, қизил сарафан кийган бақувват бир аёл чиқиб, ўрмон томон юрди; унинг кетидан бошига кепи¹ кийган солдат боряпти.

— Ариша-а! — деб қичқирди унга бошқа бир аёл.

Бораётган аёл ўгирилиб қараган эди:

— Эҳтиёт бўл, деяпман! — деди ҳаллги аёл.

— Ҳа, бўлти! — дейди Ариша ва кетаётуб бошига катга рўмол ўраб олди; унинг рўпарасидан шамол туряпти, этаги ёқаларига ёпишиб, орқа этаги ҳилпирайпти.

¹ Бир хил ҳарбий фуражка, (Рөд.)

Ариша билан солдат ўрмонга кириб кетди.

Сайил қилиб юрганлардан салюқорироқда, чодир билан ўралган ва бурчакларига қизил байроқчалар тикилган қовоқхона турибди. Қовоқхонада ҳали одам кам; бир солдат билан икки мешчан энди ича бошлашган эди. Ҳурпайган сочли нимжонгина бу митти солдат қаҳратон совуқда жунжикиб қолган чумчуққа ўхшайди; у секингина чоракта ароқ ва иккита тухум талаб қилди, нонни тугунчасидан олди. Солдат ва унинг ўртоғи кичик стаканчадан ичиб олганларидан кейин, анчагача туфлаб, кўзларини юмиб, қаттиқ қийналиб юзларини буришириб ўтирди. Кейин солдат гап бошлаб юборди.

— Ҳозирги ароқ илгариги ароқлардан анча яхшида! Кўп яхши! Мазасини айтмайсанми!

Шундан кейин солдат тупуриб қўйди.

— Шундай! — дейди ўртоғи унинг гапини маъқуллаб.

Кейин иккаласи ҳам индамай кавшай бошлашди.

Мешчанлар ўртасида эса шундай гап борарди:

— Шунаقا иш бўлиб қолди. Евсюхинларникида ўтиришган эдик; уйимга қайтай деб йўлга чиқдим. Кечаси соат иккidan ошган эди. Уйга кетяпману, рафиқамни тинчитиб қўйиш керак, хотиним-ку ахир, деб ўйлайман.

— Бўлмаса-чи! Хотининг, албатта.

— Ҳа. Бир амаллаб уйга етиб олдим. Бош гаранг, ҳеч нима кўрмайман. Нима бало бу! Пайпаслаб кўрсам — қўлим юмшоқ бир нарсага тегиб кетди, ҳеч нима тушунмай қолдим, оқсочимиз Маръянинг супачада ухлаши эсимдан чиқибди. Нима эканлигига ҳеч ақлим етмайди. Маръя: «Вой дод! Қорнимни босишди! Дод!» деб бақиргандан кейингина ўзимга келиб қолдим.

— Ҳе-ҳе-ҳҳе-ҳе!

— Нега бунча бақирасан! — дейман. — Ётоқхонага ўтмоқчиман. Эшик берк, тўсиқдан ошиб ўтиш керак. Умивальник устига чиқиб оламан-у, кейин стулга оёғими ни қўяман, деб ўйладим. Аттанг. оёғим сирғаниб кетса борми! Умивальникка мингашиб қолдим, у узилиб тагидаги тоога, тос эса полга тарақлаб тушиб кетди. Даҳша-а-ат! Эрталаб хотиним туриб кўлмакни кўриши билан, бу болалардан келган бўлса керак деб ўйлади-да, биттасини сочидан ушлаб олиб, тавба қилдим, де, тавба қилдим де, деб қичқирди.

Оғайнилар хандон ташлаб кулишди, кейин индамай чой ичиши.

Илма-тешик калта пўстин, чакмон кийган бир тўда мужиклар, кийимларини қитир-қитир қилдириб стол атрофига ўтириши. Мужикларнинг кайфи бор эди.

— Митрэй, рўпарамга ўтири, рўпарамга.

— Утираман, Яков Антонич.

— Шунақа. Мана шу ерга, рўпарамга, деяпман.

— Раҳмат, қуллуқ.

Бирпасдан кейин:

— Левоша!—деган овоз эшитилиб қолди.—Менинг гапим шу: нима учун бизлар барбод бўлиб кетяпмиз? Левоша ўқрайиб полга қаради.

— Нима учун, дейман, ҳалок бўламиз? Ҳаммамиз ўлиб кетамиз!

— Ҳаммамиз! Адо бўлдик деявер!

— Хайр! Алвидо, ёр-биродарларим!

Малай эгнига парусин пальто кийган бир дачникка¹ ёнаётган гугуртни тута туриб:

— Бу ҳалққа ҳайронман-да,—деди истеҳзо билан,—салгина ичиб олдими, дарров ўлим ҳақида гап бошлайди, барбод бўлдик, ҳалок бўлдик, бизларни сўядилар, жабр қиласидилар дейишади. Бутун билган гаплари шу.

— Йўқ, шошмай тур! Үлса—ўлигидан оламиз!—деб бақиради Яков Антонич, мушти билан столга уриб.

— Оламиз, албатта!

— Йўқ дейсанми? Үлсак ҳам олмай қолмаймиз! Бос лиқлар олдига борамиз. Нима қибди! Ё бўлмаса бизлар

— Ҳазиллашяпсан... э-э..

— Мен сенга шошмай тур, деяпман!—деди Левоша. У кўзларини сузиб, папиросини икки қўллаб тутганича, шеригидан чекиб олмоқчи бўлади.

— Ҳой, менга қара, сен нима бердинг менга?—деб бақиради дачник.

— Конъяк.

— Конъяк дейсанми?

— Ха, конъякнинг ўзгинаси.

— Чўчқа!

— Нима десангиз — майлингиз.

— Ҳа, майли, худди шундайсан!

Хали ичмаган бир мужик, бир стакан ароқ ютиш

1 Барбօֆ олиб чиққан киши. (*Рөд.*)

ниятида пештахта олдида туриб, ёнидаги бир йигитга отларини қандай олиб кетганинни гапиряпти.

— Қандай моллар эди-а! Худо ҳақи, гуринсклик бой жийрон отимга икки юз сўм бериб эди! «Митька, бунақа отда сен юрмасанг ҳам бўларди!» деди. Хуллас, шундай осилиб олдики, асти қўявер! Йўқ, унамадим... Сотиб нима қиласман; худога шукур, муҳтож эмасман-ку, ана шунда...

— Кеккайиб кетган экансан-да!

— Рост, рост!

— Қандай олиб кетишди?

— Қандай бўларди? Шип-шийдам далада бирдан ҳужум қилиб қолишиди-да: «Қани, аравадан туш-чи, дўстим!» дейишиди. Қўлқопимни, қамчинимни, хуллас ҳамма нарсамни шилиб олишиди. Қалпоғимни ҳам олишмоқчи эди-ю, биттасига раҳмат, менинг ёнимни олиб: «Йўқ, қалпоғини бер, бўронни кўрмайсанми (бу воқиа масленица байрами олдидан бўлди).— Қалпоғини ўзига бер, бўлмаса совқотиб, ўлиб қолади: худо олдида гуноҳкор бўласан» деди.

— Ҳали шундоқ дегин!

Бирпас жимлик чўкди.

— Чоракита!— дейди солдат, пештахтага беш тийинни ташлаб.

— Ҳўп. Ҳозир бўлади.

— Оқ идишда берасан-да!

— Йўқ, беролмаймиз.

— Нима деганинг бу? Бу ерга биринчи марта келишимиз эмас-ку! Биза, худога шукур, мулла бўлиб қолганмиз!

— Нима дейсан, кавалер, бизга ҳам сал-пал чой пули керакми, ахир, ё йўқми? Лоақал бир тийин қўш, шунақа бўлсин; ҳозир даромад деган нарса борми ўзи: кунига бори-йўғи бир челак ароқ сотяпмиз...

— Нима, бизга пул писандми!— деди солдат қизишиб.

— Ҳали, шунақа дегин!

— Иван Егорович, қўйсанг-чи,— деб чийиллади солдатга шерсть капот кийган бир киши,— майли, гапираверсин.

— Қизиқсан-а, ўзинг! Гапираверсин эмиш. Униси ҳам, буниси ҳам гапираверадиган бўлса, бир кунда бўйнингни суғуриб олишади-ку!

- Худо ҳақи, қўй дейман!
 - Ҳой, кавалер, унча қизишманг.
 - Йўқ, мен сенга кўрсатиб қўяй-чи.
 - Кўрсатиб бўбсан!..
- Солдат сўкиниб пештахта олдидан жўнайди.
 Бояги дачник:
- Сен ҳали буни ром деб атайсанми?— деб яна ба-
қириб қолди.
 - Ромнинг худди ўзгинаси.
 - Мен сенга яна қайтариб айтамани, демак, сен
аблаҳ экансан.
 - Бекор бунаقا деяпсиз, жаноб.
 - Беш рюмка ичдиму, бирон кайфи йўқ, сувнинг
ўзгинаси. Бир штоф тозасидан бер.

Тез орада дачник жим қолди.

Парусин мата орқасидан чирманда ва шарманка
овози эшитиляпти. Аллақандай аёллар чўзиб-чўзиб ашу-
ла айтишяпти:

Ёрим келар далада-а-а-и...
 Черкес либоси кийга-а-а-и...
 Уч юз турар қалпоги-и-и...
 Беш юз сўмдир шинел-и-и...

Сал парироқда пахтали жилет кийган сариқ сочли
бир мужик балалайкани эшитилар-эшитилмас чалиб
ўтирибди; у стул тагига оёғини суқиб товони билан
депсиняпти. Унинг анчагина кайфи ошиб кетган, шериги
'са жўр бўляпти:

Вой, бойвуччам, дод,войдод,
 Севиб қолди мени азамат йигит... .

Ашулачи тўхтаб қолади, балалайка чалиниб турибди,
ашулачи йигит яна бошлаб юборади:

Қучогига мени олди-ю,
 Супачага келтириб қўйди...

— Эҳ, унақа-ю, бунақа-а-а,— деб чўзиб-чўзиб, тову-
шини қалтиратиб айтади ингичка овозли йигит; шу орада
шитиқандай кишилар баланд овоз билан унга жўр бў-
лиди, шод-хуррамлик авжига чиқди.

Икки қўлида чойнак ушлаган қовоқхона хизматкор-
чари изгиб юришади, ҳамма ёқдан ашула овозлари
ширилди; баъзи бирорлар қучоқлашинб, қаттиқ-қаттиқ

ўпишиб, бирпасдан кейин эса ёқалашди.. Кўчада ёмғир томчилаши биланоқ, одамлар ҳамма эшикларга ёпирилиб кирди, булар орасида шляпаларини дастрўмоллари билан ёпган мешчанлар, бошларига чакмонларини ёпниб олган ишчилар бор. Ёмғир тинишини кутиб тургандардан баъзилари ташқарига қўлини ёки бошини чўзиб осмонга қарайди ва ўз мулоҳазасини айтиб қўяди:

— Анави булут бир чеккадан Коломнага қараб ўтяпти.

— Анавими?

— Буниси тўппа-тўғри Коломнага ўтяпти!

Эшик олдида тўпланган болаларни қовоқхона хизматкори:

— Қани, жўнанглар!—деб ҳайдаб қолди.

— Амаки, бизлар бугун эрталаб ёрдамлашганмиз.

— Йўқол! Қоч!—деяпман.

Болалар кўчага чиқиб кетишади.

Ёмғир тинди, халқ яна изғиб қолди. Яна тиқилинч, яна ашула.

Кенг кўчада машқини чалаётган шарманка садоси остида ўйинга тушишди. Сарафан кийган бир жувон, товусдай силкиниб, елкасини учирив, аста-секин йўргалади. Бирдан ўйин шавқ-завқли бўлиб кетди, ёш фабрика ишчиси, этагини ушлаб, чўққайиб ўйинга тушди.

Сайр томоша, маст-аластлик тобора авжига чиқди. Нарироқда муштлашиш бошланиб кетди, кейин кимдир: «Вой-дод! Ўламан!» деб бақириб қолди. Шовқин-сурон ғолган меҳмонни қовоқхона хизматкорлари орқасидан гуртиб-суриб чиқариб юбориши. Йўлда ҳам, тўқайзорда ҳам йиқилиб ётган маст одамлар сони ошмоқда, сайил бўлаётган жойдан анча олисда кимдир қўлларини аямасдан турк дўмбирасини қаттиқ урмоқда.

С Е М Е Н И Х А

Утробов шаҳарчаси Москвага бориладиган икки тақири йўл ўртасига жойлашган. Бу шаҳарчадан нарироқда Москва йўлларидан сон-саноқсиз карвонлар ўтмоқда, черкас буқалари ва сигирлари пода-пода бўлиб астасекин бормоқда, подалар атрофида кенг яғринли, басавлат подачилар отларини гижинглатиб бормоқдалар ва умуман елимдай ёпишқоқ, маҳкам савдо-сотиқ ҳаёти авж олмоқда. Утробов шаҳарчаси шундай пастқам жойга беркиниб олганки, унга ана шу савдо-сотиқ шовқин-суронидан на бир овоз, на бир сўз эши билади. Утробовни ҳеч ким сўрамайди, унда ҳеч кимнинг иши ҳам йўқ, у ёлғиз ўзи астагина сўпнайиб турибди; бунга бирдан-бир сабаб шуки, бундан кўп замонлар илгари, яъни ҳозирги Утробов ўрнида, маҳбусларни вақтинча сақлайдити кичкинагина сариқ қамоқхона жойлашган, савдогарлар эса Утробов ўрмонлари ичидан сафарга чиқишлари олдидан ўзларига тириклайн дуойи фотиҳа ўтказган ўша қадимги замонларда бу йўлдан рамақижон бўлиб қолган китга бир мансабдор ўтган экан. Бу жойларнинг, айниқсле, кечқурунги табиий манзараси мансабдорнинг ҳорғини асабларига ёқиб қолибди; ана шунда мансабдорнинг мисинга бу ерда шаҳар барпо қилиш фикри келиб, бу шунда тегишли жойда тараффуд қилиш керак, дебди (башарти кўрсаткич бармоғи билан зўрға, ишора қилиб қўйғанини тараддуд қилиш дейилса).

Ана шундай қилиб, мазкур ният натижасида (чунки бошқа бир сабаб бўлмаган) шаҳарнинг вужудга келиши на туллаб яшашни бошланиб кетибди. Аста-секин ҳамми парса, дастлаб қамоқхона йўлга солинибди. Прото-

колчилар, уларнинг мувовинлари ва яна қандайдир ла-возимлар вужудга келибди. Судлар ва маҳкамалар ҳам тузилибди, афтидан одамларни суд қилиш ҳам керак бўлиб қолибди. Аҳолининг жуда камлиги важидан бу ишларни «кўнгилдагидек» амалга ошириш қийин бўлса ҳам, лекин ҳар ҳолда, ишбилармонлар шаҳарни шаҳар ҳолига келтиришга жон-жаҳдолари билан ҳаракат қилибдилар; натижада: шаҳардаги озгина аҳолининг маълум бир қисмини қамоқхонада ўтирадиган қилиб ажратибдилар, бошқа қисми эса осойишта ҳаёт кечириш йўлига тушибди ва тўлароқ манзара ҳосил бўлиши учун шу аҳолининг бир нечта намояндаси полиция маҳкамасига ўтиб олибди; кўчалар — лой, кечалари «войдод!» деб бақириш ҳам мумкин деб топишибди. Кўчаларда гадойлар пайдо бўлибди, хуллас, тез кунда шаҳар мағомига келибди.

Ана шундай тирикчилик натижасида Утробов бата мом амалдорлар шаҳарига айланибди. Бу ерда амалдорлар учун баъзи бир тикувчилар, баъзи бир этикдўзлар, ўзига яраша савдо-сотиғи ҳам бор, бироқ буларнинг барчаси, айниқса савдо-сотиқ ниҳоятда чекланган ҳолда давом этмоқда, унинг кўлами йилдан-йилга тораймоқда, бунга ҳам сабаб шуки, шаҳарда тартиб-интизом, дин-диёнат ривож топганлиги муносабати билан бу ерга қишлоқдан амалдорлар турмушига зарур бўлган озиқ-овқат маҳсулотинигина келтиришади, холос. Тартиб-интизом ҳар дам ривож топмоқда, шунинг учун ҳам ҳозирги вақтда савдо-сотиқ теварак-атрофдаги уездларга бир неча юз пуд кунгабоқар сотишдангина иборат бўлиб қолди.

Амалдорлар одати камбағал аҳолининг турмушида ҳам кўринадиган бўлибди, чупончи ҳатто сабзавот эка диган аёллар ҳам ўзлари эккан карам, укроп кабирезаворларни чумчуқ, қарға ва зағчалардан қўриқлаш учун, полиздаги қўриқчиларининг эгнига амалдорларнинг эски фракларини, бошларига дабдала бўлган уч бурчакли шляпаларини ҳамда бошқа нарсаларни кийгизиб қўядилар. Умуман амалдорлар кийим-кечагининг расвоси чиққан қолган-қутганлари полизда сўнгги даврларини кечиради: фракларнинг енг ва этаклари шамолда ҳилпирайди, шляпалар силкинади, буларни кўрган қарғалар, зағчалар, чумчуқлар қўрқанларидан жон-понлари чиқиб қочадилар.

Амалдорларнинг обивателлар турмушига сингиб кетган ана шундай одатлари анчагина заковатли Гребенкина деган мешчан бева аёлининг миясида шундай бир фикр туғдирибди:

— Қани, жонгиналарим, амалдорларча бир туриб кўрсам, дейман... Зора худойи таоло ёрдам бериб қолса...— дебди у. Дарҳақиқат худо унга ёрдам берибди.

Мен биринчи марта Гребенкинани кўрганимда, у энди қирқларга кириб қолган, демак, халқ мақоли билан айтганда, аёллик даври ўтиб қолган эди, бироқ шунга қарамай, унинг оқ рўмол қисиб турган лўппигина ғози баъзан совуқ кунлари қип-қизариб кетарди. Мен танишган ўша маҳалларда Гребенкина энди анча вақтлардан бери адвокатлик соҳасида ишлаб келарди; йиллар ўтиши билан Семёниханинг шуҳрати ҳам шу билан бирга мужикларнинг чўнтаклари ва юқорироқ даражали одам чўнтаклари билан, ҳатто маҳкамалардаги энг майда амалдорлар жилеметкасининг тешик чўнтаклари билан танишиш соҳасидаги унинг номи, донги ҳам орта борди. Шу сабабли Семёниханинг ҳовлисига келадиган мужикларнинг сони йилдан-йилга оша борди, натижада Семёниха отасининг михлаб ташланган ўйининг ярмини очишга мажбур бўлди, бир эпчил мешчан эса, келувчи халқдан тушадиган даромадларни кўзда тутиб дўкончасини ланг очиб қўйди, тез орада дўкончадаги арава мой, пичан ёнига бўйинча боғлари, қуюшқон, деҳқонларнинг калта трубкалари, иконалар ва бошқа моллари қўшилди; шу билан бирга Семёниха ҳовлисининг ўртасида, карвон саройларда бўладиган бостирма пайдо бўлиб қолди.

Семёниха ўзи чаласавод бўлгани; атрофдан келган мужиклар ҳар хил аризалар ёздириши зарурлигини назарга олиб, бу ишни бажо келтирмоқ учун Семёниха ҳузурига Борисич деган бир шахс қатнаб юарди. Бир маҳаллар ўша Борисич суд идораларидан бирида хизмат қилган бўлиб, уни ишдан ҳайдаб юборишган экан; у жуда қашшоқлашиб, маҳкамаларда бировлар ўрнига таинга мирига ёлланиб дежурлик қиласидиган бўлиб қолибди. Кўн ёш, тажрибасиз мирзалар ҳазиллашиб уни хўроэ бўлиб қичқиришга мажбур қиласар, ўлгидай маст қилиб ичирар, шкаф тепасига ўтқизиб қўяр, бошига қофоз қалпоқ кийгизиб, ўша қалпоқни ёндириб юборардилар... Борисич бўлса тепакалининг анчагина жойи куйиб кет

ганини сезмай ҳам қоларди. Хўроz бўлиб қичқириш бориб-бориб унга одат бўлиб қолди; инглиз хўроzи қанақа қичқириади-ю, Курск ёки Орёл хўроzи қанақа қичқиришини у айниқса маҳорат билан кўрсатарди. Шу ҳунарини кўрсатиш мақсадида у байрам кунлари амалдорлар орасида ўралашиб юрар, кундузги ибодатдан кейин, одатда ҳамма жойда пирог еб ўтириладиган пайтда кириб келишга ҳаракат қилар, бир-икки рюмка ароқ ичарди. Борди-ю, ичиш жонига тегиб кетса, ароқни у қайтариб бермас, фрак тугмачасига осиғлиқ шиша-сига қўйиб қўярди... У Семёниханинг қашшоқ мусофирлар учун ажратилган кухнясида кун кечирар, ўша ерда ҳар хил илтимосномалар, аризалар ёзар, бир танга-га ҳар қандай бўхтонни қотириб ташларди.

Ўша кухняда Семёниха шафқат юзасидан боқаётган Митревна кампир ҳам майд-чўйда ишларга қарашиб турарди; солдатликка олинган ўғилдан ажраб қолганидан унинг эси паст бўлиб қолди дейишарди... Кампир ўғлини солдатликдан бўшатиш мақсадида ариза кўтариб давлат маҳкамасига бориб, ариза ҳам ҳужжатларни швейцарига топширибди, чунки швейцарь ўзининг зарҳал ҳассаси билан кампирни ҳайрон қилиб қўйибди, ундан анчагина пул олибди, пировардида, уни Питерга боришга унатибди.

Ҳамма шу воқиага куларди.

— Қани, қани, айт-чи, қанақа қилиб у ерга бординг?.. — деб суриштиришарди кампирдан, — ҳалиги солдат сенга нима деди?

— Нима дерди, сен, кампир, тўппа-тўғри малика яйловига бор, деди... Чунки, ўша яйловнинг ўртасида Кутуз-Смоленский турибди, у жойни бир манзил деса бўлади... Унга арзи-додим бунақа деб гапириб берасан... У қўлидаги рўмолнасини бир силкиб қўйса бас! бутун ишинг ҳал бўлади, чунки ўша Кутуз-Смоленский яшил орёллик бўлади... Ана шунақа!.. — деди.

Кампирнинг атрофидагилар қотиб-қотиб кулишади.

— Хўш, у ердан-чи, қанақа қилиб қайтиб келдинг?..

— У ердан, болакайларим, мени этап билан жўнатишиди... Ўша этап билан келяпмиз дегин, бирдан у менга: «Мен сени, холажон, мана шу милтифим билан жуда боплаб отиб ташлашим ҳам мумкин» деди. «Менинг қўл-оёқларим қалтираб кетди, гапимни айтольмай қолдим, нафасим тиқилди, у бўлса, башаранг қургур,

иблис, қотиб-қотиб куляпти...» Ҳа, ҳали шунақами, дейди, бўлмаса, мен сени отиб ташлай! Шундай қилайки!. Борди-ю, кампир, дейди, яримта ароқ қўйиб беришни ўйламасангиз, биз шу ондаёқ сизнинг жони-игизни еттинчи осмонга жўнатаб қўя қоламиз... Ана ўшанда сиз нари-бери бемалол парвоз қилиб юраверасиз...»

Борисич ва Митревна ўчоқ бошида туардилар, Семёниха эса озода пардалар тутилган, тоза ойнали деразалари кўчага қараган, озода хонага жойлашган. Семёниха бу ерда бошлиқларни, оқсоқолларни кутиб олар, уларга ўзи чой қўйиб берарди. Семёниханинг ана шундай одатдан ташқари фаолияти қўни-қўшниларининг жаҳлини чиқариб қўйди — бунга бирдан-бир сабаб шу эдикি, улар Семёнихани «ўз одамимиз эмас» дейишарди. Ана шунинг учун ҳам, Семёниханинг граждандлик йўлига кириши билан бирга, ундан ўч олиш, жигига тегиши, имкони бўлса — чимчилаб олиш учун ҳар хил фисқ-фасод, ифволар тарқатиб қолиши. Семёниха буларнинг барини «кўргилик» деб атар, турлигуман овозаларга, гўё у — хлисталар¹ динида экан, деган гапларга эътибор бермай келарди; у товуғининг ўғирланишинга ҳам парво қилмади, чунки у кўчанинг ўртасида ёмон сўзлар айтиб сўкиш, соchlарини юлиб олиш, бир бирининг башарасига туфлаш ва ҳоказо қилиқлар учун товуқининг ўғирланганини тушунарди. Семёниханинг шундай парво қилмаслиги дарғазаб одамлардан энг яхши қасос олиш бўлиб чиқди, чунки буништаги натижасида, сиёсий мақсадлар билан ўғирланган ҳалиги товуқ, кўзда тутилган мақсадга эриштириш ўринига, ўғирлаган хотиннинг бағрига урилган қора тош бўлиб, унинг халойиқ олдида оддий ўғри эканини кўрситиб қўйди.

Іу орада Семёниха ўз ишларини давом қилдираверли. У бу ишларини шунинг учун уddeлай олардики, уни муҳтоҷ бўлган шахсларга зарур эканлигини усташини билан кўрсата биларди. Шунинг натижасида у ўзи уни зарур бўлган амалдорлар муҳитида «ўз» одамларни бўлиб қолди. Болалар уни яхши кўришар, уни шодҳуррамлик билан кутишарди, чунки улар Семёниха

¹ Чор Россиянда мистик христиан секталаридан бири шундай деб аталарди.

бирон ширинлик, пряник, ёнғоқ ва ҳоказолар олиб келишини биларди. Амалдорларнинг хотинлари уни жондилдан севардилар, чунки Семёнихадек дилкаш аёл йўқ эди ўзи, Масалан бирор бола бетоб бўлиб қолдими, дарҳол Семёнихани чақиришишарди, Семёниха ҳам ёмон касалликнинг қаердан пайдо бўлганини дарров аниқлаб оларди. Бунинг учун у самоварга озгина чўф ташлар ва унинг устига чинни гулдан сепиб тутатки қиларди-да, беморнинг ёнига келиб кўмир чўфини пуфларди:

- Қизнинг кўзи тегдимикин...
- Чирсилламайди.
- Эркаклар кўзи тегдимикин...
- Йўқ...
- Хотин-халаж кўзи тегдимикин...
- Чирсиллаяпти...

Ёмонликнинг илдизи қисман топилди; демак, аёлларнинг ақлу фаросатларини ишга солиб юборилса бас, ўша ёмонликнинг айбори ҳам дарров топила қолади. Қани энди, кўзи теккан ўша аёл қўлга тушиб қолса борми, тошбўрон қилиб мажақлаб ташланарди. Семёниханинг оғзидан чиққан сўз ана шундай пухта, барқарор эди.

Еки шундай бир воқиани олиб кўрайлик: чунончи, бир амалдорнинг хотини одатдан ташқари бир дардга мубтало бўлиб қолади; у кўйлагини офтобда қуритмоқчи, каравотлардаги барча қандалаларни куйдирмоқчи, ўзининг ҳамма болаларини топ-тоза қилиб чўмилтирмоқчи бўлади, ана ўшанда Семёниха бошидаги рўмолини олиб, енгини шимариб қўйса — бас; иш бир зумда тўғриланиб кетади. Кунларнинг бирида Семёниха секретарнинг чўчқаларини ўзим ювиб-тозалаб қўйман, деб қолди. Шу мақсад билан чўчқалардан ҳар бири тоғорага чилвир билан боғлаб қўйилди. Кейин, ҳаддан ташқари шовқин-сурон, қий-чув ичида, чўчқалар устига қайнаган сув қўйилди; сув жуда иссиқ бўлганидан чўчқалардан бири, чидамай, ўзини четга ташлаб, биқинидаги тоғора билан дарвозадан чиқиб, шаҳар кўчасидан чопқиллаб кетаверди.

Семёниха ўзининг ана шундай қаҳрамонона ҳаракатлари билан ҳурматга сазовор, қаерга борса кутиб олинадиган аёл бўлиб қолди.

Ёзнинг жазирама иссиқ кунларидан бири. Амалдор хотини уйда якка ўзи ўтирибди. Эри маҳкамада, ўғли

мактабда; уйда фақат кичкинтойлар қолибди, лекин бу уччалик аҳамиятли эмас. Хўш, бўлмаса аҳамиятлиги нима экан? Шуниси борки, иссиқ, чидаб бўлмайдиган иссиқ. Амалдор хотини боғча деразасини очиб кўрди. Шабада салгина бўлса ҳам қўлтиқ тагларини, уербу ерини елписа, деб ўйлаган эди... Кейин у тер босган жойларини кўйлаги билан елпиди — йўқ, фойда бермади... Шу пайт деразадан уйга бирталай пашша кириб қолди. Ўша пашшалар орасида ялтироқ, кенг атлас пальто кийган савдогар хотинини эслатадиган, қалин қанотли бир пашша ваҳимали ғўни иллайвериб амалдор хотинини ҳатто қўрқитиб юборди. У, сапчиб туриб, сочиқ билан ўша пашшани ҳайдаб чиқарди. Бу ҳаракати натижасида, чакка томирлари янада қаттиқроқ уриб кетди. Кейин у қўлига ишини олиб тикмоқчи бўлган эди, аммо бу ҳам бўлмади: дам қўлига, дам тиззасига нина киргандай бўлди. Бундан унинг ҳарорати ошди. Хонимнинг мадори қуриб ётди, ҳушидан кетди. Ошхонанинг ланг очиқ эшигидан ошпаз хотиннинг пичноқ билан алланимани тиқиллатаётгани эшитиляпти; жўжалар чийиллашмоқда, кўчада бир мужик «ширин кулчалар...» деб қичқирмоқда. Шабада эсгандай бўлди, шундай роҳат, кинининг тургиси келмайди; шу вақт даҳлизга бир товуқ кириб, полин чўқилай бошлади. Ана у даҳлиздан олдиниги хонага ҳам ўтди... Амалдор хотини товуқни ҳайдаб чиқармоқчи бўлди-ю, жойидан туришга мажоли келмади. Товуқ залга кираётгандай, стулларга чиқаётгандай, ойна олдига келиб, булғатаётгандай туюлади... Аёлнинг жаҳли чиқади-ю, оёқ-қўлларини қимирлатомайди, худди сувда пишган гўштдек ётади... Қўрада эса болалар вағирлашяпти... «Ҳаммасини давалайман» деб ўйлади амалдор аёли.

Аҳвол оғир, азоб-уқубат... Ана шу пайтда Семёниха ташриф қадам қилиб қолса борми, ҳамма уни қучоқлаб бўйинига осилиб олади. Унинг келиши билан дарров са-мовар ҳам қайнатилади. У энди қанча бақирламасин, бутун оламда ҳукмрон иссиқликни янада ошиrolмайди; аксинча, улфатлар беш-олти пиёла чой ичганларидан кейин яна: «Ана энди кун сал салқинлагандай бўлди...» деб ҳам қўйишади.

Семёниханинг шу пайтда пайдо бўлиши — нажот топниш деган гап; буни батамом тушуниб олиш учун, Семёниха жўнаганидан кейин амалдор хотини олдига

келиш кифоя. Ана хонимнинг эри ҳам қайтиб келди, әгнидан фракини, жилетини, манишкасини ечиб ташлади; қўлтиқ тагини артди, тер босган қўксини пуфлади, яна бир марта пуфлаб, кафти билан белини ишқалади.

— Шундай қиздиряптики!..— дейди у.

— Нимасини айтасан,— деб қўяди шалпайиб қолган хотини,— куни билан болалар ҳовлида вағирлашавериб қулоқ-миямни ейишди... тоза қийналдим... ҳеч бўлмаса сен уларнинг одобини бериб қўйсанг...

— Шошмай тур, мен уларнинг таъзирини бериб қўяй, — дейди эри. — Мана кўрасан, мен уларнинг терисини шилиб оламан,— деб қўяди у, болаларга насиҳат қилган тарзда ва бир рюмка ароқни ютиб олади.

Меҳнатдан кейин, айниқса ўтириб ҳоригандан кейин, у маза қилиб, ҳар хил кўкат, карам шўрва ва тузлаган гўштлардан ейди; шундан кейин, унинг ёнбошлаб олгиси келиб қолди. Аттанг, ўриндан бургалар чиқиб қолди, пашшалар отни безовта қилгандай, башарада ўрмалаб чақади, тинчлик бермайди. Амалдор ўзини қўриш учун қошларини чимириб, бурнини қийшайтириб кўрди, кўз қовоғини қисиб, лаби билан қимтиб пашшани оёқчасидан ушлаб олади, пашша бадтар чақади, бадтар ғўнғиллайверади; бир соатча пашша билан олишган амалдорнинг ҳафсаласи пир бўлади.

— Вой, падари лаънатлар!— деди у қалдироқ овоз билан...

Шу вақт от-отакам ўйнашаётган болалар йўргалаб ўтиб кетишди. Уларнинг чийиллаган овозлари амалдор жасадининг ҳар ерида биқсиб ётган ғазабини бирдан кучайтириб юборади; у каравотидан туришга мажбур бўлади.

— Ҳой, итваччалар, адабларнингни бериб қўймасам бўлмади,— дейди у хириллаб, залда болаларни қувлади.

Бу ерда у қўлига чивиқ тутган хотинига дуч келиб қолади; у ҳам қўрққанидан овозини чиқармай, оғзини очиб, қўлларини ёйиб келаётган бир қизчани қувлаб юҳарди.

— Шошмай туринглар, шумтакалар! Мен сенларни!..— шундай деди-ю, амалдор бир болани ҳурпайган сочидан ушлаб олиб, оёғи билан супургини бурчакка итариб қўйиб, ундан бир хипчинини бўш қўли билан суғуриб олади.

Савалаш, қий-чув бошланиб кетади. Бошқа болалар саваланаётган шўрликнинг ёнини олиб йиғлашади.

— Дадажон,вой дадажоним...

— Ҳа, ҳали сенга ҳам керакми... Ма, бўлмаса!..

Ота иккинчи боланинг ҳам социдан ушлаб олади... хипчин визиллаган сари, ота хумордан чиқиб, дарҳақиқат боланинг терисини шилиб олишга урингандай кўринади. Болалар чордоққа, ҳаммомга, ертўлага, пичанхонага тумтарақай қочиб кетади; эр-хотин ҳам болалар кетидан чопади.

Орадан ярим соатча ўтгач, ота ҳам, она ҳам ҳориган ҳолда, зўрға қадам ташлаб қўрадан кириб келишади; улар чивиқларини ойна тагига қистириб ёки кўзга кўринадиган бошқа жойга қўйиб, ҳолдан тойиб, каравотда ётиб қоладилар.

— Уҳ... Чарчадим!..

— Бу зумрашалар... тоза азобга қўйдилар-ку!

Болалар эса омборда ўтириб, гуноҳларига ўкиниб йиғлашади.

Ана энди шундай пайтда Семёнихами ёки бошқа бирор киши марҳамат қилиб қолганида, самовар қўйилар, болалар ҳам омои қоларди.

Ана шундай қилиб, Семёниха тегишли жойдан ёрдам олиб, дадиллик билан ўз илтимосларини кўтариб чиқар, шу билан бирга, бошлиқлардан бу дадиллигини эпчиллик билан яширади, чунки у кимни ҳурматлаш, кимга итоат қилиш кераклигини аниқ билиш фойдадан холи эмаслигини яхши тушунарди.

Аскарликка олиш пайти келиб қолди. Аллаким бирорнинг дарвозасига бўр билан: «Ҳой ўғри, шодлаи, яқинда ҳарбийга отлан» деб ёзилганмиш деган овоза тарқалиб қолди. Яна кимдир дарвозасига ўткир қиррали михлар саншиб қўйибди-да, шундай овоза тарқатиби: «Буни беғараз мақсад билан қилдим; мужиклар келавериб жонимга тегди, уларни киргизманглар десам ҳам, девордан ошиб кираверишади, ана шунинг учун мих санчишга тўғри келди...» Семёниха ҳовлиси мужикларнинг ўтин ташийдиган чаналари билан тўлиб кетган. Унинг меҳмонхонасида ҳам, ўқоқбошисида ҳам, супасида ҳам, печкалари устида ҳам, хуллас ҳамма жойида одам тўла... Семёниха ҳаммани юмшоқлик билан қабул қиласи, ҳаммага эшиги очиқ, у ҳамманинг

қайғу-ҳасратини ўртоқлашади ва ҳамманинг арз-додини бир амаллаб бошлиқларга етказади. У бошига кулфат тушган, шўрлик оталарни йиғиб олади, эгнига қуён тери пўстинини кияди-да, эрталаб улар билан бирга керак жойга боради. Семёниха мужикларнинг олдидан жўрабоши бўлиб борар экан, бу ишни қандай ўринлатиш тўғрисида доим ўйлади. Шу мақсад билан у мужикларга ҳадеб ўғирилиб қарайди-да: ҳар хил маслаҳатлар беради.

— Ана шу яқин ерда, азизларим, маслаҳатчи турди... Ҳозир у ўзининг кучерига буйруқ бериб, ҳовлига ҳеч ким киргизилмасин дебди... Лекин бу фақат кўз кўрсии учун қилинган иш... Зора биронтангиз узларни ҳузурига кириб қолсангиз, олдиларига ҳеч кимни киргизишмайди, киргизмай калтаклашади, деб арз қилсангиз... у кишининг вақтлари чоғ бўлади, мақтаниб қўядилар... Бирортасининг тишини синдириб ёки бошқа бирор жойини шикастлаб қўймоқчи бўладилар. Бироқ, болаларим, сизлар ҳар бирингиздан икки-уч тийиндан пул йиғиб олинглару, ўша пулни маслаҳатчининг кучери Пётр Петровичга берайлик... Балки худо ярлақаб...

Арзгўйлар майда пулларни берганларидан кейин яна юриб кетишади.

Семёниха олдинда борар экан, кетидагиларга қайрилиб қараб:

— Гап бундай!. Ораларингда виню ичган одам бўлса, ҳозир айтиб қўя қолсин,— дейди.

Мужиклар хижолат бўлиб қолишади.

— Винодан ичганмиз...

— Шундоғ денг... У киши буни ёмон кўрадилар, сира-сира ёқтирамайдилар...

Ҳамма қулоқ солиб турди.

— Борди-ю, бирон нарса гапирадиган бўлсанг, нафасинг димоқларига урилмаслиги учун бошингни қийшайтириб гапир...нега десанг, винонинг ҳиди ёмон-да,.. туфу! Анқиб турди!.. У киши бўлса бурунларини у ёқ-бу ёққа айлантириб: «Бу қанақа bemazagarчилик? Ким журъат қилди? Бу ёққа кел!» деб қоладилар.

Семёниха, худди маслаҳатчикек, бурнини у ёқ-бу ёққа буриб кўрсатади. Кейин яна юриб кетишади. Дар-

воза олдига етиб келганидан кейин Семёниха ҳалқа-ни қоқади-да, мужикларга бундай дейді:

— Ҳой, менга қаранглар, дұстларим, ҳар әхтимолға қарши тишиларингни құлларинг билан әхтиёт қилиб ки-ринглар... Солиб қолмасынлар, дейман-да...

Кучер әшикни очади-да, мужикларни суриб күчага ҳайдайды, бироқ пулни олгач, ҳовлиға құйиб юборади; мужиклар ҳам оғизларини құллари билан бекитиб, маслаҳатчининг даҳлизига кириб олишади.

Даҳлизда одам лиқ тұла әди; худди ҳайт араfasи-ни кутғандек одамлар әшик очилишини бетоқатлик билан кутишарди, фақат бу гал одамларнинг бу пойлаб туришида ҳеч бир умид учқуни йұқ әди.

Кучер күча әшигида құнғироқ жаранглагуница, даҳ-лизда ўралишиб юрди. Қариялар кучерни ҳайқибрөқ гапта солиб күрмоқчи бўлдилар.

Улардан бири:

— Дастанлаб қўрқинчли бўлса керак дейман-а?...— деб сўради кучердан.

— Йўқ, хўжайнимиз мулойим киши.

— Лекин ҳар ҳолда-да... У кишининг мансаблари катта-ку.

— Ыу гапнинг рост. Дастанлаб..., кўникмаган одам кў-ринни билан қалтираб қолади.

— Шунақа дениг.

— Дастанлаб қалтираб қолади дегин... Боплаб бир солиб қолса борми... даҳшат-да...

— Шундай-шундай...

— Бироқ, энди кўнишиб қолдик.

Шу вақт Семёниха ўзи олиб келган кишиларга:

— Чиқиб келишлари билан... дарров оғрига йиқи-линглар,— деб пичирлади.

Ошпаз хотин ўчоқбошидан ишқорли сувда ғишт қал-шраб келаётган бочкани думалатиб чиқди. Шу ердаги мужиклар четланишди.

— Секинроқ, секинроқ...— деб бақириб юборди ким-дир бурчакдан туриб...— Епирилиб келишларини қара-ю...

Семёниха биринчи бўлиб олдинги хонага ўтиб олди.

Мужиклар бирданига тиз чўқдилар.

— Шошилманглар, шошилманглар, ҳеч ким йўқ... турсиллаб йиқилишларини қаранг-а?...— деб пичирлади Семёниха.

— Ким у тарақа-туруқ қиляпти? Эшикни ёпинглар!..— ёндош хонадан маслаҳатчининг овози эшитилди.

Бироқ, халат кийған маслаҳатчи тез орада чиқиб, стулга ўтирди, тиззасига бир стакан чойни қўйди. Семёниха пўстинйнинг этагини босиб, дастлаб полга ўзи тиз чўкди.

— Фёдор! Кузъма!— деб шивирлади у ва маслаҳатчининг оёғига эгилиб, таъзим қилди.

— Марҳаматингизни дариф тутманг!

— Сизни бизга худонинг ўзи етказган.

— Ҳимоячи отахонимиз...— дейишарди мужиклар, маслаҳатчи эса индамай уларга қараб туарар, иззатхўрмат аслида шундай бўлиши керак дегандай ҳўплаб-хўплаб ликобчадан чой ичарди.

Семёниха, Фёдор билан Кузъмадан кейин бошқа мижозларни ҳам маслаҳатчининг олдига келтирди, тиз чўкиб, ингичка овоз билан, нима гаплигини изҳор қилди.

Семёнихадан кейин бошқа талабгор арзгўйлар ёпирилиб киришди, бир неча хотин-халаж йифи-сиги кўтариб қолди.

Шу кунларда Семёниха ўзининг шўр пешона мужиклари билан кун демай, тун демай овора бўлиб кўп қийналди. Унинг олдига талабгорлар келишар, унинг билан қўл силтаб садволашарди; Семёниха эса овчи мужикларнинг қолган-қутган пулларини талабгор олиб, қочиб кетмасин тагин, деб сергаклик билан кузатиб турарди. Шу ернинг ўзидаёқ квитанциялар топширилар, ширинкомалар берилар ва ҳоказолар қилинарди.

Бундай овора-сарсонгарчиликлар ёшларни саллотга олишгача чўзиларди. Афтидан, Семёниха у ишларнинг ўтказилишидан манфаатдор эди. Аммо, бошдан кечирилаётган мусибат чоғида, бирорнинг айтган илиқ бир сўзи ҳам кишига анча далда беради. Болаларидан жудо бўлиб қолганлар ҳам (бу эзо муқаррар эди), Семёниха туфайли лоақал оғизларидаги тишлари соғ қолганлиги учун ундан миннатдор эди.

Мана Семёниха амалдор Белкин хотини билан бирга чой ичиб ўтириби.

— Мен саллотга оладиган жой ёнидан ўтиб кетаётган эдим, халқ бирам кўпки!..— дейди амалдор хотини.

- Оҳ, гапириб нима ҳам қилардинг...
- Шундай йиги-сигики!.. Қани, чойдан иссанг-чи!
Нимагадир ичким келмайди...

Семёниха Белкинлар дарчасидан хотин-халажларнинг додлаётгани эшитилиб туришини эслади, чунки саллотга оладиган жой бу ердан узоқ эмасди. Семёниха стул устига чиқиб дарчани очди. Дарҳақиқат, додлаш салиниа эшитилиб турарди; шу пайтда унинг юзига шабада урилиб, қулоғига, гүё ёниб турган печга ташлангани минглаб кишилар оғизларини очиб оҳ-фифон чекабтанилари яққол эшитилиб қолди.

— Вой, онахон...Мен бориб келай-чи,—деди Семёниха ич-ичидан куйиб:

— Бўлмаса, Федяни ҳам ўзинг билан олиб бора қол...,—деди амалдор хотини.— Фёкла! Қани, Федяга уст бошини кийинтири-чи.

Федяни, чана тортиб юрган жойидан — боғчадан тошиб олишди ва уни қордан тозалаб, саллотга оладиган жойга олиб кетишиди. Йўлда уларга чўтири рекуртлар учраб қоларди, уларга қора қулоқчинлар, ялпоқ фурражкалар сира ярашимасди; кўчадан чаналарда мужиклар ўтиб кетишиди, булар орасида мастрлари ҳам бор эди, биттаси мастрлигидан ўзини билмай чанада чўзилиб ётар, оёқлари қорда судралиб борарди.

Семёниха Федяни, мужикларнинг чаналари ўраб олган рекрутлар ҳовлисидан олиб ўтди-да, дераза олдига ўтқизиб қўйди. Ойнадан, мундир кийгандан ҳар хил жаноблар, ёруғ ва кенг хона куриниб турарди. Ўша хонага бир мужик йигитни олиб кириб станок¹ тагига қўйишиди. Йигитнинг офтобдан кўкси қоп-қора куйиб кетган эди. Унинг юзи оқариб-бўзариб қолган, кўзларини сарғиш пешона сочи беркитиб турар, йигит эса, бутун аъзойи-бадани титраганидан, сочини тўгрилаб қўйишини эсидан чиқариб қўйган эди. Унинг айниқса қўллари ва бармоқлари титради, қадоқли ва суюқдор тиззалари букилиб кетар эди. Шу пайт бир киши, ёёқ учида туриб, ҳалиги йигитнинг боши билан станокнинг юқори тахтачаси ўртасига оқ қофоз варағини ўтказиб қўйди.

¹ Аскарга олиниадиган кишининг бўйини ўлчайдиган асбаб.(Ред.)

Бу нарса йигитни жуда чўчитиб қўйган бўлса керак, ўшу ондаёқ гурсиллаб тиз чўқди...

Буни кўрган Федя бирдан:

— Вой, қўрқаман!— деб Семёнихага ўзини ташлади, Семёниха шу пайтда кўзларидан дув-дув ёш тўкиб, тик турарди.

Семёниха ана шундай қилиб узоқ йиллар умр сурди. Сўнгги йилларда уни фақат «онахон» деб аташарди.

— Худога шукур,— дерди у кейинги вақтларда,— бешта бошлиқ даврида иш олиб бордим,— жирканишмади.

Семёниха ўз ўтмишини эсга олганда бир неча бор генераллар уни ўзи ёнига ўтқазиб зиёфат қилганини ҳам айтарди.

У фақат қўшни ўғил болалардан — гимназия ўқитувчисининг болаларидан нолиб қолар, чунки ўша болалар кампирнинг томига чиқиб тўс-тўполон қилишларидан безовталанаарди.

Семёниха вафот этгандан кейин кўпгина амалдорлар уни таърифлаб, таъсирили нутқлар сўзладилар...

ТИЛАНЧИЛАР

1

Омадсизлик, баҳтсизлик ва қайгу-аламгина ер юзида барқарорлигини билгандан кейин, кўпгина кишилардан иборат бир тоифанинг мавжудлигини билмоқ учун алоҳида сергаклик билан мушоҳада қилишнинг ҳожати ҳам йўқ; бу тоифага мансуб кишилар, қўллари-ни қайси меҳнатга уришни билмаганларидан, мудом бирорвлар берган садақа билан, бировларнинг меҳнати билан топилган тийин билан тирикчилик қиласидилар. Пойтахт ҳовлилари, кундалик турмуш манзаралари чўзилиб ётган пайтахт қўчалари, черковлари — буларнинг барчаси кўпгина турли-туман тиланчиларни кўрсатиб туради.

Эрталаб уйқудан эндиғина кўзингизни очишингиз на ёзнинг соғ ҳавосидан баҳраманд бўлишингиз биланоқ, ҳовлида музика садоси янграб қолади; ҳамма бе-саранжом; коридордан, хонангиз ёнгинасидан бир неча киши физиллаб ўтиб кетади, ҳамма ёқ тўс-тўполон; дебраздан ташқарига бир кўз ташласангиз, бутун ҳовлининг одамлари сиздан олдиноқ деразалардан бошларини чиқариб ниманидир томоша қилаётганларини кўраси; ҳовли тўла одам; мастеровойлар, ўз ишини йиғиштириб қўйган ошпаз хотинлар, лотокларини бошларига кўтариб олган атторлар оғизларини очиб, анграйиб турибди. Тўрт бурчакли ғиштин иморатнинг баланд деворлари сиқиб қўйган музика садоси эса варанглаб юқори кўтарилмоқда, теварак-атрофга ёйилмоқда ва дарвозадини кириб келаётган янгидан-янги томошабинларни жилб қиласидилар.

Шу орада оркестр қандайдир бир машқни тамом қиласиди; каршайчилар карнайларини паастга қаратиб ча-

лиш вақтида йигилиб қолган сувни туширадилар, со-
зандаларнинг баъзилари деразаларда қараб турған то-
мошабинларга назар ташлайдилар: хайр-садақа кута-
ётганликлари кўриниб турибди; аммо бу ҳақда ҳеч
нима демайдилар, чунки бу камбағалларнинг бари,
бахтга қарши, иззат нафсли ва истеъдодли кишилардир.
Булар, назаримда, энг аянч ва айниқса ёрдамга муҳтож
камбағаллардир.

Созлар йиғиштирилди; скрипкачилар ва сурнайчилар
созларини пальто ва сюртукларининг этаклари тагига
оладилар, тиланчи-созанда болалар ноталарни орқалаб
оладилар, пюпитарларини¹ қўлтиқларига қистирадилар;
созандалардан кейин томошабинлар ҳам дарвозадан
узоқлашадилар. Пешонасига чарм пешонабор танғиган
мастеровийлар ерда ўтирган болаларини қўлларига ола-
дилар; ҳар ёқдан ғовур-ғувур кулги эшитиларди; оркестр
қўшни ҳовлидан эшитила бошлайди. Шундан сўнг тур-
муш яна изига тушиб олади,— пичоқлар тақиллайди,
уйларнинг пастки қаватларидан тўхтовсиз тайёрланаёт-
ган нафасни бўғувчи цикорий кофесининг ҳиди анқиб
турди,— хуллас, овқат тайёрлаш ва бошқа ишлар бош-
ланиб кетади. Бироқ ҳовли узоқ вақт ҳувиллаб қолмай-
ди. Созандалар жўнаганидан кейин, орадан бир неча
минут ўтгач, кўтариб юриб сотувчи: «Поёндоз гилам-
лар!» деб қичқириб қолмаса, албатта ё сув ташувчи
тақир-туқур қилиб қолади, ё бўлмаса дағал қора мовут-
дан подрясник² кийган, белини боғлаган, яланг бош бир
кимса баланд овоз билан: «Ёниб кетган ибодатхона ўр-
нига янгисини барпо қилишни» ва ҳоказоларни гапириб
тиланади. У муқовасига бир неча чақа қўйилган кито-
бига сергаклик билан тикилганича аста-аста девор
бўйлаб юриб деразалар ёнига яқинроқ келишга ҳара-
кат қиласи ва ўзининг ожизона илтимосини тинмай
такрорлайди.

Шу пайт уйнинг пастки қаватидаги эшиқдан бир аёл
чиқиб қолади — бирор фельдфебел³нинг беваси бўлса
керак.

— Ҳой, яхши одам! Ҳудо хайр берсин, бу ёққа кир,—
дейди у.

¹ Ноталар қўйиладиган қия курси.

² Черков руҳонийлари киядиган тор енгли узун кийим,

³ Эски даврда — кичик унвонлик офицер. (*Ped*)

Подрясник кийган киши бошини әгиб қўяди, бу эса унинг таъзим қилаётгани эди. У бева хотин уйига киради. Дарҳол самовар қўйилади. Дастурхонда ноз-неъмат унчалик кўп бўлмаса ҳам, самоварга қайта-қайта сув қўйилиб, узоқ вақт ҳангамалашиб чой ичилади, ер юзида қандай ажойиб ва қандай ажойибот-ғаройиботлар борлиги сўзланади.

Ҳангома вақтида хонага бошқа бева хотинлар ва ижарага ўтирувчи аёллар кириб келишади, охири кўплари кўз ёши қилиб оладилар. Подрясник кийган мусо-фир эса қўшни қўрага ўтиб олиб, яна ўша «ёниб кетган ибодатхона» куйини ва ҳоказоларни айтиб тиланади.

— Ҳой, яхши одам! Бирпасга бу ёққа кириб чиқ!— деган овоз бу гал том тагидан эшитилиб қолади. Яна самовар қўйилади ва яна ҳикоялар бошланиб кетади. Бу ерда ҳам суҳбат мавзуи ўша ёниб кетган ибодатхона бўлади.

Бирпас орага сукунат чўкади; ҳар хил қиёфага ва ҳар хил миллатга мансуб тиланчилар алмашиниб туради. Мана дабдаласи чиққан қандайдир сюртуклар, баданларига чиппа ёпишиб турадиган тўқима шим кийган бир тўда одамлар кириб келишади. Булар орасида анчагина болалар ҳам бор. Болалар ҳам оёқларига тўқима шим ўраб, бошларига ранг-бараңг ленталарга ўралган гулчамбар кийиб олишган. Булар акробатлар; улар ҳашшаш дегунча ечиниб, ҳовлидаги ҳўл тошлар устига им-ма-тешик бўлиб кетган гиламини ёйиб, томошаларини бошлаб юборадилар. Шарманка ва дўмбира садоси янграётганда бу гадойлар думбалоқ ошадилар, болаларни қийнайдилар: сизнинг кўз олдингизда қандайдир бир полвон (бутун тўданинг бошлиғи бўлса керак; демак — жамики гадойларнинг гадойи деяверинг) бир қўли билан кичкинтойнинг белбоғидан ушлаб олади-да, шу ерда тўпланган халойиқ тепасига кўтариб, уни французча музика куйига қўл-оёқларини типирчилатишга мажбур қиласди. Бу кичкинтойнинг (ўслими, қизими эканлиги маълум эмас) келажак тақдирини беихтиёр ўйлашга мажбур бўласиз. Бу ерда энди ўргатилган тиланчиларни кўрасиз: тиланчилик буларга отадан болага мерос бўлиб қолади.

Инҳоят, сои саноқсиз шарманкачилар чўнтағингиздаги пулга умид боғлайдилар. Улар кун бўйи ойнангиз

тагида шарманкаларини ғувиллатадилар, шарманка ҳар хил арияларни, рус куйларини чалади, овози ширали, бир қўли йўқ солдат нақаротли ашулашарни айтмоқда. Башарти сиз кўчага чиқиб қолсангиз у ерда ҳам сизни тинч қўйишмайди: биронтаси чўнтағингиздан фойдаланиш истаги борлигини изҳор қиласди. Агар сиз доим бир кўчадан юрадиган бўлсангиз, ҳар куни бир жойда, бутун бадани латта-путталарга ўралган кўр солдат турганини албатта кўрасиз; унинг ёнида ҳам увада кийимли кампир туроди; солдат «Сой бўйлаб, Казанка ёқалаб»ни ёки бошқа бирор куйни чалади,— кампир ашула айтади. Бу манзара таъбингизни хира қиласди. Бу жойдан қачон ўтсангиз, чолу кампирнинг бир тахлитда турганини кўрасиз, кампир хириллайди, чол эса бўғиқ овозли шарманкасининг дастасини айлантиравериб, бир қўли билан чақа ташлашмадими, деб шарманканинг устини пайпасладиди.

Бундан ташқари, сиз кундузи ҳам, кечаси ҳам ўзларини истеъфога чиқсан капитанман деб, худди сизни деб, сизнинг осойишталигингиз учун Севастополда ўзининг муборак қонини тўккан офицерман деб атайдиган баъзи бир шахсларга дуч келасиз.

Кенг яғринини қимтиб, фуражкасини бошининг бир чеккасига қўндирган бу ҳарбий киши жуда таъсирили овоз билан ўз илтимосини изҳор этади:

— Ҳимоясиз қолган офицердан ёрдамингизни аяманг! Хизматга кирай деб ариза бериб эдим — жой йўқ экан... Хотин, бола-чақаларим бор. Жуда ўтинаман, уч сўлковий беринг!

— Иложим йўқ.
— Худо ҳақи...
— Тўғрисини айтсам, ўзимнинг ҳам бунчалик пулим йўқ.

— Қўлингиздан келганча-да.
— Мана бир танга — олинг.
— Оҳ! Афандим! Аҳволим қанчалик оғир эканини тушиунмайсиз-да... бироқ... ҳа, майли. Раҳмат! Гарчи, бунчалик кам бериб, бирорнинг кўнглини қолдириш гуноҳ дейиш ҳам мумкин...

— Ноилож.

Йўлингиздан юриб кетасиз.

— Афандим, бир кунмас, бир кун худо буни ёдингиз-

га туширади!— деб орқангиздан қичқириб қолади ҳалиги шахс.— Шу пайтдаги туйғуларимни бошингиздан кечирсангиз эди...

Сиз йўлингизда давом этасиз.

— Бир танга берди-я!. Чўчқа!— деб қўяди у, сизни эшитмайди деб ўйлаб.

Бу гал сиз кимсасиз бир кўчадан ўтиб борасиз. Қонроғи кеча. Йўлингиз полицияхона турган ердан ўтаяпти. Жимлик, фақат ўз қадамингиз товуши эшитиляпти.

— Муҳтарам жаноб!— деган гап ёнгинангиздан эшитилиб қолади.

Қайрилиб қарайсиз: бошига козирёги йиртилиб кетган фуражка, энгига енгилгина костюм кийган қандайдир бир шахс турибди.

— Ҳўш, нима гап?

— Сиздан сўрасам мумкинми, менга полицияхона зарур эди, қаердалигини айтиб беролмайсизми?

— Ана, рўпарангизда турибди-ку!

— Ҳа, шунақами? Ўзим олижаноб одамман, бошпаним бўлмаганидан, ҳукуматдан тунаш жойи сўрамоқчи эдим.

Бу шахс полицияхонада тушамоқчи бўлганини шунинг учун айтиб берадики, ўзининг шубҳали киши эканини, паспорти йўқлиги ва ҳоказолар тўғрисидаги фикрни бошингиздан чиқариб юборишингизни истайди. Агар у ўз ихтиёри билан полицияхонага борар экан, агар у ҳақиқатан ҳам паспортсиз бир дайди экан, демак у худди ўша жойда бўлиши керак, бошқа иложи йўқ. Модомики, у бундан қўрқмас экан, демак у бирон муттаҳам эмас, шундай. Сўнгра бегона одам сизга бундан атиғи беш соат илгари ўзининг хўжайини билан Петербургга келганини, хўжайини меҳмонхона номерини беркитиб, қалидни олиб кетганини, кўчаларда санқиб юришга мажбур бўлиб қолганини гапириб беради.

— Қани, юринг бўлмаса, мен сизга полицияхонани кўрсатиб қўяй.

— Раҳмат сизга. Марҳаматли афандим... Бўлмаса, кетдик. Бироқ сиз менга бирор ёрдам қилолмайсизми?

— Йўқ, қилолмайман.

Кетиб боряпмиз. Полицияхонанинг эшиги олдида поматълум шахс гўхтаб қолади.

— Афандим! Энди хавотир оляпман...

— Hera?

— Борди-ю, хўжайним қайтиб келсалар — мен бўлмасам? Уйга борганим маъқул.

— Майлингиз.

— Рост гап, уйга қайтиб борганим яхши. Лоақал беш тийин топилмайдими сизда?

Сўраганини берасиз.

Шундан кейин у қоронғида дарҳол ғойиб бўлади ва орадан кўп ҳам ўтмай сал нарироқда шундай бир «миннатдорчилик»ни эшитиб қоласиз:

— Вой муттаҳам-э Беш тийининг тиқилиб ўлгур!— Ҳалигина юмшоқлик билан сўранган бу шахс қабиҳлик ва беҳаёлик қилади.

Тиланчилар қаторига кирадиган *салопчи*¹ аёллар тоифаси амалдорлар оламида ўзини шундай тутадики, камбағал ва доимо муҳтоҷликда яшовчи ҳалқ ҳисобига тирикчилигини ўтказгани ҳолда, бирор нарса сўраш тўғрисида оғиз очмайди, чунки оқ кўнгил бекалар сўрамасдан ҳам салопчиларга ҳамма нарсани ўзлари бераверадилар, чунки бу бекалар ўзларига бир қоп янгиликларни гапириб берганлари учун, чақалоқнинг оғзида тишлари қачон пайдо бўлишини айтиб берганлари учун, онанинг қорнидаги бола — ўғилми ёки қизми эканлигини айтиб берганлари учун, умуман эрталабдан бери зериктирмай гапирганлари учун салопчилардан ниҳоятда миннатдордирлар.

Салопчи хотин туғиладиган чақалоқнинг қайси жинсга мансублигини ота-оналарининг муродларинн назарга олиб олдиндан хабар беради.

— Ўғил болани жуда яхши кўраман-да!— дейди амалдор хотини.

— Қани, кўрайлик-чи, оппогим,— дейди салопчи аёл.— Мен ҳозир фол боқаман, сен фақат юзингни кунга ўгириб тур.

Амалдор хотини юзини кунга ўгиради.

— Кўрдингми, қанақа экан. Қани, мана бу жойингдан бир ушлаб кўрай-чи.

— Қитиқлайсан-да, Власьевна.

— Салгина ушлаб кўраман холос. Қалай, қимиrlадими?

— Ўтган кун сал қимиrlагандай бўлиб эди.

1 Фийбатчи, пасткаш мешчан хотин. (Ред).

— Шунаقا дегин. Семён Петрович-чи, у киши қай томони билан ётадилар?

— Чап томони билан. У киши, ҳамиша чап томони билан ётади.

Салопчи аёл бўлғуси онанинг афтига кўз ташлайди, баданининг турли жойларини ушлаб кўради; амалдор хотини эса қитиғи келганида: «Нима қиляпсан ўзинг, уят эмасми ахир?» деб чинқириб юборади.

— Ҳечқиси йўқ, ўзимизнинг хотин-халажлар иши-ку, ўзим биламан,— бўпти, ҳаммаси маълум.

— Ҳўш, нима экан?

— Үғил бола!

— Ҳой, Фёкла, дарров самовар қўй! Дўконга бор: қаймоқ, кофе олиб кел... Власьевна, мана сенга гилам! рўмол — дейди амалдор хотини ўзида йўқ хурсанд бўлиб.

Шундай қилиб, салопчи аёллар тоифаси мана шу майда амалдорлар орасида яшаш ҳуқуқини олади; салопчи аёл амалдорларнинг хабарчиси, газетасидир. Агар пойтахтдаги майда-чуйда амалдорлар учун кундаклик хабарларни босиб чиқарадиган газеталар бўлганда, уларнинг жуда кўп нусхада тарқалиши учун бу газеталарнинг бутун мундарижаси салопчи аёлларнинг ҳикояларидан иборат бўлиши керак эди. Пойтахтнинг ўзидаги ва бошқа жойлардаги майда-чуйда кишиларнинг манфатлари ана шу ёлғон-яшиқ гаплардан, ана шу фийбатлардан нари ўта олмайди.

Мана шу шарманкачилар, акробатлар, қашшоқ, аммо олижаноб созандалар — буларнинг бари пойтахтдаги қашшоқликнинг ҳар куни кўзга ташланиб турадиган намунасиdir. Улар ҳамиша бир хилда бўлади, фақат онда-сонда баъзи бир ўзгаришлар бўлиб қолади, аммо ўйлаб кўрсангиз, ўша-ўша деган хulosага келиб қоласиз.

Аммо баъзан пойтахтда, ёмғир ёғаётган қоронғи кўчада, пойтахтдаги тиланчиларнинг овозига сира ўхшамган, қишлоқи рус гадойининг ҳазин овози сизни тўхтатиб қолади:

— Отахон! Жонгинам! Бечора гадойларга раҳминг келсин...

Қайрилиб қарайсизу, ўз олдингиэда бир тўда оддийгина қишлоқи тиланчиларни кўрасиз: худди хотинлардай оҳ ураётган мужик, бошига кулфат тушиб қолганлан

кейин бирдан ўзини дадил тутиб олган бир аёл,— жулдур кийимли бу эркак билан аёл сизга қўлларини чўзиб туришибди. Бошлари яланг ўғил ва қиз болалар оғизларини очганларича, қўлларини енг ичига тиқиб, худди ота-оналаридай аянч ҳолда ниманидир дейишяяпти.

- Отахон! Ёрдам қилинг!— дейишади улар.
- Сизлар қатлик бўласизлар?
- Бизлар олис жойданмиз, отахон... олис жойдан келганимиз...
- Қандай қилиб бу ерга келиб қолдинглар?
- Шунаقا келиб қолдик-да, отахон, насибамиз бор экан...
- Ўз юртимизни нима қиласмиш ахир. Егани бир бурда нонимиз қолмади. Ана шундай қилиб, бошимизни олиб чиқиб кетавердик... Қишлоқма-қишлоқ, шаҳарма-шаҳар юриб, бу ерга ҳам етиб келдик.
- Ўз юртларингдан жўнашга сизларни нима мажбур қилди?
- Вой, ўргилақолай, бошимизга жуда катта кулфат тушди...— Аёл, зорлана-зорлана бўлган воқиани гапириб беради уларнинг бошига тушган қайғу-alamларни мен бу ерда ҳикоят қилиб бермоқчиман.

II

Россиянинг жанубий губерналаридан биридаги кичкинагина Лемеши қишлоғида эндигина қорлар эриб, баҳор қуёши нурлари таъсирида ер қорайиб қолди. Ниҳоят, ана шу баҳор нурларига юпқагина муз қатламлари ва чуқур жойларда йиғилиб қолган қор бардош беролмай, ўрмон ва далаларда баҳор ҳукмрон бўлиб қолди. Аммо, Лемеши учун баҳор қувончли бир ҳодиса эмасди. Лемешилик деҳқон Иван рўзғор ҳақидаги хилма-хил ўйхаёлларга берилиб бу йил биринчи марта далага чиқди. У қоп-қора, энди қуриб келаётган ерда — ёрма десанг ёрма эмас, қандайдир уруғсимон бир нарсага кўзи тушиб қолди. Иваннинг юраги орқасига тортиб кетди. У бултур Лемеши далаларидан чигиртка ўтиб кеттанини, ўшанда чигиртка бутун осмонии қоплаб олганини, дадладаги жавдарзорга тушганини эслади. Иван чўчиб тушиб: «Тухум қўйиб кетмадимикан?» деб ўйлади-да, ҳовлиқзанича қишлоғига чопди. Бу қанақа ёрма эканини суриштириб, билиб олмоқчи бўлди. Ҳар бир қишлоқ-

да, шундай қариялар бўлади, улар шу қишлоқда бир маҳаллар юз берган воқиа ва ҳодисаларни эсларида тутадилар. Лемешида ҳам бундай мўйсафидлар бор экан, улар бир замонлар ўз далаларига чигиртка ёпирилиб келиб, далада нимаики экин бўлса ҳаммасини нест-нобуд қилганини ва шундан кейин қанча-қанча одам қишлоқдан бошини олиб чиқиб кетганини эслардилар. Ўша мўйсафидларни аҳоли далага олиб келди. Қариялар сирли ёрманни анча вақт кўздан кечириб бўлга:

— Сарана!¹— дейиши.

Ҳамма жим қолди. Ҳамма худонинг қаҳрига қолди.

— Энди нима қиласми?

— Энди буни, оғайнилар, кўпайиб кетмасдан йиғиб олиш керак ..

Умумий хавф-хатар ва офат шундай катта әдики, кўпчилик дарҳол ишга киришди. Иван кўзи билан кўрган бутун чигиртка уруғини бир зумда қопга йиғиб олиб, волость маҳкамасига топширишиди. Ҳаммаси бўлиб тўрт пақир чигиртка уруғи йиғиб олинди. Волость мирзаси эса пинагини ҳам бузмай, менинг зўр бериб меҳнат қилишим соясида 40 пақир чигиртка уруғи йиғилди, хавф-хатар ўтиб кетди, деб бошлиқларга ёзма маълумот топшириди. Бошлиқлар ҳам, кўп ўйлаб-нетиб турмай, ўзларининг юқори бошлиқларига, зўр бериб чоралар кўриш соясида, хавф-хатар йўқотилди, 400 пақир уруғ йиғиб олинди, деб маълумот топширишиди. Ҳамма ёқ тинчлик ва осойишталик: чоралар тез кўрилди, офат бутунлай йўқотилиб ташланди, ҳар қандай бошлиқлар ҳам ҳаддан зиёд мамнун әдилар. Бунинг ўзигина кифоя қилмай, бошлиқлар у ёқда ҳам мамнун бўлишларини хоҳлардилар. Дарҳақиқат, орадан кўп ўтмай, у ерда ҳам, чигирткани қириб ташлашда барча волостлар томонидан мислсиз ғайрат кўрсатилганини, бунинг энг яхши натижалар берганини, чунки ерга ташланган ўша қабиҳ уруғлардан 4000 пақир йиғиб олинганини билиб қолишиди.

Шу орада Лемеши деҳқонлари ерларини ҳайдаб бўлишиди, май, июнь ойлари ҳам ўтиб кетди, жавдари бошоқ чиқариб қолди. Жазирاما иссиқ кунлар эди. Ҳар кун ёмғир ёғай-ёғай деб қолар, осмонда қандайдир

¹ Жанубда чигирткани шундај дейиншади,— автор изоҳи.

тутунсимон кўк булутлар сузиб юрар, узоқда ёмғир ёриб ўтгани ҳам кўриниб қолар, иссиқ кун ўртасида мома-қалдироқ гуриллагани эшитилар, кечалари эса осмоннинг ҳамма ёғида чақмоқ шуълалари ярқирав, ёмғир эса ҳамон йўқ эди, жазирама иссиқ ҳамон давом этарди.

Шундай кунларнинг бирида лемешилик бир деҳқон шаҳардан ўз қишлоғига жавдарзор орқали ўтаётган йўлдан қайтар экан, кўзларини катта очиб жуда ҳайрон бўлди: торгина, узун чўзилиб кетган қишлоқ йўли гўё қимирлагандай, гўё усти сув билан қоплангандай офтобда ярқираб ётарди; бироқ шу қимирлаётган нарсалар яқинида арава фидираги тақиллаб қолиши ёки от туёғи товуши эшитилиши ҳамоно, йўл яна очилиб қоларди. Деҳқон, жон-пони чиқиб: «Сарана!» деган хуло-сага келди ва ҳовлиққанича аравадан тушди.

У шошиб-пишиб жавдаризорнинг бир чеккасига келиб, ўтириб олди ва даҳшатли бир манзарани кўрди: сон-саноқсиз чигиртка, ҳар бир бошоққа юзталаб ёпишиб олиб, Лемеши қишлоғига қарашли жавдарини нест-нобуд қилмоқда, йўл оша ўрмалаб ўтиб бошқа қишлоқ экинларига ҳам ҳамла қилмоқда эди. Саросимага тушган деҳқон, нима қилишини билмай қолди. От-аравасини ҳам эсидан чиқариб қўйиб, у йўл бўйлаб юриб кетди. Бутун жойни чигиртка босган эди. У бир чақирим йўл босди, икки чақирим йўл босди, Лемеши бир чеккада қолиб кетди, чигиртка эса ҳануз олга босмоқда, ҳануз олга оқмоқда, шу билан бирга, ҳанг-манг бўлиб қолган деҳқон ҳам тўхтамасдан, олга юриб бормоқда. Ишлар даҳшат-ку! Фақат шу пайтда Иван далада тоғган чигиртка уруғларинигина йигиш сира кифоя қилмагани, бори-йўғи тўрт пақир чигиртка уруғини йигиб танбаллик қилингани, хотиржамликка берилгани, худога таваккал қилингани деҳқоннинг эсига келди.

Чигирткани кўриш билан тошдай қотиб қолишга деҳқонни мажбур қилган шу ваҳиманинг ўзиёқ уни ўзига келишга мажбур қилди. У боя от-аравасини қолдириб кетган жойга қайтиб келди. Тез орада Лемеши қишилоги аҳолиси яна ўз бошига оғир кулфат тушганини билиб қолди.

Хотин-халажлар йиғи-сиғи бошлади, эркаклар ҳовлиққанларича йиғилиб «нима қиламиз?» деган масала-ни ўртага қўйишиди.

— Ҳой диндошлар!— деди оқсоқол зинапоядан туриб,— бу худонинг иши, демак, бу масалада эҳтиёт бўлишимиз керак...

— Худоий таолони ғазабга келтирмайлик-да...

— Тўғри!..

— Ҳўш, диндошлар, энди нима қиласиз бўлмаса?— яна сўраб қолди оқсоқол.

— Кўпчилик нима дейди...— дейишди ҳаммалари бир оғиздан, яъни шу кўпчиликнинг ўзи жавоб қилди.

— Ана шундай қилиб, демак, кўпчиликнинг ўртасида гаплашиб ҳам олайлик...

— Ақлимиз етмаганидан кейин, гаплашиб нима ҳам қиласидик!— деб бирдан гап қотиб қолди орадан биттаси жиддий йўсинда.

— Сен, Миронич, бунаقا гапларингни қўй. Шундай ҳам бошимизга кулфат тушиб турибди, сен бўлсанг акиллайсан,— бу ярамайди.

— Бўлмағур гапларни вақиллайверганингдан кейин, акилламай бўладими? Ўзинг ҳеч нарса тушумаганингдан кейин, бу тўғрида бирор гап айта оласанми? Қани, гапир-чи!

— Албатта, мен ҳеч нима дея олмайман. Бу бизлар учун янги иш... Демак, қарияларимиз билан бир гаплашиб кўрайлик. Улар нима деркин...

— Қарияларни чақириш керак, қарияларни!— дейишди кўпчилик.

Тўпланишган одамлар қишлоқ маҳкамасининг зинапояси олдида қарияларнинг келишини пойлаб туришиди. Дам-бадам шивирлаб гаплашишарди, оқсоқол харракка ўтириб олиб, шабада ҳилпирангашган пешона сочини баъзан тўғрилаб қўярди.

— Офатни қара-я! Ё раббим, ўзинг сақла!.. Энди ишларимиз жуда пачава бўлди деяверинг!— деган гаплар онда-сонда эшитилиб қоларди.

Ана қариялар ҳам келишди; улар, ҳассаларига таяниб, томоқларини қира-қира, ярим соатча жим туришиди.

— Ҳўш, отахонлар, қани нима дейсизлар?— деб қайта-қайта сўради оқсоқол.

— Нима ҳам дердик? Бизлар айтамизки, бу ишни қўя қолиш керак!

— Қандоғ бўлди энди бу гапларинг!

— Ана шундоғ, бу худонинг қаҳри, биз гуноҳкор баидалар буни уддаламаймиз...

— Шунаңа-ю, аммо азизларим... тирикчиликни ўтказиш ҳам керак-ку. Ё бўлмаса, гадойлик қиласизми?

— Худо хоҳласа — гадойлик ҳам қиласан, нима қиласинг?

— Диндошлар,— деб гапга аралашди оқсоқол,— бу киши тӯғри гапиряпти, биз қулларини ёдига олгани учун, тӯғрисини айтганда, худога шукур қилишимиз керак...

Офатга қарши бирор чора кўрмаслик тӯғрисидаги далиллар тӯғри, муқаррар деб топилди, шундан кейин дәхқонлар ҳам ўй-хаёлга ботиб йигиндан уйларига қайтиб келишди, хотинлар уларни кўз ёшлари билан кутиб олишди.

Чигиртка эса тобора кўпаймоқда эди. Орадан бир ҳафта ўтгач экинзорга чиқиб ибодат қилинди, экилган ерларни крестлар кўтариб, айланиб чиқилди. Яна бир ҳафтадан кейин тағин бир ибодат қилинди. Худонинг қаҳр-ғазаби ниҳоят даражада қаттиқ эди, бинобарин одамлар бу балойи-азимдан қандай қутулиш чораларини ўйлаб қолишли. Офатга қарши кўрилиши керак бўлган бу чоралар ҳақида даставвал баъзи бир помешчиклар ўзларини кўрсатдилар, бу помешчиклар азалдан агрономия билан шуғулланиб, немис китоблари асосида рус хўжалигини ўрганиб келардилар.

Лемешидаги бошлиқлар томонидан кўрилган биринчи тадбир шундан иборат бўлдики, қишлоқдаги ҳар бир хўжаликдан волостга тўққиз газдан сурп топшириш талаб қилинди; бу талаб дарҳол бажо келтирилди; сўнгра бу сурпдан ҳар бир уч десятин ерга палаткалар қўрилди. Агрономлар чигиртканинг эшитиш қобилияти жуда кучли эканини назарга олиб, шундай бир хулосага келишди: бўз палаткаларнинг ичига чуқур қазилади ва ҳар бир палаткага биттадан ўғил бола ўтқизиб қўйилади. Бола беданани алдаб чақирадиган кўйда сибизифи чалади, чигиртка эса музика садосини эшишиб, палаткага кириши, ўрага тушиши биланоқ, ҳалиги со занда уни маҳсус тўқмоқ билан уриб ўлдириши керак.

Ана шундай қилиб, палаткалар қурилиб бўлди, бутун уездда ҳар бир десятин ерга созандалар ўтқизиб қўйилди, уларнинг сибизифлари визилламоқда, жавдаризорда эса ҳар хил қўрт-қумурсқаларнинг чириллаши сонсаноқсиз чигирткаларнинг ёпирилиб келишини эшитирмай қўймоқда, чигиртка экинни бошоғидан олиб илдизигача

нест-нобуд қилиб, тузоққа тушиб қолишни хаёлига ҳам келтирмай, ҳамон олға силжимоқда.

— Хўш, нима бўлди, ўлдирдингми?— деб суриштириб қолишди кечаси даладан қишлоғига қайтиб келган созандадан.

— Ҳа, ўлдирдим.

— Қанча?

— Беш-олтитасини бопладим.

— Нега кам?

— Ўзинг уни ўрага судраб тушириб кўр-чи! Ўзинг, дейман, ихтиёринг билан, чуқурга тушишни хоҳлармидинг! Ўзинг ҳам бурнингни жийирган бўлардинг. У ҳам худди шунаقا...

— Бу гапинг тўғрику-я.

— Албатта тўғри-да! Қам эмиш-а! Ё бўлмаса сен уни сочидан судраб ўрага олиб борармидинг?

— Рост, унинг сочи ҳам йўқдир дейман?

— Унда соч нима қиласди, у уччига чиққан расво бир жонивор-ку, сен бўлсанг ўрага эмиш! Бу камлик қилгандай, сибизға билан алдаб деяпсан! Мен бугун бутун кун зерикканимдан бирам яхши қўшиқлар айтдимки, асти қўйавер!

Орадан бир неча кун ўтгач, қишлоққа қайтиб келган бошқа бир созанда ҳам худди шундай гапларни айтди:

— Мен энди бошқа йўл билан бўлмагандан кейин ноилож казачёкни ҳам чалиб кўрдим,— йўқ, муттаҳамлар, биттаси ҳам келмади.

— Йўқ, оғайнилар,— деб қолди орадан яна бири,— бу ҳазилакам гап эмас. Бутун кун ўйинга тушсанг ҳам, ҳеч нима қилолмайсан.

— Бу гапинг тўғри!

Тез орада агрономлар ҳам, бунинг ҳақиқатан ҳам бўлмағур, бемаъни иш эканлигига ишониб қолишиди. Натижада, орадан бироз вақт ўтгач, барча палаткалар йиғишириб қўйилди. Хотин-ҳалажлар оқсоқол маҳкамасига келиб, сурпларини талаб қилиб қолишиди.

— Вой, кампирлар-эй,— деди мирза,— худони танийсизларми ўзларинг?

— Христиан бўла туриб, худони нега танимас эканмиз!— дейишди аёллар,— худонинг паноҳида яшапмиз-ку!

— Шундай бўлса, қанақа сурпни сўраяпсиз?

— Об-бо!.. Ўзимиз берга сурпни-да... Сурпни осмонга олиб кетишмагандир-ку...

— Бу гапларинг тўғри! Мен ҳам худди шуни гапиряпман-ку..

— Сенинг нима деяётганингни худо билади. Сен бу ишларга уста бўлиб қопсан, бизларга эса жўнгина сурпларимиз зарур.

— Бу гал ҳам тўғри гапиряпсизлар, аммо гап бундаки, ўша сурпни мен сенларга қаёқдан топиб берай? У сурпларинг балки шу топда жуда олис жойлардадир, сурпларингни балки урушга олиб кетишгандир, у ерда саллотларнинг яра ва жароҳатларини боғлашаётгандир... а?

Кампирлар жим қолишиди.

— Ахир ўша саллотлар ўз болаларинг-ку. Наҳоғ уларга сира раҳмларинг келмаса? Уларни қуруқ қўйсанглар?

Кампирлар ҳўнграб йиғлай бошладилар. Мирза эса уларни руҳан ҳамон азобларди.

— А? Сизлар бўлсангиз: «Сурпимизни бер!» дейсизлар-а. Қани айтинг-чи, мен ўша сурпни қатдан олиб берай сизларга?.. Бечора саллотларнинг аҳволи бусиз ҳам оғир...

— Вой, айланайин!..—деб ҳўнграб йиғлаб юборди битта аёл; бошқалар фартуғларини кўзларига тутишиди. Мирза ҳамон уларни қийнайверди:

— Яхши эмас... Бу ишларинг яхши эмас, кампирлар! Гуноҳ бўлади. Худойи таоло бунақаларни яхши кўрмайди. Шу топда ўлиб қолишиларинг мумкин ахир!

Шу гаплардан кейин, ҳўнграб йиғлашаётган кампирлар уй-уйларига тарқалишиди. Мирза эса кампирларнинг орқасидан:

— Бунақа ўйлаш жуда заарли-ку, онахонлар... Биласизларми, қиёмат кунида бунақа ишларинг учун нима бўлади! Қаттиқ жазосини тортасизлар-а! Маъқулламайман бу ишларингни, сира маъқулламайман!.. Сурп эмиш-а! Вой очкўзлар-э!— деб қолди, кейин маҳкаманинг даҳлизига кириб кетди.

* Агрономлар тез орада ҳақиқатан янги бирор чора кўриш керак, деган холосага келишиди. Уларнинг доно мулоҳазалари, орадан кўп ўтмай, қишлоқ йўлларида кечалари гулханлар ёқиши керак деган қарор билан туғади: Агрономларнинг фикрича, чигирткалар, ҳеч шубҳа-

сиз, оловга келиши керак, сўнгра, албатта, ҳеч шубҳасиз, ўша оловда қуйиб кетиши муқаррар эди. Бу мўлжал тӯғри чиққан бўларди-ю, лекин бунинг учун биттагина шарт бор эди, чунончи: чигиртканинг ақл-идроки тӯғрисида агрономларнинг умидлари рўёбга чиқиши, яъни чигиртка: бошлиқларни безовта қилишим ўрнига, тўппа-тӯғри гулханга ўзим ётиб олишим керак, чунки бу ишда ҳойнаҳой ўзим айборман-ку, буни тушуниб олишим лозим ахир, деган қарорга келиши керак эди.

Бироқ, гулхан ёқиш учун шох-шабба даркор. Бунинг учун ўрмон назоратчисининг шох-шаббага ижозатини олиш зарур. Оворагарчилик, ариза-паризалар ёзиши бошланиб, иш чўзилиб кетган бўларди. Буни назарга олиб, деҳқонлар ўзларининг четан деворларини фидо қилишга қарор беришди. Гулханлар гуриллаб ёниб кетди. Лекин бахтга қарши битта ҳам чигиртка жазо майдонига ўз ихтиёри билан келиб таслим бўлмади. Бунинг аксича, гулханлар теварагига жойлашиб олган болаларнинг шовқин-сурони, ёнаётган новда шохларнинг чирсилаши чигирткаларни гулхандан анча олисга ҳайдаб юборди. Жавдарзорда шитирлаган овозлар кучайиб қолди, чунки чигирткалар ёпирилиб оловдан нари томонига ўтиб олишди.

Шундай қилиб, бу чора ҳам бир натижа бермади. Ниҳоят, агрономлар худонинг амрига бўйсуннинг, яна бир марта кўпчилик билан ибодат қилишга ва маслаҳат сўрагани бошлиқларга одам юборишга қарор бердилар. Шошилинч ёрдам жуда зарур эди, чунки салгина фурсат ўтиши билан, чигиртканинг бошқа жойларга кўчиб кетиши аниқ эди; айни шу пайтда у қанот чиқараётган эди, яна икки ҳафтадан кейин унинг учиб кетиши аниқ эди. Шу пайтда у жавдарнинг илдизидан бошоққа қараб юқори ўрмаламоқда эди; натижада, бир кечаю кундуз ичида, аллақанча десятина жавдар ўрнига қуруқ похолнинг ўзи қолиб кетди: бутун донни шу муддат ичида чигиртка еб бўлди. Айни замонда, бу ҳақда ёзилган қофоз ҳам бошлиқлар тўмонидан олинди. Шу ондаёқ бир амалдорга, чигиртка пайдо бўлган жойларга бориш ва бу ҳақда батафсил маълумот топшириш вазифаси юқлатилди.

Якшанба кунларидан бирида, тонг пайт озғин учта деҳқон оти қўшилган арава губерна шаҳрига учиб бо-

пар, ўртадаги отга оқ чакмон, оғғига илма-тешик чипта ковуш, бошига оқ телпак кийиб олган бир ўғил бола минган эди. Отлар кучлари борича чопар, уларнинг орқасидан ҳавода қуюқ чанг-тўзон кўтарилилар, от абзали бўлса керак, чилвирлар судралиб бораарди. Ўғил бола отларни шунинг учун жон-жаҳди билан ҳайдардики, мириза уни жўнатаётганида, «дарров» деган сўзни алоҳида уқдирган: бундан ташқари, боланинг елкасига осиб олган тўрвасида, конвертига фоз патидан ишланган қалам билан ўша «дарров» деган сўз ёзилган эди. Ана шунинг ўзи отларни зўр бериб ҳайдашга болани мажбур қиласарди. Натижада, от минган қишлоқиларнинг кўз олдида тез орада шаҳар намоён бўлди.

Чигирткага боришга тайёрланган амалдор ҳам ҳовли-қишида деҳқонлардан қолишмас эди, чунки амалдорнинг қофозига ҳам ўша «дарров» деган сўз ёзилган эди. У бирпасда черковга кириб чиқди. Тушки ибодат тугай деб қолган эди, бинобарин у шошиб-пишиб икки-уч бор сажда қилди-да, бошқа художўйлар билан бир қаторда черковдан чиқди.

— Хайр энди, Пётр Прокофьевич,—деди амалдор,— жўнаяпман!

— Ҳа, йўл бўлсин?

— Чигирткага.

— Анча вақтгами?

— Сизга нима десам экан энди? Икки ҳафта қолиб кетсам керак...

— Шунақами? Икки ҳафтача денг? Биласизми, мен сиздан илтимос қилмоқчи эдим: менинг Костямни ҳам ўзингиз билан оборсангиз-чи!

— Бўпти, нега олмас эканман?

— Ростдан ҳам-а! Боласи тушгур жуда синчков-да. Бу унинг учун фойдали бўлади.

— Жоним билан. Бўлмаса, Костянгизни сафарга тайёрлаб қўйинг... Соат иккида мен сизникига аравада келамаён...

— Хўп.

Соат иккида Костя сафарга тайёр эди-ю, амалдор тайинланган вақтга етиб келмади: у икки-учта жойга хайрлашгани кириши керак эди, чунки унинг ҳам қўнгил қўйиб юрган ўз маликалари ва ҳоказолари бор эди.

— Хайр энди, Марья Васильевна...—деди амалдор.

— Хат ёзинг,— деб қўйди қиз, йиғламсирагандай.

— Ҳа! Аблатта ёзаман... Ҳар гал, ҳар дақиқада ёзиб тураман. Аммо сиз мени ёдингииздан чиқариб қўймай-сизми?

— Гапингни қара-ю!— деди қиз, шунчалиқ азоблайсан-а!..

Амалдор кафтини пешонасига қўйди-да:

— Ҳой, қизлар, қизлар-э!— деб гапини тугатди.

Амалдор жуда таъсиранган эди. Шу пайтда у «Қазак Дунайнинг нариги ёрига борди», «Жононим, сен би-лан хайрлашаман» ашулаларининг маъносини ва булар кулгили нарсалар эмаслигини аниқ тушунганди.

Шундай қилиб, амалдор соат тўртдагина уйига етиб борди.

У ҳовлиққанича овқат ейишга ўтирди, уйдагиларни: тарантасга турли-туман сафар қутиларини, лаш-лушларини дарров солинглар, деб шошилтираверди. Соат олтиларга бориб ҳамма сафар тараддуди тамом бўлди. Амалдор эгнига енгилгина оқ пальто кийиб олган, пальто тугмасига тамаки халтачаси осиб қўйилган эди... Бироқ, бу билангина ҳали шаҳардан чиқиб кетиш учун ҳамма нарса таъмин этилган эмас, Костяни олиш учун унинг отасиникига кириб чиқиш керак эди. Костя бўлса, сафарга батамом тайёр, ҳадеб зинапояга чиқиб қарар, «келишяптими» деб муюлишга ҳам бориб келарди. Костянинг отаси ухлаб ётарди. Соат ети бўлай деганда тарантас етиб келди, Костя ҳовлиқиб отасини уйғота бошлади.

— Ҳа, нима гап?

— Келишди!

Костянинг отаси ётогидан тураг экан, амалдор чакка сочини тўғрилаб, залда нари-бери юриб турди. Ниҳоят, уй эгаси кириб келди.

— Ҳа! Тайёрмисиз... Мен ҳозир... Йўл оёғи қилиб қиттак-қиттаккина ичиб олайлик дейман-а...— деди у ва залдан чиқиб кетди.

— Фёдор,— деди пичирлаб даҳлизда уй эгаси, шошиб-нишинб, кучерга,—ғизиллаб бориб бир шиша Дон виносидан олиб кел... Илдамроқ бўл!..

Залдан туриб амалдор, мезбон эшитиши учун жўрттага овозини баланд қилиб:

— Оворагарчиликнинг нима кераги бор?—дерди.

— Илдамроқ, илдамроқ!

Бир шиша вино, орадан бир соат ўтгач яна бир ши-

ша вино, ярим соатдан кейин эса бир графин ароқ келтирилди.

— Мен ҳаммасини қиляпман, қўлимдан келганича ҳаракат қиляпман, қийналяпман...—дерди кайфи ошиб кетган амалдорлардан бири.

— Нега улар менга бунчалик жабр қилишяпти, ахир? Тергов вақтида қўлимни чиқариб қўйди-ку, шу кифоя эмасми?

Амалдорлар шундай ғамгинлик билан гапирадиларки, буни кўрган кишининг юраги тилка-пора бўлиб кетарди.

— Қачон жўнаймиз энди?— деб сўрайверади Костя.

— Ҳо-зир, ҳо-зир!— Зўрға гапиради амалдор.

— Отлар тайёр... чарчаб қолишли.

— Ҳоз-зир, эркатойим... Қани, бери кел-чи...— Амалдор Костяни бўйнидан ушлаб олди-да, ўзига яқин келтириб, ҳўл лаблари билан ўпди, Костя эса оғзини енги билан артиб қўйишга мажбур бўлди.

Шу вақтда тарантас ёнида эса қўйидаги манзарани томоша қилиш мумкин эди: энагалар болаларни олиб чиқиб, тарантасдаги болнишларга ўтқизиб қўйишди, улар болаларни қўлтиқларидан ушлаб, сакрашга мажбур қилишар ва:

— Ана жўнаб кетдик... ана жўнадик...— дейишарди. Болалар ҳам ўзларида йўқ хурсанд эдилар.

— Мени ҳам... мени ҳам...— деб чинқиради, тротуарда турган бир қизча, қўлларини чўзиб.

— Шошмай тур, сени ҳам... Ванечка эндигина аравага чиқиб олди-ку, сен бўлсанг неча бор сайр қилдинг,— яна сени аравага солайми?.. Рашк қиласанки...— деб уришиб берди энага.

Қизча муштларини кўзига қўйиб, йиғлаб юборди, унинг кетидан, бошқа болалар ҳам йиғлай бошлади.

Энага қўлларини пастга тушириб, ўтириб олди-да:

— Ана холос!.. Йиғи-сиги ҳам бошланиб кетдими? Даданг эшитиб қолсалар-чи... калтак ейсан-а, йиғлоқи...— деди.

Шу он, деразадан бошини чиқарган дадаларининг:

— Нима гап ўзи? Қим йиғлаляпти! Ҳаммангни калтаклайман!..— деган овози эшитилиб қолди.

Болалар жим бўлишиди...

Кечқурун соат ўнларга бориб, ниҳоят, аравага ўтиришиди.

Қип-қизариб кетган амалдор, тарантасдаги болиш устига зўрға ўтириб олгандан кейин, бекорчиликдан:

— Овқат едингми?—деб сўради боладан.

— Ҳеч нима емадим,— деб жавоб қайтарди бола.

— Қани, бўлмаса жўнадик!

Жўнаб кетишиди. Далага чиқиб олганларидан кеъйин, амалдорнинг бирданига ватанига нажот бериш зарурлиги эсига тушиб қолди. Худди шу пайтда унинг миясида «дарров» деган гап айниқса зўр бериб гувилларди, шу сабабли у кучерга гайрат билан: «Отларингни ҳайдай!» деб ўшиқириб қўйди. Бироқ улар ҳар қадамда янгидан-янги тўсқинликка учраб турардилар.

Шаҳардан чиққач бир неча чақирим йўл босишлари биланоқ, шаҳар атрофидаги кичик бир қишлоқдан ўтаетгаиларида, кўчада шу ерлик руҳоний дуч келиб қолди. Гапдан гап чиқиб, анча ҳангамалашиб қолдилар.

— Қани, бизникига кириб, чой-пой ичайлик,— деди руҳоний.

— Утиришиб қоламиз, дейман-да... Майли, бўлмаса, бир стакандан исчак ичайлик,— деб рози бўлди амалдор.

Руҳонийникига кириб, чой ҳам ичишиди, ароқдан ҳам ичишиди, демак, бир-бирлари билан сирлашиб ўтиришиди. Сўнгра узоқ вақт хайрлашишиди: аввал залда, сўнгра олдинги бўлмада, кейин зинапояда туриб ҳар бирида бир соатдан хайрлашишиди. Ниҳоят, амалдор жўнаб кетди. Тун жуда қоронғи эди. Тарантас астагина олға силжир, бутун кун жазирама иссиқда туриб толиққан отлар илдам юрмас, фидираклар баъзан издан чиқиб, тарантас қийшашар, амалдор ғазабланарди. Ниҳоят, йўл бориб-бориб чуқур бир кўлмакка тақалди. Амалдор тарантасдан тушиб, кучерга: «Бўш тарантаснинг билан ўзинг бир амалаб ўтиб ол» деб буюрди. Тарантаснинг фидираклари ғижирлаб, қоронғида кўздан ғойиб бўлди: фақат шапир-шиупур эшитиларди, ниҳоят отлар кўлмакдан ўтиб олди. Отларни алмаштирадиган бекатга етиб олиш учун яна беш чақирим йўл босиш керак эди. Шу беш чақиримни йўловчиларимиз роса беш соатда босиб ўтишиди; ниҳоят қишлоққа кириб келишиди. Қишлоқ жимжит, ҳатто итлар ҳам уйқуда эди. Қопқора четаи деворлари зўрға кўзга чалиниб турган кўчалар кеча ёққан ёмғирдан ўтиб бўлмас ботқоқликка айланган эди. Мяна, ниҳоят, бекатга ҳам етиб келишиди.

Күчер аравадан тушиб, оёғи билан әшикни қаттиқ тепа бошлади. Ичкаридан аллақандай бұғық овоз әшигилди. Шу он ҳөвлидаги итлар вовиллади. Күчер ҳамон әшикни тепарди, ниҳоят қоронғида, оқ күйлак кийған кишининг кораси күринди.

— Сен ўнбошимисан?

— Ха, ўнбошиман.

— Попникига обориб қүй.

Үнбошининг бошида шапкаси йўқ эди. У бирпасда кучер ёнига чиқиб олди.

Рұхонийнинг уйидагилар ухлаб ётишарди. Үнбоши дарвозаси тақиіллатған эди, ҳеч жавоб бўлмади. Фақат ҳовлидаги итлар қаттиқ вовиллади.

— Итлари жуда ёмон-да! — деди ўнбоши.

— Тақиллат! — деб унинг сўзини бўлди амалдор.

Үнбоши, тақиллатаверишдан фойда чиқмаслигини күргач, бир оёғи билан тарантас шотисига чиқиб олди, сұнгра бир амаллаб дуғага үтди, дуғадан эса дарвоза тепасига чиқди-да, дарвозадан ошиб нариәққа тушди, унинг чипта ковуши құрадаги лойга шалоплаб тушгани күчада турғанларга әшитилди.

Амалдорнинг бемаҳал келиши ҳовлидагиларни саросимага солиб қўйди. Руҳоний меҳмон келганига хурсанд бўлди, нари-бери чопиб, дарҳол самовар қўйдирди. Гапдан гап чиқиб, чигиртка хақида гап очилди.

— Лемеши қышлоғы тұғрысіда ҳеч гап әшитмадынгизми? — деб сүради амалдор.

— Эшитмай бўлармиди?

— Хүш, нима гап экан?

— У өрдө аллаңданай янги бир нарса ихтиро қи-
лишгән эмиш.

— Қанақа нараса әкаш?

— Аллаңдай тұқмоқ әмиш. Хұжайнимиз атайлаб у ерга бориб келдилар — худо сақласин, мабодо бىзда ҳам шунақа оғат, бало-қазо рүй беріб қолса, бунга қарши олдинданоқ чорасини күриш учун деган фикр билан-да...

— Ҳа-ҳа... Ҳүн, ўша қанақа түкмөк әкан ўзи?

Быть может впереди нас ждет нечто большее, чем

ерлик қарияларнинг бу ҳақдаги баъзи фикрларини ҳам айтиб берди: биринчидан, деди у, ўша тўқмоқ шу жиҳатдан ноқулайки, у ҳашаротни батамом эзиб ташла-майди, балки ерга тиқиб қўяди, кейинчалик чигиртка кўмилган жойидан чиқиб олиб, саёҳатини давом қилдиравериши мумкин; иккинчидан, мазкур асбоб шу жиҳатдан ноқулайки, чигиртка жиндаккина шитирлаган овоздан ҳам ҳайиқиб қочади, у қадам товушини, худо билсин, қанча жойдан эшитиб туради; демак, сиз уни ҳеч қачон қувлаб ета олмайсиз, чунки сиз оёқ тагидаги бошоқларни шитирлатишингиз билан, унга буни олдиндан билдириб қўясиз.

Гап-ҳангома чўзилиб кетди, вақт ярим кечадан ҳам анча ўтиб қолди, шу сабабли амалдор эртасига анча кеч ўрнидан турди. Нонушта, закускалар бошланиб кетди. Шундай қилиб, йўлга фақат соат иккилардагина чиқилди. Ниҳоят, йўл-йўлакай помешчикларникуга кириб чиқиш билан ўтилган саёҳат яна икки соат давом қилгандан кейингина йўловчиларимиз бир амаллаб Лемешига етиб олишди. Кун жуда иссиқ, қишлоқда ҳеч ким кўринмасди. Бутун халқ ўлган ёки бир ёққа кўчиб кетгандай эди,—ҳагто кўчада одам излари ҳам кўринмас эди; вақти-вақти билан эсиб турган шабада арава гилдиракларнинг изини ҳам қўм билан кўмиб ташланган эди.

Амалдор бекатга кирди; уйнинг ярмига кўз ташланган эди — ҳеч кимса йўқ, иккинчи ярмида — ҳарракда қўйини тиззасига қўйган бир кампир ўтиради; кампирнинг қўли латта-путталар билан ўралган эди.

- Қани ўнбоши?
 - Ўнбоши уйда йўқ, болагинам.
 - Нега йўқ?
 - Чигирткага кетишган, чигирткани ўлдиргани...
 - Ҳар ҳолда эркаклардан бирортаси бордир ахир?
 - Ҳеч ким йўқ.. Бугун ўғлимнинг навбаги... Лекин улар ҳаммалари чигирткага кетишган, мен бўлсан ўғлим учун қўриқлаб ўтирибман.
 - Хўш, нимани қўриқлаяпсан?
 - Худо билади...
- Амалдор далага оборишни буюрди. Йўл-йўлакай анча вақтгача ҳеч зор кўринмади; ниҳоят нарироқда жавдар ичидан биронвнинг боши кўрнишиб қолди, сўнгра, орадан кўп ўтмай, бирталай эркак ва аёллар кўри-

нади. Улар ҳаммалари узун қатор бўлиб, қўлларига супурги ушлаб юрардилар, ўша супургиларини салгина шитирлатиб, бошоқларни пайхон қилиб, аста-секин олдинга силжирдилар.

Амалдорни кўрганлари ҳамоно, бари гапирмай, жим қолишиди. Шу ердагиларга бошчилик қилаётган эркаклардан бири, амалдор пайдо бўлиши биланоқ, бошидағи шапкасини олди, бу киши — қишлоқ мирзаси эди.

— Ҳорманглар, оғайнилар! Ишларинг қалай кетяпти? — деди амалдор.

— Энди, худога шукур, яхши бўлди.

— Қандай қилиб?

— Ҳайдаяпмиз... Жуда жадал чопяпти, чунки товушдан қўрқар экан...

— Энди марҳамат қилиб нари томонга ўтсалар, анча жойгача чигирткани кўрмайдилар... Жуда узоққа кетиб қолди...

— Хўш, сизлар уни қаёққа ҳайдаяпсизлар?

— Махров уездига-да, — чегара бори-йўғи икки чақирим келади, холос, кечгача ҳаммасини ҳайдаб юборсак керак дейман...

— У ёққа ҳам, жавдарга ҳайдаяпсизларми?

— Бўлмаса-чи... Нима қиласиз ахир...

— У ерда ҳам чигиртка жавдарни нест-нобуд қилиб қўяди-ку.

— Бизга нима... Нобуд қилса-қилаверсин...

Амалдор саросимага тушиб қолди: назарида, бирорларга кулфат солиб, ўзингни қутқазиб қолиш — унчалик яхши иш эмасди; айниқса Махров уездининг ҳам айни бир губернага қарашли эканини эътиборга олганда, бундай қилиш ярамасди.

— Хўш, у ерда нима бўлади энди?

— Билганини қилишсин-да... Биз, чигиртка жўнаб қолди, деб маълумот топширсак бўлгани... Шундай ҳам бўладики, ростдан ҳам жўнаб қолади.

Амалдор ўйлаб-ўйлаб, ниҳоят шундай бир хуносага келдики, миrzанинг оғзаки гапларига асосланиб маълумот топширса ҳам бўлади, шундай қилганда, жадал иш қилгани учун бошлиқлардан миннатдорлик эшитиши ҳам ажаб эмас...

— Майли, билганларингни қилинглар... — деди-да, у, қишлоқ томонга юриб кетди.

Кечқурун лемешиликлар Махров уезди чегарасига

етай деб қолиши. Юраверіб ҳоригаңлиқдан баъзилари тұхтаб, кичкинагина оғизли юмалоқ күзачадан сув ичишар, баъзилари эса ашула айтишар, ҳазил мутойи-балар яққолроқ әшитиларди, ҳамма чигиртка ҳақиқатан чегарадан ўтиб кетгандан кейин эса қишлоқда бутун кечаси ашула айтган овозлар янграб турди; халқ баҳтиёр эди, зўр бериб кўрилган чоралар тўғрисида бошлиқларга маълумот юборилди. Яна бир марта чин кўнгилдан ибодат қилинди ва шундай қилиб осойишталик бошланди.

Аммо бу осойишталик узоқ давом этмади: бир куни эрталаб лемешиликлар сон-саноқсиз чигирткаларни кўриб қолдилар. Чигиртка бутун жавдарни, бутун йўлни ва ҳатто уйларнинг похол ёпилган томларини ҳам худди қора пардадай қоплаб қўйди. Чигиртка шунчалик кўп эдик, уни овоз чиқарип чўчитмоқчи бўлганлариди, қочаётган чигирткалар олдинроқда ётганларининг устларидан сакраб ўтишга мажбур бўлдилар. Бу воқиа оддийгина йўсинда юз берди. Махров уездига қарашли Акулова деган кичик бир қишлоқнинг аҳолиси, қўшни губернадан чигиртка келиб қолгач, унга қарши худди лемешиликларга ўхшаб чора кўрдилар, яъни худди ўшалардай, чигирткани бошқа бир жойга ҳайдаб юбо-риш билан қаноатланиб қўя қолдилар. Лемешиликлар дув-дув кўз ёшларини тўкаётган бир вақтда, Махров маъмурлари шошилинч ва жиддий чоралар кўрилгани ҳақида палатага қофоз юбориб, кўпчилик билан ибодат қилдилар.

Орадаю бир оз вақт ўтгандан кейин, далада битта ҳам бошоқ қолмади: чигиртка ҳаммасини еб қўйди, ерга уруғини ташлади-да, шип-шийдан қилинган ўз манзилидан байни қора булатдай осмонга кўтарилди. У шундай кўп ва зич эдик, ҳатто қуёш юзини қоплади. Халқ ваҳмага тушиб қолди, одамлар сўнгги кунларини кутишарди.

Қаҳратон қишидаги очарчиликдан кейин, ёз очарчилиги бошланди. Чигиртка ётган жойидан чиқиб бутун-бутун уездларда урчиди. Идоралардан гимназиядаги олимларга бу оғатдан қутулиш тўғрисида маслаҳат сўраб мурожаат қилишди. Табииёт тарихи ўқитувчиси бу мурожаатга жавобан хат ёзиб, дәҳқонлар жавдарни эмас, чигиртканинг ўзини еб адо қиласидиган бошқа бир хил қурт-қумурсқаларни урчитишлари зарур деган

маслаҳатни берди. Бундай тадбир уч юз йиллардан кейин муваффақият қозониши шак-шубҳасиз эди. Аммо ёрдам шу оннинг ўзида кўрсатилиши зарур эди. Бироқ ёрдам кўрсатилмади; турган гап, очарчилик бошланиб кетди, магазинларда жамғариб қўйилган бутун ғалла бултур қишидаёқ адо бўлган эди.

Ана шундай қилиб, тўда-тўда тиланчилар ер юзига тарқалишди.

Қишлоқма-қишлоқ, шаҳарма-шаҳар юравериб, ниҳоят улар Питерга ҳам етиб келишди.

Бу қишлоқи тиланчиларнинг пойтахтдаги сарсон-саргардонниклари тўғрисида—ҳақиқий фактларга асосланган бутун воқиани бошқа бир вақтда ёзадиган бўлдим, бу сафар эса фақат шуни айтиб ўтайки, деҳқон ўзининг соддадил ақли билан кейинги чоғда чигиртка-га қарши мудофаа чорасини ўйлаб топибди; бу тадбир шундан иборатки, деҳқонлар ўзлари эккан жавдар билан бошқалар эккан жавдар ўртасида зовур қазир, кейин шовқин-сурон солиб ўз душмани чигирткани ўша зовурга қувлаб туширас, тупроқ билан уни кўмар, кейин эса оғи билан шиббалаб қўяр экан,

„НОТАНИШ ОДАМ“

1

Чет элларда ёки ватанимиэда чиққан драмаларни, трагик романларни, романтик трагедияларни кўздан кечирган ҳар бир киши, шубҳасиз, *Нотаниш одамнинг* сирли қиёфасини эсида тутади-ю, аммо бу одамнинг қайси тоифага мансублигини пайқаёлмайди. Нотаниш одамнинг тұсатдан пайдо бўлиши, сирли қиёфаси, инграган овози, испан плашчи билан бепарвогига ҳамда соябони кенг шляпасини кўзига тушириб кийиши уни шундай буркаб қўйғанки, унга қараган одам қирра бурунини-ю, юқорига диккайиб турадиган шопдай мўйловини, ниҳоят, плашчи остидан астагина чиқаётгани қўлини кўради, холос. Унинг бу қўли аввал полга, гапи тугагандан кейин шипга, яъни осмонга йўналади; ўша қўл ердаги ноҳақликни жазолаш учун осмонга нидо қилгандай кўринади. Буларнинг ҳаммаси нотаниш одамни турмушда учрайдиган одамлардан бошқача қилиб қўяди ҳамда пъесадаги алоқаларнинг боғланишидан ва охирги натижадан чигалликни, кутилмагаликни эмас, жонли инсонларни излаган китобхонни ёки томошабинни гангитиб қўяди. Мана шу бурканга қиёфага қараб туриб, рўпарангиздаги шахса қараганингида ўзидан-ўзи келадиган қўйидаги саволларни бермасликнинг ҳеч бир иложи йўқ: бу қанақа одам ўзи? Бундай одамлар қаерда туғилади-ю, қандай ҳаёт кечиради? Сирли номаълум одамнинг гаплари ҳам, фоят ёмон қилиқлари ҳам, ёки унинг ниҳоятда яхши ишлариди китобхоннинг бу саволларини ҳал қилиб беролмайди, бунинг аксича, унинг бу гаплари ва қилиқлари китобхонни ўйлаб чиқарилгани мастарик ва тўмтоқ бу сиймодан рагбатини

қайтаради, бундай одамлар аслда йўқ ва бўлиши ҳам мумкин эмас, деган холосага келтиради. Аммо бундай холосага келиши хатодир, чунки нотаниш одамлар дунёда бор; бўлганда ҳам жуда кўп, турли-туман, ранг-барангдир. Улар ҳаётда бўлмагандан эди, шоирлар ҳам, *адиблар* ҳам, ташқи кўришишлари билан томоша-бинларни ва китобхонларни қўрқитадиган ўша бадбашараларни тўқиб чиқаролмасдилар. Нотанишининг усти ялтироқ, ичи қалтироқ қиёфасини фош қилишга бир уриниб кўринг-чи, эгиндаги ана шу плашчини ва шу шляпасини олиб ташланг-чи, ана шунда у ўзининг шалдироқ ва дабдабали гапларидан, бир драмадан иккинчи драмага ўтиб сарсон бўлиб юришдан воз кечиб қолади; сиз унинг плашчи остида тирсаги ва қўлтифи йиртилган, орқасида бўр излари қолган сюргутини, соябони йиртилган фуражкасини, соchlари ўсиб кетган бошини ва бурнини кўрасиз. Унинг бурнида, тротуардаги устушчага урилиб шикастлангани ҳам кўринади. Бу нотаниш шахс ҳеч қандай яхши ёки ёмон ишларга, ўзгаларининг ҳеч қандай фожиаларига ва драмаларига тумшуғини суқмайди, чунки у турмушда бўладиган драмаларининг оқибаги полиция участкасига бориш билан, ҳар хил юқори маҳкамаларга муҳрли қофозга ёзилган аризалар бериш билан тугашини, шу билан бирга, унинг ўзини жавобгарликка тортишлари мумкинлигини, бунаقا ғалвалик ишдан бирпасда қутулиб олиш маҳол эканини яхши билади. Шунинг учун нотаниш одам ҳаддан ташқари аллақандай талаблар билан эмас, дабдабали ўсул ва гаплар билан ҳам эмас, астагина, камтарин қиёфада, кўпинча кечқурун пайдо бўлади-да, фуражкасини бостириб киймасдан, таъзим билан қўлига олгач, қулоғи ёнида тутиб, илгаригидек ғулдураган овоз билан эмас, шамоллаб қолган кишидек овоз чиқариб:

— Афандим!—дейди,—сиз менга қаерда тунашим тўғрисида бир маслаҳат берсангиз.— Яъни бу гапи билан у: «Худо ҳақи, менга бирор йарса беринг, чунки мен ялонғоч, ялангоёқман, очман ва бошпанасизман. Аммо буни мен очиқчасига айтмасдан, саҳнабоп қилиб гапиришимга сабаб шуки, мен ўзим оқсуякларданман... Ҳа! Мен оқсуякман, афандим!..» демоқчи.

Хуллас, сиз яхшилик ва ёмошликининг эпг юқори пук-таларини ўзида тўплаган сирли бир сиймони эмас, тўппа тўғри қорни оч бир одамни кўрасиз; оч қорни бу нота-

ниш шахсни шу ерга судраб келтирган, кутилмаган кўп-
гина тўқнашишларнинг, можароларнинг чиқиб қолишига
сабаб бўлган. Бу можароларнинг кўпи нотаниш одамга
ҳам зарар бериб қўяди. Шоир, ёки умуман ёзувчи буни
пайқамай қолибди; у қармогига бу сиймонинг фақат
ташқи кўринишини олиб олибди, яъни унинг пайдо
бўлиш сабабини текшириб турмасдан, бу кутилмаган
беймани аҳвол муҳтарам жамоатчиликнинг қалбини
ларзага солишда иш бериб қолишини дарҳол фаҳмлаб
олибди-да, ўйлаб-нетиб турмай, бу шўрлик одамга бесў-
нақай кийимларни кийдирив, этаги жуда кенг испан
плашчини унинг эгнига солибди, шапкасини бостириб
кийдирив-да, уни саҳнага итариб чиқариб, томошабин-
ларнинг ҳайрон бўлиб қолган афт-башараларини ҳузур
қилиб томоша қилибди. Оч қорин эса, ёки бошқача қилиб
айтганда ўша нотаниш одам, ҳамон аввалгидек, таъсири-
ланган томошабиннинг тумшуғи тагида, билдирилмасдан
пайдо бўлаверади; у ё тротуарда тунаб чиқиш учун
бошпана берилшини сўраш билан, яъни нотанишлик-
нинг сўнгги даражасида туриб, ёки шунчаки бир ёлғончи
қиёфасида майдонга чиқади; айтмоқчи, ёлғон гапирма-
са, у энди тириклик қиломайди. Ўша оч қорин, бирон-
та тугатилмаган эскизи ёки куплетини кўтариб келиб,
ҳеч ким эътироф этмаган рассомлар, шоирлар қиёфаси-
да пайдо бўлади; унинг назарида ана шу тугатилмаган
эскиз ёки куплет ҳозирча писанд қилмаган, ҳамманинг
бир кун келиб эътиборини ўзига тортиши керак. Ўша
оч қорин, ўзларини қаерга қўйишни билмайдиган, фақир-
ликдан ва нодонликдан қийналиб, ҳаёт нима-ю у ўзи
нимага керак каби ёксак *фалсафий* маҷалалар устида
бош қотираётган жуда кўпгина йигитлар қиёфасида ҳам
пайдо бўлади; шу билан бирга, бу ёшлар насияга ишониб
нон берган булкафурушларни, ижарага хона берган уй
эгаларини ва ҳоказоларни ҳалокатга ўзлари билан суд-
райдилар; шундай қилиб, уларнинг минут сайни қийна-
лишлари ташқаридан қараганда анча кулгили бўлиб кў-
ринади. Умуман нотаниш шахс, кучсизлантириб қўяди-
ган сон саноқсиз аҳволлар натижасида, ортиқча одам ва
текинхўр бўлиб қолмасдан, ҳар қандай ўз хоҳишича
яшаш имкониятидан маҳрум қилинган жуда кўп киши-
ларнинг намояндаси сифатида ҳам майдонга чиқади.
Биз, нотаниш одамнинг ана шу кўзга кўриниб турган
тамғасини олдинга қўйиб, у қандай қиёфада пайдо бўл-

масин, қанчалик бурканишга, ниқобланишга уринмасин, ҳеч бўлмаганда, унинг ўша тамғасига қараб, унинг фойдали иш қилишини барбод этувчи сабабларни батафсил билишни хоҳлаймиз.

Гапни провинциядан бошлаймиз, бу ерда урф-одатларнинг азалдан сокинлигий ўша нотаниш одамни пойтахтдаги қашшоқликнинг мудҳиш манзараларига бошлидайди. Мисол учун энг таъсирилсини олиб кўрамиз.

2

Кечқурун, Н шаҳридаги унча катта бўлмаса ҳам, яхши жиҳозланган хонада умрини уйланмай ўтказган ланжгина бир жаноб очиқ дераза олдида нима тўғрида ўйласам экан деб ўтиради. У куни билан ўзини қийнаган жазирама иссиқ тўғрисида, ҳеч нима ўйлаб, ҳеч мима деб бўлмайдиган ҳозирги қурғоқчилик тўғрисида ўйлади. Яна нима тўғрида ўйласа экан? У шу йўсинда ҳамон ўйлади, шошмасдан трубкасини чекади, уҳ тортиб қўяди... Тўсатдан, муюлишдан бир извош чиқиб қолади-да, уйнинг бурчагидан ўтиб, кўча эшиги олдида тўхтайди. «Қим экан бу?» Бу саволга жавобан эшикдан бутунлай нотаниш меҳмон пайдо бўлиб қолади. Меҳмон шошибишиб эгнидан ранги айниб кетган люстрин пальтосини очиб, қўлига буклаб солади-да, уй эгаси олдида тўхтаб:

— Агар янглишмасам, жаноб Хрушчов бўлсангиз керак? — дейди.

— Ҳа! — дейди мезбон.

Меҳмон, бир қадам яқин келиб, уй эгасининг қўлини сиқиб, гапиради:

— Агар ёдинизда бўлса — мен Бабковман.

Уй эгасининг ҳайрон бўлиб қараши меҳмонни ўзи ҳақида аниқроқ тушуниришга мажбур қиласди:

— Кузьма Даниличникида кўришиб эдик-ку! Қишлоқда? Зиёфат вақтида?.. Едингиздами?.. — деб қўяди Бабков, уй эгасининг қўлини қўйиб юбормай.

— Ҳа, ҳа... Эсимда.

Шундан кейингина уй эгаси, меҳмоннинг афти-ангории ёдига келтиради, қишлоқда Кузьма Даниличникида зиёфат вақтида уни кўриб қолгани, унга эътибор бермагани эсига тушади... Ўшанда Бабков учар юлдузdek дам у ерда, дам бу ерда пайдо булар, ҳеч ким унга эътибор бермас эди. Кузьма Даниличнинг ўзи ҳам Бабковнинг ким эканини эҳтимол яхши билмаган бўлса керак. Аммо

жаноб Бабков бунга сира эътибор бермагандай кўринар, закускалар қўйилган дастурхон ёнига бошқалар қаторида эҳтиётлик билан келиб, меҳмонларга: «Рухсат этинг, марҳамат... Ташаккур билдираман!..» дерди. Кузьма Даниличникида зиёфат тугаганидан кейин, Бабковнинг меҳмонлардан бирига «Йўлдош эканмиз, бирга жўнайлик» деганини, ҳалиги меҳмон Бабковнинг бу таклифини қайтаришга ҳаракат қилиб кўргани уй эгасининг эсига тушди. Айтмоқчи, уй эгаси яна, Кузьма Даниличнинг уйида шу пайтдаёқ бир ҳодиса рўй берганини эслади: ўшанда кимнингдир кумуш тамаки қутничаси йўқолган эди. Мана, бу хотираларнинг бари Бабковнинг шахси тўғрисида ниҳоятда ёмон фикр қолдириб, уй эгасининг миёсида бу шахс «муттаҳам» деган хulosा қолдирди. Бундан ташқари, уй эгаси, Бабковнинг тўсатдан бу ерга келиб қолиш сабабини бутунлай тушунмас эди, шу сабабли ундан тезроқ қутулишга жазм қилди...

Шу орада Бабков, уй эгасининг яхшилигига умид boglab, бу ерда бошқача вақт ўтказишни мўлжаллаган эди. У уй эгасининг: «Келганингизга жуда хурсандман; нима хоҳлайдилар, чой қўйиб берайми? Ёки майдан хоҳлайдиларми?» деб айтишини кутган эди.—«Йўқ,—демоқчи эди Бабков,— мен... айтмоқчи, рухсат этсангиз...» Уй эгаси: «Извошқачингизга жавоб бериб юбора қолинг. Унга кира ҳақи қанча тўлаш керак, мен ўзим тўлай...» деса керак деб ўйлаган эди. Ишнинг шу йўсинда боришига деярли имони комил бўлганидан, Бабков шошилмасдан креслони уй эгасига қаратиб бурди-ла, илма-тешик бўлиб кетган амиркон ботинка, мой доғлари тушган шим кийган оёқларини чўзганича, тердан кирланиб кетган кенг қўлқопини ечиб:

— Сизга халақит берәётганим йўқми?..—деб сўради.
— Йўқ... Ҳечқиси йўқ...

Бабков қўлқопини, орқа томонига анчагина чаңг қўнган оқ фурашкаси ичига ташлайди, сийрак, лекин диккайиб турадиган мўйловини бураб қўяди-да, салгина йўталиб, ғоқорида, кўрсатиб ўтилган саволлардан бирининг берилишини кутади. Аммо саволлар берилмайди. Бабков бир амаллаб шу саволларнинг берилиши учун ҳаракат қиласи, гапни шу томонга айлантириб, уй эгасининг дикқатини жалб қилмоқчи бўлади... У провинциядаги зериктирадиган турмуш ҳақида гапиради, уй эгасининг итини мақтайди, шу билан бирга, итлар иш кўрсатган

ажойиб воқиаларни, шу жумладан, Бабковнинг ити жонига ора кирганини ва ҳоказоларни эслаб ўтди... Уй эгаси: «Ҳим»... «ҳа»... «йўқ»... «унақа деб ўйламайман» деган луқмаларни ташлаб ўтиради-да, ўз олдида ҳақиқатан муттаҳам, эзма одам ўтирганига ишончи комил бўлади. Шу орада, гап билан вақт ўтаверади, Бабковнинг аҳволи чатоқлашади: извошкачига кира пули тўланмаган; лоақал бир марта кўришган бўлса ҳам бирор таниши борлигини у эслай олмайди... Уй эгаси, зерикканидан бўлса керак, жунжикиб, индамай ўтиради... Мана шуларнинг барчаси Бабковни ўз гапини ҳазил-мутойибага айлантиришга мажбур қиласди, чунки унинг фикрича, провинциядаги бўйдоқлар шунақа гапларни яхши кўрармишлар. У дам у гапни, дам бу гапни бошлаб юборади, қотиб-қотиб кулади, шалоқ латифаларни айтиб беради, пировардида уй эгасини батамом зериктириб қўяди. «Аслида, ўтакетган, ҳайвон экан-ку, бу жаноб» деган холосага келади-да, лоақал бир рюмка ароқ ичиб олай, шу рюмкадан кейин иш изига тушиб қолиши турган гап-ку, бу ерга келишига — олижаноб бир кишининг бошқа бир олижаноб кишини зиёрат қилиш шаклини бериш мақсадида, уй эгасига унчалик осилиб олмай, ўзи сал совуқроқ муомалада бўлишга жазм қиласди. Лекин унинг бу номери ҳам ўтмади... Кейин у, қўзғалмас қопдай жўринган уй эгасига ич-ичидан лаънатлар ўқиб, бу ерга келганига пушаймон бўлиб, гапни бошқа томонга буради, яъни ҳеч қандай кўнгилсиз бир воқиа юз бермандай қилиб ўзини тутади. У, индамасдан, оғзидан, сийрак мўйлови орасидан тамаки тутунини чиқаради-да, чуқур тин олиб:

— Об-ҳавони айтмайсизми...— дейди.

У бу фикрини шундай тарэда баён қиласдики, об-ҳавонинг яхшими ёки ёмонми эканини тушуниб олиш мумкин бўлмай қолади. Уй эгаси алланима деб ғўлдураб қўяди; Бабков эса, уй эгасига об-ҳаво ёқар экан, деган холосага келиб, яна қўшиб қўяди:

— Ажойиб-да!

— Бундай bemaza об-ҳавони ҳеч қачон кўрган эмасман,— дейди уй эгаси, деразадан кўзини узмай.

— Яъни экинлар учун демоқчиман-да. Сиз тўғри гапиряпсиз, дарҳақиқат, ёмғир ёққани яхши бўларди,— деб ўз хатосини тузатади Бабков.

— Экинларга ҳозийр ёмғир сира керак эмас.. Ҳозир ўрим-йифим пайти...

— Гапингиз түғри... Шундай бўлса ҳам, салгина ёғиб ўтса дейман, зарар бўлмасди.

— Бир томчи ҳам керак эмас...

— Рост... Иш вақти-ку... Мен сизнинг фикрингизга батамом қўшиламан, ёмғир ишнинг белига тепиб қўяди, аммо ҳавонинг софлиги учун...

Уй эгаси ич-ичидан, ҳавонинг софлиги учун сал ёмғир ёғиб ўтса зарар бўлмасди-я, деган холосага келади-ю, аммо бу фикрини Бабковга айтмайди, чунки андаккина муросага келса, упдан тезгина қутула олмаслигини яхши билади. Бабков тамаки тутунини аввал лабининг бир чеккасидан, кейин иккинчи чеккасидан бурқсатиб, сўнгра эса бошини кўтарганича, шипга қараб, ҳалқа-ҳалқа тутун чиқаради... Аҳвол тобора чатоқлашади. Бабков костюмининг кийилавериб эскириб кетганини, эски қайтарма ёқали кўйлагининг кирланганини, пиджак енгларининг қалталигини, чандир, қорайиб кетган узун қўлларини, йингитдай кўринишини хоҳласа ҳам, сўлғин ва мижгалоқ юзини, ҳаммасини, ҳаммасини уй эгаси пайқаб турганини сезади. Ишқилиб, ҳамма нарса унга қарши чиққандай кўринади. Бабковнинг ҳафсаласи пир бўла бошлади. У қуримсоқ уй эгасига кўз ташлаб, астойди уҳ тортиб ҳам қўяди. Уй эгаси ҳозир уни уйидан ҳайдаб чиқарадигандай, уни ўзи учун сира зарур эмас деб ҳисоблагандай ҳоказо ва ҳоказо қилмоқчидай бўлиб кўринади... Бабков қийналиб қолди... Аммо унинг кўз олдида уй эгасинин ўша беғамлиги, юзидағи илтифотсизлиги, бироқ қайрилишни истамаган орқаси ҳамон бир жойда ўзгармай турганини кўргач, Бабков бирданига ич-ичидан ўзида бирмунча жасурлик... ғурурлик борлигини сезиб қолди. Унда уй эгасининг чўчқадай хотиржамлигини йўққа чиқариш, ер билан яксон қилиш, кўз олдидағи ана шу аҳмоқона провинциал хотиржамликни камситиш, провинция ҳаётидаги шалтоқликни кўрсатувчи бир хилликини дera-задан улоқтириб ташлаш истаги пайдо бўлди. Бабков гўё тўла фасоҳат билан, қизиқишиб, ўз ғазабини изҳор этарди. У бу ҳайкалнинг чил-чил синиб кетиши учун нима билан урсам экан деб ўйлаб турди-да, яқинда кичкинагина кўнгилсиз воқия бўлиб ўтганини, яъни қарта ўйнаб тўрт минг сўм ютқизиб қўйганини билдиришдан яхшироқ бир гап тополмади...

— О-ҳо!— деди уй эгаси, бу пулларга сирда ачишмай.
Катта пул-ку.

— Тўғрисини айтганда, гап пулнииг катталигида эмас...— сустгина гап бошлади Бабков. У Хрущовни енгидиб ва чўчитиб қўйдим-ку, деган хулосага желиб, унга раҳми келгандай, юзига қарамай, ўз тирноқларига тикилиб.— Гап пулда эмас, вактда... Энг муҳими ана шу...

— Албатта!..

— Мен савдо-сотиқ қилишим мумкин эди; менда яна пул бор!:.. Нима қиласай ахир... Қизиқиб жетдим-да!.. Сизга тўғрисини айтсам, мен умуман қарта ўйнамайман... Яъни, агар истасангиз, ўйнамайман-у, масалан, худди сиздек ўйнамайман...

— Мен ўйнамайман...

— Яъни... Ҳа албатта! Йўқ десангиз, мен ҳам ўйнамайман... Аммо бир жиҳатдан...

— Ҳеч ўйнамайман...

Бабков: «Бу қанақа малъун ўзи?» деб ўйлади-да, гапида давом қилди:

— Биласизми, майдачўйда пулга... яъни чўнтакда ҳамиша бўладиган пулга, чунончи юз, икки юз сўмга ўйнаш, менимча, гуноҳ бўлмаса керак дейман.

— Ақлсизлик ва аҳмоқона иш бўлади!..

— Лекин фикримга қўшилиб қўя қолинг... одамнинг ҳаётида... одам деган шундай яратилганки, ҳар қандай қизиқиши... баъзи бир нарсаларга қизиқмасдан туриб, унинг ҳаёти ҳаёт эмас... балки а-а-а...

— Гапинглиз тўғри. Семён! Янги сиортугимни келтир ва соқол-мўйловимни олиш учун устараларимни тайёрлаб қўй... Гапираверинг, жаноб Бабков, қулоғим сизда...

— Жўнамоқчимисиз?

— Ҳа... Бир ерга бориб келишим керак...

— Ундай бўлса,— истар-истамас минифиллайди Бабков,— мен сизга халақит бермай...

Уй эгаси эътироуз билдирамайди. Бабков истар-истамас шапкасини топиб олади, бутуёнлай хоҳламасдан қўлқопларини кияди, ишлари пачава бўлганини англаб, азобланади!.. Меҳмоннинг бунчалик тез жўнамоқчи бўлганига уй эгасининг мамиуни экани кўриниб туради. Мезбон Бабковнинг қўлини спиқиб, жилмайганича:

— Бирор жойга шошиляптиларми?..— дейди.

— Ҳа! Зарур...

— Иш чиқиб қолдими?— деб сўрайди уй эгаси, меҳмонга бошидан-оёғигача кўз ташлаб.

— Ха-ҳа...

— Шунақа денг...

Уй эгаси, шамдонни олиб, Бабковни даҳлизгача кузатиб боради, унинг лабидан илжайиш аримайди; ўша илжайиш, ҳатто масхара қилғандай тилининг учи чиқиб туриши Бабковнинг кўзи олдидан кетмайди: деворлар, деразалар бошига кийган ўз шапкаси, қўлқоплари, хуллас ҳамма нарса ундан кулаётгандай кўринади. Бабков, бу мулоқотга лоақал бир қадар беозор тус бериш мақсадида, эшикка чиқаётib, бирдан тўхтади-да:

— Ҳа, айтмоқчи, Зубилов эсингиздами? Қорачадан келган эди?—дейди.

Уй эгаси эсига туширмоқчи бўлиб туради.

— Ўшанда, Кузьма Даниловичникида-чи?.. Ҳазил-каш бор эди-ку. Ёдингизда бўлса керак, сиз ҳадеб хохолаб кулиб эдингиз.

— Йўқ, ёдимга туширолмаяпман..

— Улибди!..

— Шунақа денг!

— Хеч кимсасиз, бешта етим боласи қолибди.

— Шунақа денг... Жойи жаннатда бўлсин... Хой, Семён, буниг кетидан эшикни беркитиб қўй...

— Хайр, кўришгунимизча!— дейди Бабков.

— Кўнгилли кўришгунимизча. Эшикни беркит!

— Ҳайда!— деб ўшқирди жаҳл билан извошкачига Бабков.

— Қаерга буюрадилар?

— Тўппа-тўғри! Қаерга борсам экан?.. Аҳволим чатоқ-ку!

Извошкачи муйилишларда отларини секин юргизар, у, хўжайн орқага қайтишни буюриб қолар, деб ўйларди.

— Тўғрига ҳайдা!..

Извошкачи Бабковни тўғрига учирив олиб кетди...

3

Бехосдан пайдо бўлиб, бирпасда ёйиб бўлган Николай Фёдорович Бабковнинг ҳам бошқалардек, ўз дадаси ва аяси бор эди. Коля беш ёшда эканида аяси ўлиб кетди. Ўн тўрт ёшда эканида Коля чаңгга ботиб, қуёшида қорайиб, уезд шаҳридан уйига қайтиб келганида (у уезд шаҳрида, қариндошлариникида туриб,

уезд мактабида ўқир эди), Фёдор Никитичнинг икки ўғли (шу жумладан Коля ҳам) ва бир қизи бор эди. Колянинг отаси аслида оддий деҳқонлардан бўлиб, ҳарбийда 25 йил хизмат қилган эди. Узоқ йиллар давомида ҳарбийда хизмат қилиши унинг табиатидан деҳқонларда учрайдиган аҳмоқона қилиқларни бутунлай суреб чиқарган эди. Бу аҳмоқона қилиқ, бу жиннилик баъзан бирортасининг башарасига тушириб қолишга ундайди; мужикларда учрайдиган бу жиннилик ўша мужикни шундай бир гап айтишга ундайдики, бу сўз оғиздан чиқиши ҳамоно, ўн чақирим атрофидаги жой сасиб кетиши мумкин. Бу жиннилик аста-секин йўқола бориб, енгда аллақандай нашивка¹, кўкракда эса узоқ хонада занг ураётган, бузилиб қолган соатнинг овозига ўхшаган йўтал пайдо бўлгандан кейингина батамом йўқолиб кетади; мужикнинг бу жиннилигидан илгари жаҳли чиққанда титроқ босса, энди жаҳли чиққанда майда тер босиб, оғиздан гапи чиқмайдиган бўлиб қолади. Тўғрисини айтганда, энди унинг ўз сўзи ҳам қолмайди. Фёдор Никитич, яъни Колянинг отаси, ҳарбийлар учун расм бўлган: «Хўп, тиришаман», «лаббай», «айб мендан ўтди» каби сўзларнигина бошига сифдира оларди; Фёдор Никитич эса ўзининг бу бошига, бир кунмас бир кун, бирорга гайри диннинг ўқи тегади-ку, деб қарабарди. У бу бошини, ҳеч парво қилмай, учиб келаётган дайди ўққа қарши юқори кўтариб борар ва турмушда биттагина «чида» деган сермаъно қоида мавжуд эканига тобора кўпроқ ишонарди. У чидаб юриб, ниҳоят, офицерлик унвони олишiga сазовор бўлди... Ана шунда Фёдор Никитич бундан жуда кўп вақтлар илгари, ҳамма яхши кишилардек, ўз ҳаёти бўлганини эслади; ўша яхши кишиларнинг хотинлари борлигини, бу хотинлар якшанба кунлари эрлари билан ибодат қилгани черковга боришлиарини, бошқа оддий кунларда эса овқат тайёрлаганиларини, дераза олдида ўтириб гаплашганларини, кўрган тушларига таъбир айтганларини, бола туққанларини эсига келтирди. Фёдор Никитич ҳам шундай ҳаёт кечиришини, хуллас, хотин олишини ва осойишталикини кўнгли тусаб қолди. Ҳарбий хизматдан бўшаганидан кейин у Крюкова деган бой, бева бир хонимнинг

¹ Ҳарбий унвонни билдирадиган, енгга тақилган белгига. (Ред.)

мулкига бошқарувчи бўлди. Уша хопим Фёдор Никитични, ўзига жўра бўлиб юрадиган, бир айб иш килиб қўйган, камбағалу, лекин бойвучча уйнадаги усти ялтироқ ҳаётга ўрганиб қолган бир қизга уйлантириб қўйди. Бу қиз, *вайрон* *кўнгил*, амалга ошмаган орзу, ноумидлик, ҳоказо ва ҳоказо каби юксак туйғуларга тушуниб қолган эди. Фёдор Никитич бунақа нозик нарсаларнинг биттасига ҳам тушумас, уларнинг борлигини ҳам билмасди. Фёдор Никитич фақат бир нарсани, яъни хотини ўзи билан тушки ибодатга ҳеч бормаганини, ошпаз хотиндан чой қўйиб беришни сўраганини, негадир диққати ошиб кетаётганини, ишга қўли бормаганини, фақат «уни ол, буни бер» деган гапларни билганини кўриб ҳайрон бўларди... «Нега у, юқорига, ўзига шунчалик яхшилик қилган бойвучча олдига ҳеч қачон чиқмайди?» деб ўйларди Фёдор Никитич, бунга тушунолмас, хотинига қарши бирор гап айтишдан қўрқар, унга хушомадгўйлик қилишга уринарди. Хуллас унинг трубкани чекиб, очиқ дераза олдидаги чой ичиб ўтириш ҳақидаги орзулари рўёбга чиқмади... У қайта-қайта ўзинга: «чида» дер, чидаш зарурлигига ишонар ва чидар эди. У кун бўйи, хотини олдидаги юрар, ундан буйруқлар кутар, аста-секин уҳ тортиб қўяр, терлар, чит дастрўмолчаси билан артинар эди.

Мадори қолмаган ва диққат бўлган хотини эрининг бурнаки отишини, жанг сурати босилган дастрўмолини шошилмасдан ёйиб, худди душман қароргоҳига бурнини суқаётганини кўриши билан:

— Е худо! Шу жирканч дастрўмолингизни қачон йўқотасиз энди! — дерди кўпинча.

— Нима қилай ахир, Анна Васильевна... Бурнаки отгандан кейин шунақа бўлади да. Оқ дастрўмол кўпга чидармиди... Бир-икки бурун қоққандан кейин...

— Худо ҳақи, қўйинг шу гапларни... Менга деса, чипта судраб юравермайсизми...

Фёдор Никитич шу пайтда томогини бир қириб қўяди-да, дераза олдига келиб, хотинини овутиш учун, унинг эътиборини бу жирканч нарсадан чалғитишга ҳаракат қилиб қўради.

— Булутлар бирпасда тарқалиб кетади дейманда... — дейди у.

Анна Васильевна унга жавоб қайтармади. Уҳ тортигани эшитилади,

Фёдор Никитич ўзига-ўзи: «Тарқалади» деб жавоб беради, зинапояга чиқиб ҳовли коровули билан гаплашади. У қоровул билан гаплашиш анча енгил эканини сезади.

Анна Васильевна эридан қийналар ва индамасликка ҳаракат қиласади. «Ишқилиб, болаларимни бу исқиргликтан чиқариб олсам бўлгани...» дерди у ўзига-ўзи. Шунинг учун у бутун куч-гайратини Петя билан Олянинг тарбиясига бағишлади (Коля ҳали ёш эди). У ўша болаларига ранг-баранг кўйлаклар тикир, соchlарини тараб қўяр, уларга французча масаллар, шеърлар ўргатарди. Болалари ҳам «Қалдирғоч уяси», «Ниначи ва чумоли», «Худо яхшини ярлақайди» каби ва бошқа французча кичик шеърларни анча тузук бидирлаб айтардилар. Аялари уларни ўз ёнидан узоқлатмас, ҳамиша уларга: «тезсе», «не туши-па» дер ва ҳоказо французча гапларни айтарди. Үмуман, унинг бу «арзандалар»ни нимага тайёрлаётганини тушуниш қийин эди,— афтидан у фақат бир нарсанн, яъни болаларнинг ҳам севимли дадаларидек. гулдор дастрўмол билан бурунларини артмасликларини истарди, холос. Ҳар ҳолда, Анна Васильевна болаларини қанақа тарбияламасин, Фёдор Никитич, ишни бузиб қўймай деб, хотинининг бу ишларига аралашмасди. «Ростдан ҳам,—деб ўйларди ў,—мен кимман ўзим? Солдатман, холос... Бундан эса, лоакал болаларимизнинг катталар орасида юзи шувит бўлмас». Фақат бир гал Фёдор Никитич, болаларига тарбия бериш соҳасида ўз кучини синаб кўрмоқчи бўлиб, Олянинг жажжигина буршидан қалоғини олмоқчи бўлган эди. Бироқ, ўз фикрича зарур тайёргарлик кўриб, яъни Оляни тиззалари орасига салгина сиқиб олиб, бир қўли билан унинг бошини оркага қайириб, бармоқларини тозалагандан кейин, Олянинг бурнига тегиши биланоқ, Олянинг ўзи ҳам, онаси ҳам чинқириб йиғлаб юбориши, ӯкириши, асабийлашди... Фёдор Никитич шу пайтдан бошлиб, Анна Васильевнанинг айтищича, ўз иши бўлмаган бу чарсага аралашмасликни ваъда берди. Шундай килиб, Анна Васильевна, Петяга ҳамда Оляга якка ўзи қарайдиган бўлиб қолди; у жон берини олдидан ўзининг собиқ мураббиясига, болаларимни ташлаб қўйманг, уларнинг паст ва исқирт одамлар орасида йўқолиб кетишларига йўл кўйманг, деб кўп ёлворди, аммо бутунлай боқимсиз, тарбиясиз қолиб кетаётган шўр-

лик Коляни эслай олмади. Анна Васильевна ўлиб кетди; Коляни уезд шаҳри К. даги бир қариндошлари уйига олиб, кейинчалик уни уезд мактабига ўқишига берди. Анна Васильевнанинг мураббияси, марҳаматли пошчик аёл марҳума жўрасининг илтимосини бажо келтириб, Петя билан Оляга меҳнат қилишга қўймади, ҳолбуки улар учун худди ана шу меҳнат билан ўтадиган ҳаёт зарур эди. Фёдор Никитич бу масалада ҳам керак, зарур бўлган нарсага бўйсуниб, ўзига-ўзи «чида» деди ва болаларининг тарбиясига аралашмади.

Крюкова хонимнинг болалари деярли ўттиз ёшга етиб қолишли. Петя ёқимлигина йигит бўлиб етишди. Оля ҳам кўркам ойим қиз бўлиб қолди, улар ҳақиқий ҳаёт кечирмасдан, юқори қаватдагиларнинг феъл-атворларига, дидларига берилиб кетдилар. Пастки қаватда, Бабковлар уйида эса батамом тартибсизлик ҳукм сурар, фақат Фёдор Никитичнинг кичкина ҳужрасида-гина бирмунча тартиб сақланарди: у расвоси чиқиб кетган ўринини ўзи йириб қўяр, уни кигиз билан ёпар, ўзига қарашли қандайдир икки-учта диний китобини авайлаб «жойига» қўяр, ўзида лоақал битта бўлса ҳам сиёҳдон, перо ва ҳоказоларни тутишга ҳаракат қиласади. У бу бурчакни ўзи учун алоҳида ажратиб сақламоқчи, ҳужрасини ўз дидига мос келадиган қилиб тутмоқчи эди, чунки у дунёда яшашни, ўй-фикр юргизишни ҳам ўзича давом қилдиришни истарди, бироқ, ўз болалари ҳаётидаги бемаза тартибсизликка қўрқиб-писиб бўйсунарди. Бошқа хоналарда, масалан, залда, картиналар осиб қўйилган михларда дазмолланган кўпгина юбкалар осиглиқ эди; бу залдан дазмол тахталар бошқа жойга ҳеч чиқарилмас, тўр ва докаларга ҳадеб сув пуркаш натижасида залдаги пол ҳамиша зах бўлар, ойналар олдида оҳор сочилиб-тўкилиб ётарди. Даҳлиздаги ширмалар билан тўсилган Пётрининг хоисида ҳам чангтўзон, тартибсизлик ҳукм сурарди, биттагина қақшаб қолган ингичка оёқли тўғарак столда гугурт ҳам, тамаки кули ҳам, шам ҳам, кўйлак ҳам аралаш-қуралаш бўлиб ётарди... Бунга сабаб шу эдики, Пётр ҳам, Ольга ҳам уйда деярли турмасдилар. Ольга, юқори қаватдан турувчи хонимлар уни чақириб одам юборганларидан кейингина уйқусидан туради; шошиб-пишиб кийиниши, ясаниш бошланарди; шундан кейин Ольга юқори қаватда бутун кун йўқолиб кетарди; залда эса

ғижимланган юбкалар, кўйлаклар, пайпоқлар ҳар жойда қоларди; қандайдир бир маҳкамада ҳеч иши юришмай, заруратан хизмат қилаётган Пётр вақтлироқ ўриндан туришга მажбур эди. Унинг учун бир жойда хизмат қилиш, тикувчи унинг амалдор эканини билиши, унга усти-бошини насияга тикиб бериши учунги на зарур эди, у тирикчилитини отаси ҳисобига ўтказарди, отаси унга ҳам, Оляга ҳам ҳеч нимани аямасди, чунки у марҳума хотини шундай васият қилганини яхши биларди ва шунинг учун ҳам беш йилдан бери нанкадан тикилган юпқагина пальто кийиб умрини ўтказарди. Пётр ўриндан тургач, мумкин қадар олифтароқ ясанар ва маҳкамаснга жўнарди. Уйда Фёдор Никитичнинг ўзигина қоларди, у полга ташланган кир кўйлакларни ўигиштириб олиш, оёғи билан каравот тагига ҳар хил латта-путта, ахлатларни итариб ташлаш, дераза ойналарини артиш ва шу каби ишлар билан шуғулланарди. Шундай пайтларда у билдирмасдан, астагина оз-оздан ичиб туарди; қизариб қолган бурнигина унинг қандайдир дарду алами борлигидан дарак берарди. Фёдор Никитич салгина ичиб олгач, бошқаларга тик қарашдан қўрқар ва ўзига айтилган ҳамма гапга унайверар, ҳатто унга бирор гап айтишларидан олдинроқ, боши билан имо қилар, гапга розилигини билдиарди. Пётр ўз маҳкамасида узоқ вақт ишлай олмади, бу маҳкамадаги амалдорлар уни ёмон кўришар, аҳмоқ дейишар. Пётр ҳам уларни ўзларини аҳмоқ деб биларди. Соат иккиларда ва ундан ҳам олдинроқ ишдан келарди-да, кўпгина холаваччалар топширган турли-туман юмушларни бажаришга киришарди, чунончи, дам у Дерюреванинг олдига ғизиллаб бориб, сайрибоғ кечикирилганини айтиши, дам бирор жойга чопиб бориб, ўтган куни Марья Михайловна унутиб қолдирган зонтини олиб келиши керак эди; дам уни хусусий уйда ўтказиладиган спектаклнинг бошқарувчиси қилиб тайинлашарди, бу вазифани у жуда жиддий қиёфада туриб, аммо ич-ичидан шод-хуррамлик билан гарданига олар, шошиб-пишиб ишга тушарди,— дам декорациялар бузилиб қолган бўлар, дам костюмлар тайёр бўлмас, ҳамма ишга улгурниш, битта гапни юз марта такрорлаш керак эди. У ҳаракат қилар, югурад, ҳолдан толгунча талпинарди; шундай қилиб, у, уйга қайтиб келгандан кейин, тер босган юзини артар, сон-саноқ-

сиз холаваччалари унга ёпишарди; у қанчадан-қанча янги гаплар, гийбатлар олиб келарди! Пётр юқори қаватдагиларниң бир минут унга эътибор берганидан ўзини жуда баҳтиёр ҳисобларди, сўнгра яна кўпроқ чопарди. Бу хусусий-ўйда уюштирилган спектаклларда эса Пётрга ё оғзидан биттагина гап чиққан сирли бегона шахс, ёки эса, пьеса охирида манзара тўлароқ бўлиши учун бирор қизга уйланган жиян ролини беришарди,— ё бўлмаса, у саҳна ортида туриб, жўнаб кетаётган фойтун, ёки момақалдироқ гулдураши, бироннинг сувга тушиб кетиши каби овозларни чиқаришда иштирок қиласди... Пётр юқори қаватдагилар орасида ҳам ўзининг худди шундай роль ўйнаётганини пайқамасди, уни ювощ аравакаш отдай кўришар ва илтифот кўрсатишарди, чунки бундай отни топиб бўлмасди... Крюкова қизларидан бири ашула айтиётганида ноталарни варақлаб туришни уддалайдиган жўра сифатида Ольга ҳам зарур эди. Крюкованинг қизлари мавруди келганда Ольгани сайр-томошага олиб чиқишар, йигитлар у билан ишқ-муҳаббат тўғрисинда дадилроқ гаплашар, ўраб олган муҳит бу гапларни қизитиб юборарди. Шу билан бирга, кунлар, ойлар, йиллар ўтиб борар, Крюкованинг қизлари қариқизлик даврига яқинлашардилар,— қандай қилиб бўлса ҳам уларни узатиш керак эди,— бу мақсадга эринимоқ учун ҳар хил тадбирлар кўрилди: юқори қаватдаги уйниң ҳатто ҳавоси ҳам хилма-хил кайф-сафо, энг алангали ишқ-муҳаббат билан сугорилгандай кўринарди. Фёдор Никитичниң болалари бу ерда декорация сифатида, саҳнадаги авом халқ сифатида керак эди, холос. Аммо Пётр ҳам, Ольга ҳам ўзларини авом халқ деб ҳисобламасдилар; улар ўзларини бу фантастик балетда энг тетик ижрочилармиз деб ҳис қиласдилар ва жон-диллари балац, юқори қаватдаги уйда вақтнича давом эттаётган ана шу усти ялтироқ турмушда парвоз қиласдилар. Бу уйда ҳаммалари ўзларини шод-хуррам ҳис қилас, ашула айтар, кайф-сафога берилар, аслда эса бир амаллаб жойлашиб олишга, ором олишга, қонуний йўл билан уйланиб олишга интилардилар, бизнинг қаҳрамонларимиз — Бабковниң болалари эса буни пайқамасдилар. Бутун кун ва кечалари улар бу ерда тентираб юришарди; улар бошқа кийимларини кийниш, уйни бошқатдан алгоқ-далгоқ қилиш учунгина уйларига бирпас кириб чиқардилар-

да, яна ғойиб бўлардилар. Масалан, Оля пастга, ўз уйларига пириллаб ўтиб, ойна олдида нари-бери айланарди, хона ўртасида туриб думини¹ жилпанглатиб кўрарди-да, фингиллаб бирор романс айтиб, ўйинга тушиб, бир онда чиқиб кетарди...

— Хўш, қалай, кўнгилли бўлдими? — деб сўрашгагина журъат қиласарди Фёдор Никитич...

Жавоб ўрнига эшик ёпилади-ю, Олянинг баланд пошинали ботинкаларининг ғиштии зинадан шақиллаб юқори чиққани эшитилиб қоларди холос.

Фёдор Никитич, секингина томоқ қириб: «Эшитмадида» дейди ва ўз ҳужрасига кириб кетади ёки зинага, ҳовли қоровули олдига чиқади. У ўзича айрим ҳаёт кечиради: рўза тутар, эрталабки ибодатга борар, ўзига атаб нўхат, балиқ сотиб оларди... Бозор қилиб келаётганида ўғли ёки қизи ёнидан ўтар экан, ўзининг мужикча кун кўришидан болаларини ранжитмаслик учун, бозордан олиб келаётган озиқларини этаги билан беркитарди. Баъзан эса, ҳафталаб отаси билан сўрашишга қўли тегмаган Пётр, одоб юзасидан:

— Нима олиб келяпсиз? — деб сўраб қўярди.

— Қисқичбақа! Шундай арzonки.. Қани, бир кўр-чи: қандай йирик...

Пётр қофоз халтадаги нарсаларни кўриш учун эгилганида, бўйнидаги ингичкагина галстугуни ҳам тортиб қўяди.

—Худо ҳаққи! Мисли кўрилмаган арzon-а... — дейди Фёдор Никитич, — ўтган куни, карам устида қандай воқиа бўлиб ўтди...

Пётр эса залга кириб кетади. Фёдор Никитич карам воқиасини наридан-бери гапириб бўлгач, ўзини аҳмоқ деб атаб: «карам тўғрисида бош қотириб ўтиришга унинг қўли тегармиди... Йўқ, мен мужикдан оқ суюк чиқмайдиган кўринади. Оғзимдан чиққан бутун гапим мужикча-я!» деб ўйлади.

Коля қайтиб келган маҳалда Бабковлар оиласининг аҳволи ана шундай эди. Ака-сингид Колянинг офтобда қорайиб кетган юзини, мужикча қиёфаси ва хусусиятларини кўргач хандон уриб кулишди.

—Бу йиртқич ҳайвоннинг ўзгинаси-ку! — деб бақириб юборди Оля, қўлларини силкий-силкий...

¹ Кўйлак этагиин демоқчи. (*Ред.*)

— Алеут!
— Вампир!¹

Фёдор Никитич ҳам. фақат маълумотли болаларига ҳушомад қилиб, Николайнинг беўхшовлигига бош чай-қаб қўйса ҳам, ўғли ва қизидан кўра унинг пешонаси-дан қаттиқроқ ўпарди.

Колянинг ўзини тутиши, қилиқлари Пётр билан Оль-гани жуда хафа қилиб қўйди; акаси билан опаси унинг бошинигина эмас, аъзойи-баданини ҳам ўзгартиш ке-раклигини ваҳима билан гапирганларини эшитган, Фё-дор Никитич ҳам унга қараб, Пётр ва Ольга билан бирга негадир ташвиш тортаётганини кўргач, Колянинг руҳи тушиб кетди, мен жудаям бачкана, жудаям ёмон эканман, деган хулосага келди. Буни англаб ва акаси билан опасига нисбатан ўзини таққослаб бўлмаслик даражада паст кўриб, Коля ҳамма ишда акаси билан опасидан ибрат олишга, улар чизган чизиқдан чиқмас-ликка аҳд қилди. Чизиқни эса, фақат улар кўрсатишли-ри мумкин эди: Фёдор Никитич болаларининг ишига ав-валгидек, ҳамон аралашмас, фақат аҳён-аҳёнда, маълу-мотли ўғли билан қизининг кўрсатмаларини таъкидлаб Коляга: «шундай қилиш керак», «чида» деб айтиб қўйишни ўзининг вазифаси деб биларди. Николайни қайтадан тарбиялаш ҳақидаги бу кўрсатмалар албат-та у қайтиб келгап куиданоқ берила бошлади. Бу кўр-сатмалар, уни юқори қаватдагиларнинг ҳаётига мос келадиган қилиб тарбиялашга қаратилган эди. Бусиз, ҳалок бўлаётган кишини қутқазиб қолиш сира мумкин эмас, деб ўйлашарди мураббийлар. Улар Николайни ҳалок бўлаётган қиши деб билардилар. Пётр, бир бошлиқдек юзига жиддий қиёфа бериб, обрўли кишидек кеккайиб укасига келажакда қўллаши керак бўлган турмуш, юриш-туриш қоидаларини ўргатишга киришиди: бу қоидалар қўлларга, оёқларга, қанақа юришга, одоб билан ўзиши тутишга тааллуқли бўлсалар ҳам тарбияланувчишииг бошига бу қоидаларнинг ҳеч ало-қаси йўқ эди. Хуллас, юрганда «рўй берадиган қийин пайтлар» ҳақида айтилган ва кўрсатилган ўтакетган жиддият Коля олдида, буни ўрганиб олиш зарур экан деган фикри қонун қилиб қўйди. Шундай қилиб, асли-

¹ Эртакларда одамларнинг қопиши сўрувчи маҳлуқ. (Ferd.)

да, акаси билан опаситтинг сал қиё боқишигина Коляни бу ҳунарни ўрганиш зарур деб билишга ва бунга бутун кучини сарфлашга мажбур қилди. Бироқ, Николайга тез орада, қиё боқишигагина эмас, юқори жамоатнинг масхараомуз ва жуда совуқ қарашлари остида қийнилишга тўғри келди. Пётр эса бу юқори жамият тўғрисида шунчалик жиддий, ҳатто иззат-ҳурмат билан гапиради.

Кунларининг бирида Коляни юқори қаватдагиларга кўрсатадиган бўлишди; Пётр «эртага борамиз» деган пайтдан бошлаб ташрифгача бутун кун ва кечаси Коля қалтираб чиқди. Юқори қаватда кутилган номаълум, даҳшатли нарсадан қўрқини Коляни бутунлай довдирашиб қўйди ва ўзини қандай тутиш қондаларини, шамол учиргаңдай бошидан олиб кетди. Пётр шундай бўлишини олдиндан билган бўлса керак, уйдан юқорига чиқмасларидан олдин у яна бир марта огоҳлантиришини зарур топди:

— Демак, ёдингда турсин,— деди у,— тирсаклар... қўллар... Мен сенга гапириб бердим-ку, худди шундай тутасан, хўпми? Эҳтиёт бўл... Овқат пайтида пондан мумкин қадар камроқ егии... лабларингни чапиллатмайсан... худо сақласин... Чикалдова хоними (ҳали у ерда кўрасан) полькага таклиф қилмайсан, чунки у иккιнат, сен бўлсанг, ҳали ҳам тиззаларинг билан... яхши эмас... Хўш? Яна нимайди? Қўлингни шимингнинг чўнтағига тиқма... ҳеч мумкин эмас.. бемалол юравер.: Сизларнинг, худди ваҳший ҳайвонлардек, девор бўйлаб юрини одатингиз бор, ўтрига ўхшаб... бундай қилма... Хуцук бўлади!.. Шляпаигни қўлингда ушла — мана бундай! Бунга қара, мана шунақа! Ёки мана бунақа! Аммо шляпаигни орқангда тутма ёки тиззаларинг орасида силкиб турма... Хўш, чиқдик бўлмаса.

Чиқишиди. Хўжайининг зинапоясига солиб қўйилган гиламдан тортиб, меҳмонхонадаги ҳамма нарса, ғалати-ғалати гаплар, ваҳима босиб турған Колянинг кўзига уни масхара қилиб кулишаётгандай, менсимай, нафрат билан қарашаётгандай кўриди. Бундай муносабат уни довдиратиб қўйди, чунки Коля шу дамгача ўзи яшаб келгани бу даҳшатли бениҳоя подонлик оламини ва шу билан бирга, янги ҳаёт кечириш учун ўзининг бирпасда ўзгара олмаслигини кўрсатиб берди. Усти ялтироқ турмушга астойдил берилиб кетган акаси Пётр (у ҳам

бундаги нозикликларининг бир қисминигина Коляга ўр-
гатган эди), ўзи учун қонун бўлган қоидаларнинг ҳар
бирига жуда аниқ ва жиддият билан риоя қиларди.¹ У
ва синглиси Оля хўжайинларнинг зинапоясидаи жимги-
на чиқар эканлар, Пётр ойна олдида тўхтаб, галстугини
тузатиб қўйди, укасига совуқ бир назар ташлади; Коля
ҳам ана шунда, ўзининг ожизлигини, бутун кеча қийна-
лишини сезиб, юраги арзиқиб кетди. Акаси кетидан
Коля ҳам биринчи қадами ташлаб, дарҳол ўзини азоб-
уқубат денгизига чўккандай ҳис қилди. Бу азоб-уқубат-
лар, Коля қўл-оёқларини ўз хоҳишича ҳаракатлантира
олмаслигини, бу ерда ҳеч нарсаға тушуна олмаслигини
пайқаш биланоқ бошланиб кетди. Бу ерда юз бераётган
тўс-тўполоннинг фақат оддий бир томошабини бўлиш-
дан бўлак унга иш қолмади. Лекин, бу қатъяни мумкин
эмас эди; бунинг аксича, Коля биринчи қадамиданоқ,
бу ерда ҳозир бўлганларнинг диққатини ўзига тортиб
турадиган қандайдир ғалати бир нарса бўлганлигини
бенхтиёр аংглаб олди. Укасининг жуда қийин аҳволда
қолганини кўрган Пётр, нарироқдан туриб унга аллани-
малар ишора қилас, қошлигини чимирап ва бирдан
афтини буриштириб, ниманидир тушуниришга уриниб,
бармоғи билан алланимани кўрсатарди-ю, лекин ҳеч
німа ёрдам қилмасди. Николай акасининг имо-ишора-
ларидан ва шу ердаги меҳмонларнинг янада даҳшатли-
роқ кўз қарашларидан, шляпасининг ичига кеча дўкони-
дан шам ўраб келтирилган қофоз қўйилганини, шими
орқасида чилвар билап тортиб қўйилганини ва ҳока-
золарни англади. Николай баайин тошдек қотиб қолди.
У ўзини бир амаллаб эплаб олса ҳам, аммо аслда бун-
дан ҳеч німа чиқмади ёки чиқса ҳам бу ҳаракати тен-
такликдан бўлак нарса эмасди: у одамлар билан гапла-
шиб ҳам кўрди, танца тушиб ҳам кўрди, бироқ, бу
уринишларнинг биринчи натижасиёқ шу бўлдики, стул-
ларни ағдар-тўйттар қилиб ташлади, хонимларнинг этак-
ларини оёғи билан босиб йиртди; бошқалар билан
гаплашиши шундай натижа билан тугадики, ё у ножӯя
бир сўз айтиб қўяр, ё унга сира жавоб қайтаришмасди.
Николай яна тошдек қотиб қолар, кейин яна бир уриниб
кўрар, чунончи, девордаги бирорта суратини жуда диқ-
қат билан томоша қилас, лекин унда ҳеч нимани кўр-
мас ва ҳеч нимага тушумасди. У бирортасининг айтган
сўзига ёки гапига кулмоқчи ҳам бўлиб кўрди, шу гапини
гапирган одам теваракдаги кишиларга, худди мана шу

масала жуда қизиқ бўлди, худди ана шу воқиа жуда кулгили бўлди, деб қўяр эди. Лекин, Николайнинг бу кулини ҳам ножўя чиқарди; у ҳеч ўринсиз кулиб юборар ва бошқалар буничиғ сабабига тушунмай, бир-бирла-рига қараб қўйишардӣ, Николай эса, бундан хижолат тортар, ўзини алланимадан чўчиб кетгандай ҳис қилас-ди. Кеча охирига бориб Николай эшик олдидаги стулга келиб ўтириди-да, жуда қариб қолган бир кампир билан гаплаша бошлади; уларнинг бу гапи фақат қарияларга тааллуқли нарсалар теварагида айланди, натижада — Николай ҳатто уялганидан қизариб ҳам кетди, аммо шу билан бирга, у гапни тўхтатиб ҳам қўя олмасди, у бу ерда кампирдан бўлак ҳеч кимнинг гапига яхши тушуна олмасди. У бутун кеча давомида, бошқалар ўзига эъти-бор бериб қарашлари учун, уларнинг гапларини ҳа, ҳа деб маъқуллаб турди. Ҳатто кампир билан гаплашаёт-ганида ҳам Николайда шу истак пайдо бўлиб қолди,— натижада, кампирда ҳақиқатан унинг ҳақида яхши фикр пайдо бўлибди. Бироқ, шунга қарамай Николай уйга жуда ҳафсаласи пир ҳолича қайтиб келди. Хуллас, бу кечада бошидан кечирган муваффақиятсизликлар Николайни хафа қилиб, камситиб қўйди. Николайнинг акаси билан опаси, уни эпақага келтирамиз деб қилган ҳаракатлари бенатижা қолиб кетганини кўрганларидан кейин, дарҳол унга иисбатан ўз муомалаларини ўзgart-дилар. Уларнинг Николайга бўлган муносабатлари — совуқ ва менсимасликдан иборат эди. Пётр укасига жуда бепарво оҳангда узундан-узоқ гапириб, азбаройи унинг одам бўлиб чиқиши учун ўзининг ғамхўрлиги ва қилған ҳаракатларини эслатиб ўтди, гап орасида бир неча марта «Мен ҳеч ниёма аямадим», «қўлимдан кел-ганинг барини қилдим...», «мен фидокорлик қилдим...» деган гапларни, ҳоказо ва ҳоказоларни айтиб, бундан буён унга ҳеч қандай ғамхўрлик қилмаслигини эслатиб: «Билганингни қилавер, кўрдим, биз энди ҳамроҳ эмас эканмиз» деди. Опаси Ольга эса, негадир Николай уни ёмон ҳақорат қилгандай, ҳўмрайиб, қовогини солиб юрди. Ҳатто Фёдор Никитич ҳам, Пётрнинг укаси билан совуқ гаплашганини, «мен қўлимдан келганинг барини қилдим» деган ва ҳоказо гапларини, болалари орасига совуқлик тушиб қолганини пайқагач, Николайнинг жи-ловини тортиб қўйинши зарур топди. У Николайга тўп-па-тўгри бундай деди:

— Менга қара, Николай, сен у ерда нима қилиб қўйдинг ўзинг-а?.. Йўқ, оғайни, бунақа ишларингни йиғишириб қўй... Ойинг бу ҳақда гапириб эди-а... Буни ташлаш керак... Мумкини ахир!.. Қийин, албатта... Нимасини ҳам айтасан... Урганилмаган иш... Аммо чидаш керак...

— Ҳаммасини кўнгилдагидек қилдиму,— деди Николай маъюслик билан,— аммо!..

Ана шу „*аммо*“ деган сўз тагида стулларнинг ағдарилиб қолиши, этакларнинг йиртилиб кетиши, ўринсиз кулги, кампир билан иноқлашиш, ҳоказо ва ҳоказолар яшириниб ётарди. Мана шу хилдаги „*аммо*“лар, бутун оиланинг мана шу хилдаги мулоҳазалари аста-секин шу нарсани тайёрладики, Коля ҳам, худди Пётрдек, юқори қаватдагиларнинг турмушига ўхшаган турмуш зарурлигини ич-ичидан англаб олди. Коля ўзининг бутун куч-ғайратини шу турмушни ўрганишдек қийин бир ишга бағишлайдиган бўлди. Колянинг куч-ғайрати гўё фойдали бир ишга сарф қилингандай, қунт ва матонат билан сарф қилинди,— ҳолбуки бу бемаъни ва ёмон иш эди. Колянинг вазифаси — ўзини пардозламоқ, ташқи томондан одамларнинг кўзига кўркам кўринмоқдан иборат эди, бунинг учун эса унга қандай юриш, ўзини бошқалар олдида қандай тутиш кераклигини ўрганишга тўғри келди. У ўз гапидаги қалтисликларни тузатиши, шу йўсунда гапиришга ўрганимоги керак эдик, ўша гапи бир неча соатга чўзилса ҳам, анча қизиқ ҳам бўлиши, айни замонда ундан бирор маъно ҳам чиқмаслиги зарур эди. Бунинг учун Коля жойига қараб, қанақа гаплашиш усуулларини, чунончи: «об-ҳаво», «одоб» тўғрисида — овқат вақтида, чой ичганда, эрталаб, туш пайтида эса нималар тўғрисида гаплашиш кераклигини хуноб бўлиб китобдан ўрганиши зарур эди. У ҳар хил бемаза латифаларни миясида сақлар, чунки энг хунук ва одобсиз латифаларга одамлар ва айниқса хотин-қизлар эътибор бериб қарашларини у биларди. У кўпроқ: «Хо, мен сизнинг фикрингизга мутлақо қўшиламан», ёки: «Худди шундай, худди шундай... ажойиб, гўзал... нақадар кеңг фикр» каби ҳоказо ва ҳоказо гапларни ишларатарди. Коля, худди шунақа гапларни ишлатадиган баъзи киниларнинг юқори қаватдаги уйда, баъзан амалий ишларни бемалол уddyalай олганларини кўрарлп.

Акаси билан опаси Колянинг ўз айбига иқрор бўлиб

ўлар олдига келганини кўришлари биланоқ, унинг маълумотини ошириш учун дарҳол яна амалий чоралар кўришди. Шу пайтдан бошлаб Бабковлар уйида аввалгида кўра тартибсизлик юз марта ошиб кетди: бу ерда юрганда қандай қадам босиш, одамлар билан қанақа гаплашиш тўғрисида дарслар давом этар, ҳар хил маслаҳатлар, насиҳатлар юз марта такрорланарди, хуллас театр пардаси кўтарилиши олдидан саҳна орқасида бўладиган шов-шув, ёмон тўполон кўтарилади. Фёдор Никитич бу ерда асло кўринимасди; аҳён-аҳёнда, болаларим нима қилишяпти, деб назар солганда эса: «Мабодо буларниң қилиғини биздек оддий кишига томоша қилдирсанг борми,— булар тоза ақлдан озишибди, деган бўларди... Худо ҳақи...» деб ўйларди.

Аммо шу гапидан кейиндоқ Фёдор Никитич салгина уҳ тортиб, ўйларди: «Шунаقا бўлиши керак-да... Албатта, нима ҳам дейсан... бундай қараганда-ку, бунинг бари енгилтаклиқдек кўринади... демак, керак экан-да, демак, иш бериб қолар эканда, нима ҳам қиласардик!..» Фёдор Никитич шундай ўйлар экан, бемаъни бўлса ҳам зарур бўлган бу ишга индамай қараб турар, маълумотли ўғли Пётр, Николайнинг бесўнақай оёқлари устида қандай ғам еганини, танца қилиш чоғида ӯзини қандай тутиш ҳақида бақириб-чақириб кенгашлар берганини кўрарди. Бу иш Бабковларниң кичкинагина залида давом этарди. Пётр кичик залда туриб, қарсак урганича:

— Қани, жаноблар...— дерди,— бўлинглар, бўлинглар!.. Оля! Ойначангизни қўйсангиз-чи... Николай! Худо ҳақи! Менинг дастрўмолимни ол... Бармоқларниңни артиб қўй,— сенга ҳайронман-да, шу дамгача назокат нима эканлигини билмайсан-а... Бошладик... Хўш, дарров бўлинглар... Дама ўрнига мен мана шу стулни оламан. Бўлдингларми? Бошлаймиз... Тра-ра-ра... Бу ёққа, бу ёққа дейман сенга, Николай, чапроққа, худо ҳақи... Тўхта!!! Мен сенга қаёққа дедим? Мен сенга, қаёққа деяпман? Нима, ё кўр бўлиб қолдингми? (Сукунат ва айни пайтда савол бергандай ўқрайниб қараш.) Қайтадан бошлаймиз! Тра-та-та... Шунаقا, шунаقا, шунаقا... Ҳой, қаёққа?! Деворда нима қилмоқчисан?.. Оля! Ўшанинг енгидан бир тортиб қўй! Нега бошингни эгасан? Сувга шўнғиётганинг йўқ-ку!.. Бир минут жим туринглар: бошии ундаи эмас, мана бундай тутиш керак...

Бу нима қилганинг яна? Дадил ва эркин тутавер... Аша шундай... Уддалай олар экансан ку.. Йўқ, бу тугма тўмтоқлигингдан... Қани, бошла!.. Тра-ра-ра,— ҳоказо ва ҳоказо.

Хуллас, мушкул ва мураккаб билим батамом эгаллаб олинди. Яна бунинг устига Пётрнинг лагашибордорлиги ва малайлигидан икки марта ошириб юборилган малайгарчиликни ҳам қўшиб қўйилса бўлади. Бинобарин, танишлари Пётрга:

— Колянгизни қаранг-а... Пётр Фёдорович, у энди сиздан ошириб юборяпти... Худо ҳақи. Унга балли деса бўлади,— дейишадиган бўлиб қолишиди.

Николай тобора камол топаверди.

Крюкова хонимнинг аввал катта қизи, кейинроқ эса кичик қизининг тўйида Николай ўзини тутишда ҳам, бошқалар билан гаплашишда ҳам, оқсуякларнинг урф-одатларини билиб олишда, ҳоказо ва ҳоказоларда пешқадам экалигини аъло даражада кўрсата олди. Аммо шу воқиадан кейин аҳвол бирданига ўзгариб қолди: қизлари эрга текканларидан кейин Крюкова хонимнинг залларида танцалар ҳам бўлмай, меҳмонлар ҳам келишмай, вақтчорликлар ҳам бўлмай, ҳамма жой ҳувиллаб қолди; қизлар эрлари билан қаёққадир кетишиди, зинапоядан энди ясанган кавалерлар ва хонимлар эмас, йўталиб оҳ-воҳ қилаётган сифинди аёллар, дайдилар юқори чиқишиади; хушбўй ноз-неъматлар ўрнига, уйда қўзиқорин шўрва, шиёз ҳиди аиқиб турарди ва умуман, илгари эртадан кечгача ашула, музика овозлари янграб турган бу уй ҳувиллаб, кўзга хира кўрина-диган бўлиб қолди.. Бабковлар оиласидан энди юқори қаватдаги уйга фақат Фёдор Никитич қатнаб турарди. Бабковларнинг ёш авлоди энди, худди қисқичбақадек қуруққа чиқиб қолди. Бундан ташқари, яна шу ҳам бор эдикн, уларниг ўз уйларида ўтириб гапирадиган гаплари ҳам қолмаган эди, Крюковалардан бўлак ҳеч ким уларга муҳтоҷ эмаслигини англаб олдилар. Юқори донрадаги эски танишлари улар билан истар-истамас салом-алик қилишар, истар-истамас: «бизникига ҳам боринглар» деб қўйишар ва шу билан муносабатлар чекланиб қоларди. Ёш Бабковлар аста-секин ўзларининг «аҳмоқ бўлиб қолган»ликларини пайқаб, негадир бир-бирларини менсимай қўйишиди, натижада, уларниг бир-бирларига адоватлари яна ҳам кучайди. Уларниг

ҳаётда қиладиган ҳеч ишлари йўқ эди, қийин, машақ-қатли турмушдан бирор нарса олиш учун, эвазига қайтариб берадиган уларнинг ҳеч нималари йўқ эди; улар шундай тарбия қилинган әдиларки, фақат тайёрга айёр бўлишга одатланган әдилар. Лекин бу тайёр нарса энди уларга насиб бўлмасди; уларнинг бу машаққатли йўлдан боришга юраклари бетламаганидан, содда одамларнинг оқ қўнгиллилигига умид боғлашга тўғри келарди; узларининг «ошиқчароқ» талаб-эҳтиёжларини қондириш учун тўппа-тўғри бировларнинг чўнтағига қўл солмасалар ҳам, ҳар ҳолда текинхўрлик қилишга, яъни бошқалар ҳисобига яшашга, бунинг учун йўлини топишга тўғри келарди. Николай бунинг йўлини қидирар экан, кунларининг бирида, N. шаҳридаги Зелёная кўчасида яшаган Зайкин деган савдогарнинг бева хотини борлигини, ўша хотинга қонуний йўл билан уйланишга бир оз умид борлигини, эри ўлиши олдидан унга бир оз мерос қолдирганини билиб қолди; Зайкиннинг хотини, эпди дунёда туриб нима қиласай, раҳматли эримдан бўлак нимани ўйлардим, бева қолганимдан кейин, қўрқадиган кишим ҳам йўқ, турмушим турмуш эмас, жуда диққатим ошиб жетди, дермиш. Николай гап нимада эканлигини пайқаб олгач, энг яхши галстугини боғлаб олди, этигини астойдил ярқиратди, кифтини тўғри кўтариб, малла ранг сочини ҳурпайтириб, шляпасини қинғир кийиб олди-да, икки қўлини пальто чўнтағига тиқиб, йулга отланди. Лекин у кучанинг иари ёғидаги торгина йўлкадан, Зайкина уйининг дераза рӯпарасидан акаси Пётр шошилмай ўтиб бораётганини кўриб жуда ҳайрон бўлди. Пётрининг ҳам шляпаси худди шундай қинғир кийилган, малла ранг мўйлови камон ўқидаи диккайган, қўллари ҳам пальто чўнтағига тиқилган, кифтлари ҳам юқори кўтарилган эди. Жуда секин кетаётниб, у Зайкиннанинг гуллар териб қўйилган деразасидан кўзини узмасди; аҳён-аҳёнда у, бир оёғи билан орқага қадам ташлаб, ойналарига офтоб тушгац деразаларга кўз солар, хонадан ўтиб кетаётган ўша Зайкина эмасмикин деб, дам у биқининга, дам бу биқининга эгилиб қарап, қараб бўлгач, астагина юриб борар ва муҳолишга етгандан кейин шартта қайрилиб, қайтиб келарди.

Пётр укаси Николаїга дуч келганидан кейин, чўчиб:

— Нима қилиб юрибсан бу ерда? — деб сўради.
— Узим...

- Нима деганинг бу?
- Ўзим, шупақа, сайр қиляшман...
- Шу ерда юрмоқчимисан?
- Шу ерда ҳам, умуман, истаган жойимда юравераман-да...
- Сен, акаси, бу ердан жўнай қол...
- Нега энди? Гапинг қизиқ-ку...
- Ҳеч қизиқ эмас... Ўзим айтяпман-да... Бу ерда пима учун юраётганингни мени тушунияпман, бўлмаса айтиб қўя қолай, беҳуда овора бўласан...
- Нима гап ўзи?
- Гап ана шу... Бу ерда энди қиладиган иш қилиниб қўйилибди...
- Қилинса-қилинаверсни, менга пима?
- Келган изингдан кетавер... Мени ҳам бемалол ўзимга қўявер. Гўё ҳеч бошқа жой йўқдек! Ана Дворянская кўчасида Оглашенова бор-ку, у ҳам бева аёл, Трубина бор, Плешавинанинг қизлари бор, кам дейсанми... Ўша ёққа боравер, ишқилиб, мени ўзимга қўй, азбаройи шифо.
- Илтифот эт, нима деганинг...
- Ўзим бошладимми ўзим тугатаман-да, иш юришиб кетди ўзи... Бу ердан жўнайвер, худо ҳаққи.
- Хўш, нега мен жўнар эканман.
- Пётр индамай, укасига бир оз қараб турди-да, кейин:
- Сенга айтяпман, кетасанми, йуқми?— деб бақирди.
- Мен шу ерда сайр қилавераман, сенинг бунга пима дахлинг бор?— деди Николай.
- Борди-ю, мен сендан буни илтимос қилсан-чи?..
- Мен сенга халақит бераётганим йўқ-ку... Сен айланниб юрар экансан, мен ҳам юравераман-да...
- Бўлмаса, айтиб қўя қолай: абраҳ экансан...
- Ўзинг абраҳсан...
- Пётр, пошилари билан шартта айланди-да, муюлишга қараб кетди.
- Муюлишдан у бошини чиқариб ва муштиши кўрсатиб:
- Шу билан тугайди дейсанми? Мен ҳам сенга кўрсатиб қўяман... Ҳали бошқа жойда бошқача гаплашамиз...—деб қичқирди.
- Майли!—деб жавоб қайтарди Николай; энди у замини маҳкамлигини сезади. У шу қиёфадаёқ, шу йўсундаёқ Зайкина деразалари олдида айланниб юраверди; дераза пардаси тебраниб, юқори кутарилди-да, деради

зада бир аёл жиши кўриниб қолди. Николай, савдогар хотинининг афт-ангорига тикилиб, боягидаи ҳам секинроқ юриб кела бошлади ва ниҳоят, қўли билан имо қилди.

— Афандим!— деди орқасидан туриб бирор ва йўталиб қўйди. Николай айланиб қараса, орқасида, мўйловини мойлаган, бетига упа суртган бир офицер турибди.

— Хўш, буюрсинглар...— деди Николай.

— Анчадан буён кўриб турибманки,— деди офицер,— сиз бу ерда бирор манфаат топаман деб умид қилсангиз керак. Овора бўлмай қўя қолинг...

— Қанақасига?

— Шунақасига-да... Бу ерда энди иш битган, сиз фақат халақит берасиз, холос. Бинобарин, сиздан қаттиқ илтимос киламанки, бу ердан жўнасангиз.

— Омон бўлинг-а! Борди-ю, мен бу ерда юришниxoхласам-чи, ким менга йўқ деркин?..

— Қим бўларди? Мен-да!..

— Ҷунончи, қандай қилиб?

— Қандай қилиб дейсизми? Шу ҳозироқ мен сизни миршаблар билан бу ердан жўнатаман-да.. Қани кета қолинг... Дворянская қўчада сизга жой камлик қилибдими: Оглашенова, Плешавиналар, Трубиналар бор ахир... Ушаларникига бораверинг-да...:

— Лекин сиз бунчалик шовқни солманг...— чекина-стиб, ранжигансимон деди Николай.

— Бу ерда гап сотиб туришининг фойдасиз... Агар истасангиз, бошқа бир жойда учрашиб гаплашмоғимиз мумкин, аммо бу ердан шу ондаёқ йўқолишинингизни тавсия қиласман. Эшитяпсанзми?

Николай, рўпарадан бостириб келаётган офицерга чап бериш ииятида муюлишга қайрилиб:

— Жии ургурни қара-ю,— деб пичирлади.

Офицер ҳам, ўзи ишгол қилган йўлига дадил қадам ташлаб:

— Ана шунаقا, сизга оқ йўл!— деб қолди.

Николай муюлишга қайрилиши билан, у ерда худди ўзидек олифта, худди ўзидек қадди-қомати келишган йигитларга дуч келди. Бу йигитлар ҳам сурбетлинида донги кетган ўша ваҳимали офицердан чўчиб мулоқот жойидаи қайтиб келишган эди; улар ҳам худди ўша Зайкинининг дийдорини кўриш ииятида у ерга боришган экан-у, энди эса ўйга ботиб: баъзилари йўлкадан,

баъзилари кўчанинг ўртасидан юриб боришарди; бундай қараганда, уларнинг ҳар қаисиси ҳар томонга кетаётгандай кўринарди; аммо Дворянская кўчасининг муюлишида улар яна учрашиб қолишли; натижада, бу йигитлар ўртасида қуийдаги гап-ҳангомалар бўлиб ўтди: «Мабодо истаганингиз Оглашенова бўлса, айтиб қўйяки, бекор овора бўляпсиз», ёки: «Огоҳлангириб қўяманки, Плешавинларни кига мендан бўлак ҳеч ким бора олмайди... Нима қиласиз, бошқа иложингиз йўқ, бинобарин, сиз учун Горшков кўчасида — Резанова ўйи рўпарасида айланиб юриш барibir эмасми?» ёки: «Сиз анави уйга кирмоқчисиз шекилли... овора бўлмай қўя қолинг,— улар қишлоққа жўнашибди», ҳоказо ва ҳоказо.

Николай Дворян кўчаси муюлишига етиб олгандан кейин, Оглашенова уйининг деразаси олдида акаси Пётрнинг оҳиста кезиб юрганини кўриб қолди. Шу билан бирга, Николай олисадан туриб, шундай бир воқианинг ҳам гувоҳи бўлди: Пётрнинг ёнига бир олифта йигит келиб, таъзим билан бошидан шляпасини олдида, гаплаша бошлади, бироқ одоб билан бошланган бу гап муштларнинг юқори кўтарилиши билан тугади... Николай бутун бу воқиани кўриб турди-ю, аммо ёқалашувчилар ёнига келмай, бунинг ўрнига шу ондаёқ уйинга қайтиб, кечки овқатни Пётрдан олдин еб олишни афзалроқ кўрди.

Овқатни олдин еб олиши натижасида, кечқурун Пётр уйга қайтиб келганидан кейин, иккала оқсуягимиз ўртасида шундай гап бўлиб ўтди:

— Сен ҳамма карам шўрвани . шимириб . қўйдипгми?— дейди Пётр, қўлида бўш кўвани тутганича, одеялга боши билан ўраниб ётган Николай ёнига келиб.

Жимлик.

— Мен сендан сўрайпмай, карам шўрвани сен шимирдингми?

— Нимага бунча бақирасан?— овози борича қичқиради Николай, кўрпадан бошини чиқариб.

— Сен шимирдингми карам шўрвани деялман?

— Жин урсин ўзингни ҳам, карам шўрвани ҳам.

— Ўтакетган ҳайвон экансан сен, оғайнини...

— Ўзинг ҳайвоисан.

— Мужик!

— Малай!..

— Гапир, гапир, йигитча... Мен сенга кўрсатиб қўяй-чи...

Ҳоказо ва ҳоказо.

Шундай қилиб, ёш Бабковларнинг ҳаммаси абадий саргардонликка маҳкум эдилар. Оля, орадан ярим йил ўтгач, аллакиминикига жўра бўлиб кирди: хўжайнлари у билан магазинларга боришар, сотиб олинган буюмларини ушлаб юргани унга беришар, юрак сирларини унга айтишарди, чунки у бу ишларда мутахассис бўлганидан, энг оқилона маслаҳатлар бера оларди.

— Олењка, худо хайр берсин, айтинг: Аркадийга жавоб қайтарсаммикин, йўқмикин...

— У сизга ёзганимиди ўзи?

— Учта хат ёзди.

— Бўлмаса жавоб ёзиш!

— Рост айтасизми?

— Жавоб қайтаринг... Албатта... Лекин лўйда қилинг: бор-йўғи икки-учта сўз, холос... Қайтага, агар сиз унга: «Сиз мендан нима истайсиз? Мен сизга тушумай қолдим...» деб ёсангиз дурустроқ бўлур.

— Ростдан-а?

— Бунга амин бўлинг... Фақат шундай қилингки, гўё сиз унинг орзу-истакларини тушумагандай кўришинг...

— Ҳа-ҳа-ҳа. Албатта шундай қиласман... Раҳмат, жоним... — ва ҳоказо.

Бироқ тўсатдан шу нарса маълум бўлиб қолдики, ўша Аркадий деганимиз Олянииг ўзи билан ҳам хат ёзишар, Оляга гумонсираб қарашмасин учунгина, бошقا бир қизга ҳам алангали хатлар ёзар экан. Бу қиз эса, гап нимада эканини билгач, йиртқич ҳайвондек жаҳли чиқибди, орада жанжал кўтарилибди, патижада, Оляни уйдан ҳайдашнибди. Оля қам янги ёр-дўст топиб олгунигача, ишқ-муҳаббат ишларида тажрибасиз, демак, ҳадиксираброқ бирор жувоннинг ошуғи билан танишиб, у билан тиллашиш имкониятига эга бўлгунича ўз уйида бир ачаллаб кунларини ўтказади; бу соҳада бирмунча муваффақият қозониши биланок, у яна янги ошиналарининг дусти ва жураси бўлиб қолади ва ҳоказо. Пётр кейнинг чоғларда қўйи табақалар орасига, ўзи билан бир маҳкамада ишлайдиган амалдорлар доирасига аралашадиган бўлди, орадан кўп ўтмай, архив бўлими мудирининг қизига уйланди, қайнатасининг узоқ йиллар

қийналиб сепга жамғарган бир неча юз сўм пулни баҳузур талон-торож қилиш имкониятига эга бўлиб, пировардида бепул қолгач, замонига яраша маълумотли киши бўлишинга қарамай, гоҳо хотинининг сочидан тутиб, унга ҳамла қилишдан ҳам кайтмайдиган бўлиб қолди. Рафиқаси эса, бунга чидамай, кўз ёшларини дув-дув тўкиб йиғлар, ўзини умрбод ҳалок бўлган аёлман деб ҳисобларди. Николай бошпана сиз қолиб кетди. У хизмат соҳасида ҳатто Пётр эришган мартабага ҳам кўтарила олмади. Бинобарин Николайнинг «пешонамда борини кўрар эканман-да» деган хуросага келишдан бўлак иложи қолмади. Мавж ураётган турмуш денгизи уни дам у томонга, дам бу томонга итқитарди; аҳёнда у чидаб бўлмас даражада руҳан азобланар эди, бироқ, унинг ташки бесўнақай кўринишидан бегона одамлар унинг руҳан қийналишини билмасдилар, уларнинг Николайга нисбатан раҳмлари келиши ўрнига, ундан кулгилари келар, ёки дарёдан оқаётган пайрахага қарангандай, унга бепарво қарашарди; у пайраханинг нега сувга тушиб оқаётгани одамларнинг лоақал хаёлларига ҳам келмасди. Бабковга нисбатан ҳам худди шундай бепарво қарашарди.

Николай Бабков қийналар, аммо бошқалар унинг бу ҳолига ачинмас эди. Бинобарин у, ўзига доимий бошпана тополмай, ҳарбийлар ҳаётидан латифалар гапириб, «дўстликми ёки ишқ-муҳаббатми узоқроқ давом қиласди?» деган мавзудаги узундан-узоқ гаплари билан хонимларнинг диққатини ўзига тортиш, ҳоказо ва ҳоказо ишлар билан шуғулланадиган бўлиб қолди. Ҳақиқий ҳаёт ва жиндаккина бўлса ҳам меҳнат деган нарса ундан юз ўғирган эди. Бирор жойда мирза бўлиб ишлаш ҳам унинг қўлидан келмас, чунки у гирт саводсиз эди; бинобарин унга худди ўзицек маънавий жиҳатдан майниб, худди ўзицек орзу-истаклари барбод бўлган кишиларга жўра бўлишдан бошика йўл қолмади. Ҳозирги замонда бундай воқиалар — бундай кишилар жуда камдан-кам қолган бўлса ҳам, лекин ҳар ҳолда онда-сонда учраб ҳам қолади.

Олдиндан кўрилмаган ҳодисалар натижасида камбагаллашиб қолган уеззлик танишларимиз орасида шундай алоҳида бир тоифа борки, уларни санқиб

юрувчилар деб атаса ҳам бўлади. Улар қадимгича яшашни исташлари билан бирга, айни пайтда, ҳозирги турмушдан орқада қолишини ҳам истамайдилар. Уларнинг биринчи истакларига эришишлари мумкин эмас, чунки бунга учинчи бир сабаб, чунончи: уларнинг қонларига сингиб кетган танбаллиги, кайф-сафога ўчлиги ва дунёдан мутлақо бехабарлиги тўсқишлик қилиб турибди. Иккинчи истакларига эришишлари ҳам шунинг учун мумкин эмаски, юқорида мазкур биринчи ва учинчи тўсиқлар ғов бўлиб туради. Бу тоифага мансуб кишилар дам у муҳитнинг, дам бу муҳитнинг таъсирига берилмоқдалар. Бу таъсиrlар жуда тез ўзгариб туради; бунинг натижасида, санқиб юрувчилар ўзларига икки ёқлама зиён етказадилар: астойдил ишга киришай деса, ҳамма нарсага бефарқ қараши, «бўлса бўлар, бўлмаса — ғовлаб кетар» дейиши халал беради шундай қилиб, улар ишга ҳам киришмайди; ишга қўйилсан сийлаб ҳам қўя қолмайди. На униси, на буниси амалга ошади. Шу сабабли, санқиб юрувчилар доимо ва мутасил бекор юрадилар, демак, шахсан ўзларига зиён етказадилар; яна бунинг устига шу нарсани ҳам қўшиш қўйиш керакки, улар ўзларини ҳар соат-минутда маънавий жиҳатдан бўш сезиб, ичлари пишиб, диққатлари ошиб юрадилар. Бу жанобларнинг ҳаётида на охирги пулларига бир базм қилиш, на амалий иш бор; бунин ўрнига қандайдир тундлик, ҳар қандай азоб-уқубат ҳукм сурмоқда. Крюкованинг қандайдир бир қариндоши, ёш помешчик Клубницин ана шунаقا санқиб юрув чилардан бири эди. У бир маҳал бувисиникида кечки ўтиришда кўришган Бабковни кўчада кўриб қолди.

— Бу ерда нима қилиб турибсиз?— деб сўради у

— Зерикиб турибман, оғайни,— деди Бабков бепарвогина.

— Бўлмаса юринг, қишлоққа олиб борай сизни!..

— Қишлоққа дейсизми, чунончи қаерга?

— Мана шу яқингина жойда, Сосновкага... Хўш борамизми?..

— Борсак, бораверамиз-да... Мен қарши эмасман...

Шундан кейин икки оғайни меҳмонхонага кириб, овқатланиб оладилар, кейин Клубницин бепарволик билан: «Қани, юринг» дегач, иккаласи ҳам зинапояга чиқадилар.

— Иван! — деб чақирди Клубницин.

Шу ондаёқ зинапоя олдига уч от қўшилган фойтун етиб келади. Фойтунга қўшилган отлар жуда ориқ, ёлларига тақилган тасмаларнинг ранги ўчиб кетган, кучер эса товус пати қадалган шляпасини пешонасига бостириб кийган бўлишига қарамай, унинг ҳафсаласи пир эканлигини пайқамай қолиш мумкин эмас эди. Жўралар тушган кичикроқ фойтун дабдаласи чиқиб кетган, жуда эски эди. Рессорлардан биттаси чилвир билан боғлаб қўйилган; фойтун ичидаги аллақандай бурاما михлар, айшиқса фойтун тош кўчадан ўтаётганида жуда дирилларди; бурاما михларнинг дириллаши, фойтуннинг докционусдан қолган бўлиши, кучернинг устига кийган кийимининг увадалиги Клубнициннинг башарасида қора булутдай акс этар, уни аллақандай чукур ўйга ботиради. Далага чиққанларидан кейин Клубницин сал тинчиб қолади ва «фойтунни тузаттириш, кучернинг ҳам уст-бошини яхшилаш керак» деб эндиGINA ўзига сўз берганини эсидан чиқариб юборади. Бабков эса, йўл-йўлакай индамай, хаёл суриб боришдан фойдаланиб, Клубнициннинг мени олиб кетиши, айни фойда эканини изҳор қилишим керак, деган ният билан, бирданига жонланиб, ҳамроҳига битмас-туғанмас аnekdotларидан гапира бошлади. Шу жумладан у ҳали яқнидагина аллақандай шўх йигитларнинг бир актрисага қаратиб чумчуқлар учириб юборганликлари, шу муносабат билан икки орада чиққан жанжални гапириб берди. Бошда Клубницин бу гапларни илжайиброқ тинглаб борди, чунки Клубнициннинг диққатини қоп-қора чўзилиб ётган далалар, йўлда дуч келган мировой посредникка¹ салом бермай ўтиб кетган деҳқон ва ҳоказолар ўзларига тортган эди. Мана бўларнинг ҳаммасида Клубницин шундай даҳшатли бир савол аломати кўрардиди, бунга бирор жавоб боришдан у мутлақо ожиз эди. Аммо кейинчалик Бабковнинг боргап сари қизиқ воқиа ва манзараларни тасвирлаган гаплари Клубнициннинг марави далалардан, деҳқонлардан, амалдорлардан олгани хунук таъсирини аста-секии йўқота бошлади, натижада Клубницин

¹ Деҳқонлар крепостник қарамдан озод қилилгандан кейин деҳқонлар билан номенчиклар ўртасида чиққан жанжалларни ҳал қилувчи амалдор. (*Ред.*)

ҳам ҳамроҳи гапириб берган кўнгилли шўх гаплар таъсирига берилиб қолди. У бундай хуашақчақ ошинасини ўзи билан олиб кетганига мамнун бўлди: қишлоқда бу билан зерикмайман, майли, вайсайверсин, деб ўйлади. У бутун ташвиш-ғалваларни унудиб туриш имконияти юз беришига хурсанд эди. Клубницишинг бу яширин истагини ёлғиз бир нарса билангина, яъни рўй берган хилма-хил муваффақиятсизликлар устида бош қотиришга ўрганмаганлиги ҳамда жиндаккина бўлса ҳам унда характеристикинг йўқлиги билангина изоҳлаш мумкин эди.

Мана, жўралар Клубницишининг қўрғонига етиб келдилар, шу ондаёқ, қишлоқ ҳаётида ҳукм суроётган дардисар манзаралар ҳар қадамда юз бериб қолди. Аллақачонлар серсавлат ва ҳашаматли бу қўрғонча вайронгарчилик даврини кечирмоқда эди: дарвозанинг ғиштин устунларига қўйилган тош курраларни аллаким олиб ташлаган, бу курралар ўрнида темир-терсаклар диккайиб турар, бутун қўрани ва йўлкаларни, гулзорларни ёввойи ўтлар босиб кетган, зинапоя олдида ҳали яқиндагина аввалги зеб-зийнатдан далолат бериб турган гулпушта йўқолиб, унинг ўрнини сув ташийдиган, шотиси чилвир билан боғланган арава ишғол қилган эди. Уйнинг ўзи ҳам эскириб кетган эди; бу уй, бир замонлар умрими кайф-сафо билан ўтказиб, энди эса қариб, *бирдан*, оғир, вазмии бўлиб қолган кишини эслатарди. Деразаларда на парда, на гуллар бор, болохона устига қадаб қўйилган таёққа байроқ ўрнига қандайдир чилвир осилиб турарди; уй деворларининг шувоги кўчиб, ғиштлари кўришиб турар, колонналарнинг ҳам расвоси чиқиб кетган,— бу манзараларнинг барси, кишида бутун ҳаётнинг сўлганидан дарак берадиган оғир тъсир қолдиради. Боғ бутунлай қаровсиз қолиб кетган эди. Ариқчаларнинг баъзи жойларига, аслда кўркам бир манзара яратиш учун қурилган кўприччаларнинг панжаралари кўчиб, ёғоч, тахталари чириб кетган эди. Боғдан рўпарадаги тепаликка чиқадиган жойдаги ҳали яқингинада гўзал парк ўрнида қуруқ тўнгаклар диккайиб турар, юз йиллик катта дарахтлар ўрнини расвоси чиқиб кетган деҳқон кулбалари ишғол қилганди. Клубницин, мана шу деҳқон вайронгарчилиги, яъни: кулбаларнинг ўйнилиб-тешнилиб кетган томлари, кинифри-қийшиқ деворлари, ҳоказо ва ҳоказолар кўздан йўқол-

магунча, чўитаги бўш бўлаверишини сал-пал тушунарли. Шу билан бирга, у ўзчининг шу феъли-автори билан, дэҳқон кулбалари томидаги очиқ-тешик жойларни, тобора қийшайиб кетаётган деворларни ўзи зиён тортмасдан тузата олмаслигини ҳам тушунарди. У паркдаги дараҳтлар, теварак-атрофдаги манзарани очиш учун кесилди, деб ўзини ҳам, бошқаларни ҳам ишонтиришга уринарди-ю, аммо шу билан бирга, бутуслай бошқа ташки нарсалар сабаб бўлганини, чунончи, деярли ҳеч қаёққа чиқмай, Клубницинларнинг бельведеридаги¹ истиқомат қилиб ётадиган мешчан Кузьма Прокофьевични боқишига мажбур қилаётган иқтисодий қийинчиликлар сабаб бўлганини биларди. Кузьма Прокофьевич — жуда уддабурро одам: у хўжайин (Клубниции)нинг ҳозирги қийини бир даврда нима қилмоқ кераклигини сира фаҳмламаётганини жуда яхши тушунади, бинобарин у ўзим Клубнициинга бу ишда ёрдам бериним маъқулроқ деб ҳисоблади, унга пул ҳотиб беради, буюмларни гаровга қўяди, Клубнициининг яйлов-ничаизорларини аста-секин сотиб олади, ҳоказо на ҳоказо ишлар қиласди. Кузьма Прокофьевич бу ишларнинг баридан жуда катта фойда қиласди, ёки бошқача лйтганди — Клубнициини талайди, лекин талаганда ҳам шундай назокат билан, шундай усталик билан талайдики, Клубниции унинг ўрнига бошқа бирорни дўст тутишини мутлақо тасаввур ҳам қилолмайди. Кузьма Прокофьевич бутун ишни аста-секин, шов-шувсиз тўғрилайди, хуллас теварак-атрофда Клубнициининг обрў-эътиборига путур етказмай, унга нақд пул келтириб беради, бу пулар шундай осонлик билан ҳосил бўладики, Клубниции ўзи бунинг учун на қўлини, на оёгии ва на бармоқларини қимиirlатади. Ҳолбуки, шунлай осоийштиаликда — иш қилиниб бўлгач, пул эса чўйтакка кирган бўлади. Клубниции эса ҳаммадан кўра бунинг қадрига етади; гарчи у асл нархининг йигирмадан бир қисминингина қўлга киритса ҳам, ҳар ҳолда буни афзал кўради. Клубнициининг энг қойил бўлгани шуки, Кузьма Прокофьевич, бу ишларни мунижика эмас, назокат билан, «сезздирмасдан» уddалай отади. Кузьма Прокофьевич шу давргача Клубницинларни «юқори табақага мансуб, машҳур помешчиклар»

¹ Болохопа. (Ред.)

деб ҳурмат қилади. У ҳатто, бу машхур жаноблар ўн тийин пул тополмаслигини ва пулнинг қаочон бўлиши ҳам маълум эмаслигини жуда яхши билгани ҳолда, хонанинг пастки бурчагида чой ичиб ўтирад экан, юзида шукроналик кўрсатиб: «...Мана, масалан, Биковларни олайлик, улар ҳам, сизга ўхшаган донгги кетган жаноблардир» деб эслатиб ўтади. Клубницин бунинг ҳаммасига тушунади-ю, шундай бўлса ҳам, қадимгича яшашига имкон берадиган бу хушомадгўйликнинг қадрига етади. Хуллас, Клубнициннинг ишлари чатоқ эди: рўзгор бутун бузилиб кетган, уйда тамомила бўшлиқ, тобора кучайиб кетган диққатбозлиқ остида ҳар қандай манфаатлар кўкка соврилган эди. Худди мана шу истиқомат жойида Бабков ортиқ бир киши деб ҳис этилмай, бир-биридан норози икки шахс ўртасида учинчи шахс сифатида фойда етказарди; у ўша норозиликнинг янада зўрайиб кетишига имкон бермасдан, хунук тўқнашиш, низо-жанжаллар чиқишини тўсиб турганлиги учун фойдали эди. Клубницинларнинг иккаласи ҳам — яъни эрхотин бир-бирларидан норози эди. Улар иккаласи ҳам жуда ёш, турмушдан доимо турли-туман лаззат олишганига ўрганиб қолган кишилар эди; улар ниҳоятда оғир аҳволда қолиб кетганларидан кейин, ишлар пачава бўлиб кетганлиги ва ўзининг бўшанглиги учун бутун айбни бир-бирлари устига тўнкай бошладилар; эр: «Хотиним оғир пайтларда мени қўллаб-қувватламайди, бошқа бир хотин бўлганида — қўлидан келган ҳамма чораларни кўриб, кучимга-куч, ғайратимга-ғайрат қўшган бўларди» деса, хотин ўз навбатида: «Ҳаммасига эрим айбдор, чунки у мен заифага ҳеч эътибор бериб қарамайди, менинг ёнимни олмайди, менга деса бутун йўқолиб кетмайсанми, деб тураверади, бошқа бир эр бўлганда эди-ку...» дейди у. Бир-бирларига мана шундай муносабат натижасида, эр-хотин доимо қовоқларини солиб, хўмрайиб юришарди. Шундай пайтларда Бабков келиб қоларди-да, гап бошлаб, вақиллайверар, натижада эр-хотин кулиб юборишар ёки оҳ-воҳ қилишарди. Бабковниң баъзан соатлаб, масалан, фоторасмлар альбомини томоша қилиб, шу билан бирга, валақлаб ўтириш қўлидан келарди. Унинг битмас-туганмас гаплари учун мавзулари кўп эди, масалан, расмга тушган кишилнинг бурни, қадди-қомати, кўзлари, афти-ангари ва ҳоказолар. Шу муносабат билан Бабков, бир маҳаллар ўзи эшитган воқиаларни, тўқнашиш,

ёқаллашиш воқиаларини, ҳоказо ва ҳоказоларни гапириб қоларди. Унинг бу вайсаилари натижасида вақт ўтгани сезилмай ҳам қоларди. Клубницина хоним фортепиано чалар, Бабков эса уни осмонларга кўтариб мақтар, бу мақтолар хоним қалбининг бир бурчагида ҳақиқатан жиндаккина жой олганини кўргач, аста-секин унинг кўнглини овлай бошларди. Бабков бу соҳада мудаввафакият қозонишига сира умид боғламас; буни у фақат бошқа бирорларнинг — бу гал эса беканинг кўнглини юпатиш учунгица қилар эди. Бабковнинг Клубницинлар назарида яна бир муҳим аҳамияти шунда эдикни, Клубницинлар ўзлари учун эрмак қилиб, уни ҳоҳлаганиларича камситаверишарди (кекса бўғиннинг ёш намояндадари бўлган бу кишилар ҳам оқсуякларга хос баъзи ғалати одатлар билан бирга, бирорларга менсимай қараш одатига ҳам мубтало эди). Бабков бу менсимасликларга ҳазил билан жавоб қайтарар, натижада ҳангома бошлануб кетар, бир дақиқа бўлса ҳам вақт ва диққатбозлик сезилмай ўтиб кетарди. Клубницинлар Бабковга ўрганиб қолиб, у ҳам ўзининг қизиқ-қизиқ латифаларини икки-уч марта гапириб, мезбоnlарни тоза зериктирганидан кейиниоқ, унга менсимай қараш бошланиб кетди. Клубницинларникига янги бир одам ёки умуман меҳмоилар келиб қолган пайтларда Клубниции (баъзан эса Клубницина хоним ҳам) Бабковни айниқса масхара қиларди. Бундай пайтларда Бабковдан ё тўппа-тўғри хоҳолаб кулишар (агар меҳмои чаққонроқ бўлса), ёки бўлмаса, унга: «Афандим Николай Федорович, билмайсизми, ҳозирги вақтда тарсакининг баҳоси қанча туради?» каби саволлар бериниб, ҳар хил йўллар билан таҳқир қилишарди.. Бабков, бунга қўлїдан келганича, ҳазил-мутойибалар билан жавоб қайтарарди; қорин очлиги натижасида ҳар қандай эркинликдан маҳрум бўлган мана шу турмушда Бабков ўзига хос ҳамма хусусиятларни йўқотиб қўйган эди; у ёлғон гапиришга ҳам, бирорларни алдашга ҳам, майманик қилишга ҳам, хуллас, ўзини ҳайдаб ҳобормасликлари учун, ҳамма ишни қилишга мажбур эди!

Бироқ, кунлар бирин-кетин ўтиб кетаётарди, Бабков худди итдек зериктириб қўйди; эру хотин Клубницинлар Бабковнинг ўз олдида ҳам, орқасида ҳам, бир-бирларига қовоқларини солиб юрганилари юрган эди. Аввалгидек ҳозир ҳам уларнинг кўз олдида увадаси

чийқан, туфланган ва таҳқир қилинган мудҳиш руҳий тушкунлик намоён эди. Бабков ўз хонасида ўтириб ёки ёнбошлаб ётиб тамаки чекишини ва Клубницинлар яшайдиган хоналарга мумкин қадар камроқ тумшуғини суқишини маъқул кўрарди, чунки унинг дастлабки маҳалларда Клубницинларни мафтун қилган хилма-хил гаплари, латифалари тугаб қолди, шу сабабли унга энди бир марта: «Азбаройи худо, қўйсангиз-чи аҳмоқона гапларингизни» деб ҳам айтилди. Бабковнинг ҳам, Клубницинларнинг ҳам диққатпазликдан юраклари арзиқарди; бутун уйда қандайдир мудҳиш хафагарчилик ҳукм сурарди; унинг ҳеч ким турмайдиган юқори қаватида шамол дераза ромларини гирчиллатар, ойналарини зириллатарди; бу ерда қолган-қутган мебелларни чанг босиб ётарди. Пастки қаватда Бабков ва Клубницинлар турадиган хоналарда даҳшатли сукунат, жимлик ҳукм сурарди, бу ерда ҳатто фортепиано чалингани ҳам эшитилмас; гоҳо кўйлакнинг шилдирагани эшитилиб қолар, борди-ю, Клубнициннинг ёки хотинининг айтган бирор гапи қулоққа чалиниб қолса ҳам, гарчи у: «рўмолчам қани?», «сувдан беринг» каби лўндагина сўзлардан иборат бўлишига қарамай, зарда билан айтилар эди. Бу ерда ҳамма нарса жуда қаттиқ тортиб боғланган тугунга ўхшаб, уни ечиб ташлашнинг ҳеч иложи йўқ, уни шартта кесиб ташлаш керак эди, холос.

Клубницин стулдан сапчиб турганича, қўлидаги китобини полга ташлаб:

— Масала ҳал!— деди бениҳоя руҳланиб,— базм қиласиз!

— Бабков, менга қаранг, базм, бал!— деди у Бабковга эшикдан бошини чўзиб ва бирпасда яна ғойиб бўлиб...

— Кузьма Прокофьевич!— деди у ҳовлиққанича бельведерга кириб,— ёрдам қилинг, оғайн! Эрта бизникида — базм... Нима хоҳласангиз — жоним билан!. Сиз Арбузовкадаги пичанзорни беш йилга ижарага беринг деб илтимос қилиб эдингиз. Майли, ола қолниш... Факат, худо ҳақи...

— Жуда соз...

Ўзингиз чорасини кўринг: нималар зарур... Музика, хуллас, ҳаммаси... ҳаммаси энг аъло деганидан — ҳаммасини олинг... жонимга тегди...

— Жуда соз!

Бабков Клубницинни даҳлизда ушлаб олиб:

— Ёр-биродарим — деди,— ижозат бер, бир ўпиб олай сени... Ажойиб иш бўлибди-ку!..

— Дарҳақиқат, нима учун мен ўзимни бунчалик қийнаб қўяман?

— Қани, бир бетингдан ўпиб олай... лўппигина юзларингдан, тушунасанми?

— Қўйсанг-чи... итдек чарчаб қолдим ўзим...

— Нима учун бунаقا қиласан Пьер?— деди хўшчақчақлик билан хотини, ҳаяжонланганини беркитишга уриниб.

— Шунинг учун,— ҳовлиққанича унга жавоб қайтарди Пьер.

Шундан кейини бутун уйда қандайдир жонли ҳаракат, шов-шув бошланиб кетди. Айниқса Бабков шод хуррам эди: хоналарда у вальсга тушар, дам ля-ля-ля деб хиргойи қилар, дам бирдашига тўхтаб, Клубницини қучоқлаб олар, дам уни қўйвориб, дераза олдида турганича, шаҳарга жўнаётган Кузьма Прокофьевични кўриб қолгач, кучининг борича дераза ойнасини тақиллатиб, деразани ланг очиб юборар ва Кузьма Прокофьевичга: «Карталар, бўрлар ва бошқа нарсалар олиш эснингиздан чиқмасин...» деб қичқиради. У дераза олдида кетгач яна Клубницинга ташланар, сўнгра яна вальсга тушарди. Қечқуруп Бабков ўз хонасини ичкаридан беркитиб олиб, анча вақт кийим-кечагини кўздан кечириб, илма-тешик, доғ тушган жойларини иложи борича беркитишга уриниб кўрди: ярим кечаси Бабковнинг ичдан берк хонасидан, кийим тозалайдиган супургининг шилдирагани ва ҳуштак чалгансимонроқ бир овоз анча вақт эшитилиб турди. Бу овознинг чиқишига сабаб шу эдики, Бабков ўзининг кўйлак ва kostюми тозароқ кўриниши учун, гоҳо супургига ва қўлига тупуриб қўярди. Ухлагани ётиши олдида у энг хилват, олис провинциялардаги сартарошхоналардагина учраб қоладиган упа қутичасини очиб, афтига упа суркади; жуда озғинлигидан айтида наидо бўлган йирик-йирик сизлогичларига аллақандай қоп-қора бир моддани ёпиштириб қўйди, бошига рўмолчасини буркади ва факат шундан кейингина ухлагани ётди, шу билан бирга, ухлаётганида упа ҳам, пластир ҳам кўчмаслиги учун эҳтиёт бўлиб ётди.

Клубницин уйидагиларпинг вақти чоғлиғи билан бирга, уйнинг ўзи ҳам худди жопланиб кетгандай бўлди. Эртасига узун чўзилиб кетган коридорларда, анча вақтлардан буён юз бермаган воқиалар содир бўлди, чунончи: пичоқ, идиш-товоқ тозаланган овозлар эшитилиб турди, малайлар нари-бери физиллаб чопишар ва умуман, бу уйдагиларпинг ҳаммаси шод-хуррам эканлиги, ором олганлиги кўзга ташланиб турарди. Соат ўн иккиларга бориб, уйга кираверишдаги зинапоя олдига коляскалар, кареталар ва бошқа аравалар келишиб, бу аравалардан хонимлар, қизлар, йигитлар чиқиб қолишиди... Улар ҳаммалари шовқин-сурон солишар, хохолаб кулишарди; ҳаммалари яқиндагина учрашиб ҳангомалашгани дўстлари билан яна кўришганларига, эркин ҳаёт кечирганликларига хурсанд эдилар. Бабков бугун сира тинмайдиган ҳаракат тимсолига айланиб қолди. Айни бир замонда уни боғчада бир хоним билан учрашиб турганини кўриш мумкин эди, у ўша хонимга: «Ҳа, ҳа-ҳа, мен фикрингизга мутлақо қўшиламан» дерди; шу ондаёқ у, эшикдан ошхонага бошини чўзиб, кўзларини бақрайтириб: «Қани, азбаройи худо тезроқ бўлинглар!» деб бақирап ва олдинги хонадан туриб, патнус кўтарган малайга кимдан бошлаш зарурлигини кўрсатарди. Фақат, мияси жойидагилар тоғасига мансуб баъзи помешчикларгина вазмин кўринарди. Улар ҳамиша чек ерларга марза тортиш, деҳқонларни мажбуран, текин ишлатиш, земство съездлари тўғрисида гапириб ўтиришарди; бу эса Клубницининг жуда жигига тегар, шу сабабли у бирин-кетин дабдабали қадаҳлар кўтарар ва шу билан базмининг янада жоплироқ ўтишига ҳаракат қиласарди.

Кечикурун боғчада фонарлар ёқилган, паст томони ҳар хил рангдаги фонарлар билан ёритилган юз яшар дарахтлар гўё жилмайиб тургандай кўринарди, бу эса болаларпинг беғубор табассумини эслатарди... Скамейкаларда ўтирган, йўлкаларда, бута ораларида, соябонли хиёбонларда нари-бери сайр қилиб юрган одамлар ўзаро шивирлашарди: ўликларпинг яна тирилишини кўрсатадиган бутун бир маизарадан ҳосил бўлган таас-сурот ортиқ даражада янги, ғайри табний ва шу билан бирга ортиқ даражада қайгули эди... Пастда, деразалар тагида тўпланишган халойиқ жанобларпинг қанақа сайр-томоша қилаётганини кўриб ҳайрон бўларди:

Бабков хилма-хил вальсларга тушиб гир-гир айланар; Клубницина хоним, икки танца ўртасидаги танаффус. вақтида, мулойим жилмайиб, елпигичи билан елпиганича, бирорта олифта йигитга таинозлик қиласады. Клубницини ўзи эса, кечанинг охирига бориб, қандайдир бир қизиқчи кийимиға бурканиб олди: у масти немиснинг, масти этикдўзининг қанақа юришларини қилиб кўрсатди; у бутун башарасига ун суркаб, хунук бир қиёфага кирган эди, шу ҳаракатлари ва қилиқлари билан у ўзининг кекса хизматкорини жуда ташвишига солиб қўйди. У, ёритилмаган олдинги хонада турганича, ўз хўжайинининг бўлмағур номаъқулчиликлар қилаётганини кўргач, бoshини чайқай-чайқай, уҳ тортиб: «Тавба, тавба! Бунинг оқибати нима бўлади энди!» деб пичирларди. Хужайинин эса тобора жиннилигини оширада бу жиннилиқ, ичкилик ичмаган чолнинг юрагини тилка-пора қиласады.

Базм тонг отгунча давом этди... Меҳмонлар эртасига кундузи соат тўртларга бориб тарқалишди. Меҳмонлар хоналардан чиқиб кетган сари, кечаги кунда қилинган бетартибиликлар кўзга ташланган сари, Клубнициларнинг жон-поилари чиқарди; бу ердаги турмуш яна мудҳишроқ, яна хунукроқ кўринар, қандайдир даҳшатли ва ҳалокатли пайт янада даҳшатлироқ қиёфада уларга яқинлашиб келмоқда эди. Клубницининг хотини ҳар томондан ҳамла қилиб келаётган даҳшатга бардош беролмади, шу сабабли, нимадандир қурқиб:

— Пьер!— деди.— Асло иложим йўқ... Бу ерда мен қола олмайман...

— Юр бўлмаса, ҳозир кетдик,— деди ҳовлиқиб Пьер ҳам, у ҳам бетоқат бўлиб қолган эди.

— Худо ҳақи, тезроқ жўнайлик... Мен бир дақиқа ҳам бу ерда қола олмайман... Холамизникига борайлик.

Бабков, одобли йигит сифатида, зинапояда туриб меҳмонларни кузатарди: у хонимларни кареталарга ўтқазар, жуда авайлаб уларнинг этакларини чок-чокига тўғрилаб қўяр, карета эшигини бирдан ёниб қўярди-да, кучерга: «Жуна!» деб бақиради. Хонимлар эса, унга мулойим жилмайиб, бош иргатиб қўяр ва «мерси» деб шивирлардилар. Хонимлардан биттасининг у қўлини сиқди, яна биттасига кичкинагина гойибона бўса ҳадя қиласади, ва бу ишлардан ўзини ниҳоятда баҳтиёр ҳис қиласади.

Клубницинларнинг уч от қўшилган каретада бир зумда елиб ўтгапларини пайқаб қолгач у, бирданига:

— Пъер! Пъер!— деб бақириб юборди.

Пъер эса унга сира эътибор бермай, қулоқ ҳам солмай, қушдек учиб ўтди.

— Бу нима деган гап ахир! Ҳеч нима демай жўнаб қолса-я!..

Бабков жуда хафа бўлди.

— Мен нима қилай энди?.. Семён! Хўжайнинг қаёқ-қа жўнадилар?

— Билмасам.

— Лоақал айттолмайсанми, у ерда узоқ қолиб кетармикинлар?

— Ҳеч нима демадилар... Фақат шуни биламанки, мабодо холалариникига жўнаган бўлсалар, хойнаҳой икки ойча қолиб кетадилар-да.

— Бу учига чиққан пасткашлик-ку!.. Разиллик-ку... Ҳеч бўлмагандга, балки у овқат хусусида бирор нарса айтгандир дейман... ва умуман...

— Ҳеч нима буюрган эмаслар...

— Чўчқанинг ўзгинаси экан!

Бабковнинг ҳафсаласи пир бўлди. Бошда у умуман бутун инсониятга қаҳр-ғазабини сочмоқчи бўлди-ю, кейин бу ҳиссини Клубницинга кўчирди. У ўзининг ғазабини: «Эй одамизод, одамизод! Сенларда виждан асари борми ўзи, ё йўқми...» каби нидолар билан бошлаб, гапнинг охирини: «Разиллар, нодонлар, бошқа ҳеч нарса эмас» деб тугатди. Шу хуносага келиб тўхтаганидан кейин Бабков фақат ўзининг најкот тоғиш масаласига тўхталди ва пировардида, яна шаҳарга бормасам бўлмас экан, деган қарорга келди. Бу мулоҳазалар натижасида, орадан бир неча минут ўтиши биланоқ, Бабков «жамоа» ҳовлисининг ўртасида туриб, буюргансимон оҳангда:

— Ҳой, ҳеч ким борми уйда?— деб сўради.

Деҳқон уйининг пастак эшигидан бели буқчайган бир мўйсафид чиқди.

— Отлар борми?

— Ўзлари ким бўладилар?

— Отлар борми, деяпман?

— Ҳа...

— Аравага қўш...

— Чечак эмловчи табиб сиз экансиз-да?

— Ҳа. Қани, тезроқ бўл...

Отлар аравага қўшилди. Чол қўл қўйиш учун Бабковга аллақандай бир дафтар берди.

— Хат-саводинг борми?— деб сўради Бабков.

— Саводсизман, тақсир!

— Хмм...

Бабков буни фаҳмлаб олди ва, дафтарга ўз фамилиясини ёзмасдан, фақат: «Кира ҳақи тўланмасдан учта от олинди» деб ёзди.

Хориган, ҳолдан толган уч от оқшом олдидан зўрга N. шаҳрига етиб олди.

ЧЕК ДАФТАРИ

(Боқимондачилар турмушидан бир соқиа)

I

Савдогар ва фабрикант Иван Кузьмич Мясников губерна шаҳрига атайн келиб, шаҳардаги ишларни тутатгач, анча ифлос мәҳмонхонадаги ифлос номерга қайтиб келди-да, сафар тараддудини кўра бошлади.

— Қанақа бўлди энди бу, Иван Кузьмич, бизда кам меҳмон бўлдингиз-ку?— деди меҳмонхона малайи, йўлга отланган савдогарнинг лаш-лушларини йиғиштиришига ёрдамлаша туриб.— Ростдан ҳам, шаҳарда ҳеч кайф-сафо қилмадингиз-а...

— Кайф-сафони кейин қиласман.— Худога шукур, ишларимни тутатдим!

— Ҳамма ишингиз жойидами, ишқилиб?

— Ҳаммаси жойида!.. Жуда соз! Мана бу нарсани бир кўриб қўй-чи.— Мясников нимчасининг қўйин чўнтағидан олиб, меҳмонхона малайига қандайдир бир дафтарчани узатди. Малай, ҳайрон бўлиб дафтарчани қўлига олди-да, анчагача ҳайрон қолиб унга қараб турди.

— Бу нима экан ўзи?— деб сўради ниҳоят малай.

— Бу, сенга айтсан, дўстим,— деди мамнун ва хурсандлик билан Мясников,— бу нарса атиги ўн беш минг сўм туради! Бу шунаقا нарса!

— Шу бир парча қофоз-а? Ун беш минг дейсизми?

— Ҳа-ҳа, худди мана шу бир парча қофознинг ўзи, ўн беш минг туради!.. Сен нима деб'ўйловдинг?

— Ахир, бунинг турган-битгани қофоз... атиги дафтарчадай бир нарса-ку... Бунда ҳеч қанақа пул йўқ-ку...

— Шундай бўлгани соз-да!.. Қани, бунинг пул эканини билib қўр-чи!.. Оппоқ қофозу, оғирлиги ўн беш минг сўлковойга тенг!. Буни чек дейилади!

Бу сўзни эшитгандан кейин малай дафтарчани бир айлантириб, унинг иккинчи томонини кўрди-да, ҳеч ниша тушумай, савдогарга тикилди.

— Бунинг нима эканини биласанми... Айтайлик, сен шундай бир нарсани қўлга киритдингми — бас: пул олаверасан!.. — Мясников гапни лузида қилиб тушунитириб бермоқчи бўлган эди, малай тушумади. Шунинг учун дафтарчанинг эгаси банк ишлари тафсилотини унга бир бошдан гапириб беришга мажбур бўлди. Гарчи Мясников бу ишлар тўғрисида анчагина батафсил изоҳот берса-да, меҳмонхона малайни дафтарчанинг аҳамиятини тўла тушуниб олди деб бўлмасди, у дафтарчани ҳамон қўлида ушлаб турар, гоҳо унга эътибор билан қараб қўярди; шундай булса ҳам, савдогар, гапини тугатгандан кейин, малай чуқур тин олиб, қандайдир ўйга ботиб, деди:

— Ҳа-а!.. Бир парчагина  бўлса ҳам, аллақанча пулни ютиб юборибди-я!

Бу таъбир дафтарча эгасига жуда ёқиб қолди.

— Галинг тўғри, иштаҳаси жойида! — деди у. — Чиндан ҳам, шунча сармояни саришта қилиб, қўйибди!

— Үн беш минг-а! — деди малай: — ахир бунга илгари бутун бир қишлогу қанчадан-қанча дехқон, яна ўрмон сотиб олса бўларди. Шуларнинг барини мана шу бир парча қофоз ютиб қўйибди денг-а!

Малай ўзининг батамом ҳайратда қолганини билдириб, бошини бир чайқаб қўйди-да, дафтарчани савдогарга узатди. Савдогар ҳам мамнун бўлиб, дафтарчани нимчасининг қўйи чўнтағига солиб қўйди.

Меҳмонхона малайни негадир бирдан:

— Тавба-тавба! — деб қўйди.

Номерга кучер кириб, йўлга чиқиш учун ҳамма нарса тайёр эканини айтиши билан, икки ўртадаги гап узилиб қолди.

II

Яна бир соатдан кейин (куз кечалари эсадиган из-фиринда) барра пўстинга ўралиб аравага ўтирган Мясников шаҳардан анча нарида калласини ликиллатиб мудраб кетиб борарди. Гоҳо у пўстин тагидан кўкрагини пайпаслаб, дафтарчани ушлаб кўрар ва ҳар гал, қўли дафтарчани пайпаслаганда, негадир меҳмонхона малайининг «ютиб юборибди-я» деган гапини эслар эди; бу

сўз унинг димоғини чоф қиласар ва дафтарчанинг нимани ютиб юборганини беихтиёр эсига туширади. Аммо шу билан бирга, ана шу пулларнинг ва уларни шунчалик маҳорат билан эмган шу дафтарчанинг таркибий қисмларини аниқроқ тасаввур қилган сари унинг уйқуси қочар ва негадир диққати ошарди.

Бир гал Иван Кузьмич ҳатто уҳ тортиб ҳам қўйди.

Нима сабабдан? Наҳотки дафтарча чиндан ҳам жуда кўп «ютиб юборган» бўлса-я? Яна, наҳотки, чиндан ҳам бу дафтарчага Иван Кузьмичнинг шунча кўп меҳнати сингган бўлса? Уҳ тортиб қўйгандан кейин, бу меҳнати тўғрисидаги ўйлари Иван Кузьмични батамом хотиржам қилиб қўйди, шунчалик хотиржам қилиб қўйдик, Иван Кузьмич ортиқ бир марта ҳам уҳ тортмай, тез орада қаттиқ ухлаб қолди.

Чек дафтарчаси тўғрисида бўладиган ҳамма саволларга жавоб бермоқ учун Иван Кузьмич ва унинг фаолияти билан мукаммал танишмоқ зарур.

Иван Кузьмич, юқорида айтилганидек, савдогарлар тоифасига мансубдир, шундай бўлишига қарамай, Мясников китобхон дўконда ва саҳнада кўришга одатланган «савдогар»ларга сира ўхшамайди. Иван Кузьмич билан эски замон «савдогари» ўртасида қиёфа жиҳатидан ҳам, тушунча-фикр жиҳатидан ҳам, ишни юргизиш жиҳатидан ҳам — ҳеч қандай ўхшашлик йўқ.

Кимники эски замон савдогарига иши тушган бўлса, савдогарнинг қаллоблик билан яшаганини, шубҳали ишлар билан бойлик тўплаганини, эски замон савдогарини «шубҳали бой» дейилиши тўғрилигини, унинг «алдамасанг — сотолмайсан» деган маталга амал қилишини айтиб беради. Эски замон савдогарининг бутун фикризикри алдаш эди. У одатда хотин учун эмас, мол-дунё учун уйланарди-да, мен бола-чақали одамман, худодан қўрқаман, деб туриб одамларни алдарди; айни чоқда оиласидагиларнинг ҳаммаси ҳам, ўзидаётган гапириб одамларни алдашини биларди. Дўконига келган харидорларга хушмуомала бўлишдан мақсад — харидорнинг кўзини «чалғитиш», гап сотиб туриб алдаш, пайтдан фойдаланиб чириган, нураган молларни харидорга тикишириш, иложи бўлса, ҳам энидан, ҳам бўйидан уриб қолишдан иборат эди.. Эски замон савдогари ҳақида ҳамма шундай ўйларди, ростини айтганда, унинг ўзи ҳам шундай ўйларди, гарчи у баъзан катта сармоя-

ни қўлга киритса ҳам, гарчи у баъзан харидорни «бопласа» ҳам, аслида у ич-ичидан, ўз ишининг «тўза эмаслигини» сезар, ҳар дақиқада уни фош қилишлари ва қонун асосида унга чора кўришлари мумкинлигини, гапнинг очигини айтганда, нариги дунёда ҳам, эҳтимол унчалик яхши бўлмаслигини тушунарди. Ана шунинг учун ҳам эски замон савдогари ибодатхонага жонкуярлик қилишни, ибодатхонага юз пудлик қўнғироқ ҳадя қилиш ёки шу жойдаги санам олдига оғирлиги бир пуд келадиган шам қўйиш йўли билан виждан овозини ўчиришни ўзининг асосий бурчи деб биларди; у, одатда, ўша шамни кўтарганича ибодатхонада тўпланган халойиқни гоҳ ўнг, гоҳ чап томонга итариб, тер босиб, ҳарсиллаб санам олдига келарди. Ибодатхонага қилинган хайр-эҳсонлар савдогарнинг кўиглини тинчitar эди-ю, аммо раҳмисиз қонун уни ҳар ҳолда тинчитмас, чунки қонунга ҳеч қандай шам, қўнғироқ ҳам керак эмас. Дарҳақиқат, оддий мишлоадан тортиб губернаторгача бўлган қонун ҳомийлари эски замон савдогари устида доим дўқ қилиб турарди. Савдогар, бирон мансабга эга бўлган ҳар бир кишининг соғин сигири эди. У пора берар, меҳмон қилар, ионалар берар, пойтахтдан келиб, бу ерлардан ўтиб кетаётган бирор амалдорга маҳаллий жамоат шу жойнинг манзаралари тасвиrlанган альбом ҳадя қилишни ният қилган бўлса, ўша альбом учун пул топар, бирор воқия «шарафига» кўча-кўйларни рангбаранг чироқлар билан безатар, бирор иш «фойдасига» ўтказиладиган лотереяларда ўз пули билан иштирок қилар эди, ҳоказо ва ҳоказо; ноз-неъмат мўл-кўл бўлган зиёфатлар тўғрисида гапириб ўтиришнинг ҳам ҳожати йўқ; бу зиёфатларда дастурхонга энг аъло балиқ уруфи ва сийрак топиладиган балиқлар қўйилиши шарт эди (бу икки парса «савдогар» номи билан қанчалик чамбарчас боғланган бўлса, «тулки пўстин» сўзи, «қайноқ сувдан бер» нидоси ҳам ўша «савдогар» сўзи билан шунчалик чамбарчас боғланган эди) — чақирилган ва чақирилмаган меҳмонлар учун унинг дастурхонидан ўша пирог ва бошқа таомлар узилмас эди. Маҳалла мишиби, шаҳар бошлиғи, даҳа пристави, брандмейстер, суд ижрочиси, ҳимоячи ва ҳоказолар барчаси унинг уйига, дўконига келиб пул олар, балиқ уруфи ер, ароғини иchar, ҳамиша дўқ қилар ва риоя қилганлиги учун ўзига инъомлар талаб қиласарди. Эски замон савдогари,

ўзини айбдор сезиб, ҳаммага пул тўлар, ҳаммани боқарди ва мана шу говларнинг барини ўтиб олганидан, яъни ҳаммани боқиб, ҳаммага улуш чиқариб бўлганидан кейингина, эртасига яна алдамчиликка —«ган сотиш», «кўз чалғитиш»га киришарди. Эски замон савдогарининг тулки мўйнасидан пўстин кийиши бежиз эмас, унинг бутун қилиқларида тулкига хос хусусият бор эди. Таъқиб, қувгин эса, тулкини таъқиб этиш ва қувлашга қараганда минг бадтар бўлиб, эски замон савдогари кўп йиллар давомида ҳар куни таъқиб ва қувгин остида эди. Ана шундай қилиб, терлаб-пишиб чой ичиб, обдон ёлғон гапириб юриб, бу тулкинамо одам, оқибат, умрининг охирида, қаллоблик, хийла-найранглар билан жамғарган пулларини сандиқча беркитиб қўйиб, қолган умрини тинч ўтказиш ниятида ўзини гадойликка солар, бир тийин ҳам пулим йўқ, деб ҳар кимни ишонтиришига уринар ва бу сўзларининг тўғрилигини исботлаш учун фақат турп еб тирикчилигини ўтказар эди.

Иван Кузьмич бу хил савдогарга ҳеч бир ўхшамайди; илгариги савдогар тиржайиб туриб чорак газ уриб қолганда, маҳалла миршаби келиб қолса, қўрқиб турарди. Иван Кузьмич эса қадди-басти расо, афти-ангоридан дадил кўринади. Иван Кузьмич ўзининг ана шу ошкора дадиллигини соқоли тагига ҳам яширмайди, чунки у «ҳозирги замонга мувофиқ» соқолини олдириб юради. Капитал намояндларининг эскиси билан янгиси ўтрасида бунчалик катта фарқ бўлишига сабаб шуки, эскиси ўз ишларини «унчалик худо йўлидаги иш эмас» деб ўйлади, янгиси эса, бунинг аксича, ўз ишининг чинакам иш эканлигига сира шубҳаланмайди ва шу билан бирга у, гарчи ўз шахсий манфаатини кўзлаб бўлса ҳам умум, фойдасига ўз капиталини сарф қилганлиги учун ватан ундан миннатдор бўлиши лозим деб ўйлади; гарчи у ўзишининг шахсий манфаатларини кўзлаб бўлса ҳам, бошқаларга нон беради, нураб қолган жойларини ва капиталларни жонлантиради; газеталарининг ёзишига қараганда (Иван Кузьмич эса қисман бўлса ҳам улардан ҳабардор ёди) ва Иван Кузьмичнинг ўз фикрича, борди-ю, у буларга қўй текизмаса, қанчадан-қанча вақтлар давомида бу жойлар, бу капиталлар беҳаракат ётган бўлур эди. Иван Кузьмичнинг бу фикрини жамоатчилик фикри, матбуот фикри ва ҳақиқий қашшоқлик қўллаб-қувватлайдики, бу қаш-

шоқлик ичидаги унинг капиталлари, унинг ғалласини — ҳақиқатан хайр-саховат деса бўлади. Ана шунинг учун ҳам унинг назари тўғри ва оддийдир, ана шунинг учун ҳам унча жилпанглаш ҳам, қўрқиш ҳам керак эмас: у қонун асосида иш олиб боради. Бинобарин, Иван Кузьмич кўнглини тинчтиш учун, шу жойдаги санам олдига оғирлиги бир пуд келадиган зарҳал шам қўйиши ҳеч бир керак эмас,—унинг кўнгли хотиржам, чунки Иван Кузьмич «ўз капиталларини ишга солади», бу эса тақиқланган эмас, диний китобларда ҳам бу хусусда вахимали ҳеч нима айтилмаган. Ана шунинг учун ҳам, Иван Кузьмич истиқомат қиласидиган маҳалланинг руҳонийлари ундан ҳеч қандай моддий ёрдам-иона олишни кутмайдилар, улар Иван Кузьмични кида «овқатланмайсан», «қорин тўйдиролмайсан» деган қарорга келиб қўйишган. Қонун асосида иш қилаётган Иван Кузьмич бу томондан ҳам ўзини жуда хотиржам сезади, чунки у биладики, ҳеч ким унга тегишига журъат қилилмайди: унинг ҳамма нарсага патенти бор, ҳамма нарсанинг ҳақи керагича тўланган; хушомадгўйлик қилиш йўли билан эмас, қўрқиб-писиб эмас, орткї зинапояда эмас, хилват жойда яширинчасига суқилган эмас, қўлга ҳам «берилган» эмас, «сизга тегишли» деб, очиқдан-очиқ «тўланган», ана шунинг учун бошлиқлар Иван Кузьмичга дўқ қилмасдан, руҳонийлардан намуна олиб Мясниковдан «кўп юлиб олиш мумкин эмас»лигини билганидан, ундан ҳурмат билан нарироқ туришини афзал кўришади. Хуллас, капиталнинг куч-қувватга молик эканини, уни сандиққа яшириб қўйиш тентаклик эканини, бу капитални ишга солиш кераклигини, нимаини сотилса ва олинса, ўшаларнинг барини сотиш ва олиш бемалол мумкинлигини, фойда қилишга ҳам ижозат берилганини ва бунга йўл қўйилганини аяглаб олиш,—мана буларнинг ҳаммаси эски замон савдогари билан янги замон савдогари ўртасидаги чегарани қатъий белгилайди, янги замон савдогарини хотиржам, ўзига ишонган бу ерда ҳам, у ерда ҳам ҳеч нимадан қўрқмайдиган қилиб қўяди.

Ана энди, савдо-сотиқ ишлари билан сафарга отланиш олдидан, эскидан қолган одатга мувофиқ, табаррук сувни пуркаб ибодат қилиш ўрнига (илгари савдогар чириган молларни сотиб олгани Москвага сафар қилиши олдидан шундай қиласиди), ўз юзига табаррук

сув пуркатиш, тўрт ғилдиракли соявон аравага сув пуркатиш ва ҳатто кучери кийган шапканинг ичига ҳам сув пуркатиш ўрнига, Иван Кузьмич «янги хил» савдогар сифатида, ичига олти ўқ жойланган тўппончани чўнтағига солиб қўяди-да, батамом хотиржам бўлиб, нураб қолган жойларни ва капиталларни «жонлантириш»га жўнайди, у рус диёрининг шундай олис ва хилват жойларига, бу капиталлар ҳамма ерда қўл текизилмаган, бутун ҳолида ётадиган шундай жойларга жўнайдики, эски замон савдогари бу жойларни ва капиталларни сира «жонлантира олмаган бўлурди».

Ана шундан кейин, пулнинг беҳад куч-қувватига эга бўлган, байни афсоналар баҳодирдай, Иван Кузьмич ҳақиқатан тоғларни талқон қила бошлайди. У ўз капиталири билан қалин қарағай ўрмонига қўл узатдими, қўра булатларга ва момақалдироқларга: «Келган изинга қайт, ҳатлаб ўт» деб шувиллаб, минглаб ёввойи ҳайвонларга ва қушларга оналарча ғамхўрлик қилиб, уларга бошпана бўлган ўша қарағай ўрмон, кўрибсизки, Иван Кузьмич бу ерларда пайдо бўлганидан икки-уч ҳафта кейин кўздан ғойиб бўлибди; энди қалин ўрмондан ном-нишон қолмабди! Ёввойи ҳайвонлар тумтарақай қочиб кетган, қий-чув чуғиллашиб қушлар ҳам турли жойларга учиб кетган, бу ерда фақат, хода, ғўлалар қолган, улар ҳам баъзи жойларда, қочиб қутулай деган қуёнларни босиб қолибди; бу ерда ўрмон ўрнига тахлаб қўйилган ўтин ва тараашалар қолибди. Яқин ўргада булар ҳам бу ердан йўқолади, ўйиб ташлаган қуруқ жойлару, Иван Кузьмичнинг чўнтағида пуллар, қандайдир ранг-бараңг кичкина қофозлар қолади; бу ранг-бараңг қофозлар дарҳол яна ишга туширилади, яна кўрибсизки, бошқа бирор хилват жойда инграш, бўкиришлар бошланиб кетади, ҳўқизлар, чўчқалар ва қўйларнинг дарё-дарё қони тўкилади... Пода тузлаган ва тузламаган гуштга, ёққа, териларга, пуд ва қадоқларга айланади, буларнинг ҳаммаси ҳадемай йўқолиб кетади, фирчиллаган араваларда жўнаб қолади, кетида фақат ҳувиллаган яйловни ҳамда Иван Кузьмичнинг чўнтағида ранг-бараңг қофозларни қолдиради, бу қофозлар эса дарҳол бошқа бирор янги ишга сарфланади... Аммо бу иш қўёғи хилда бўлмасин, ҳамиша негадир вайронгарчиликка, ғойиб бўлишга, улиб кетишга ўхшайди, бир нарса-

нинг аввал бор бўлиб, кейин йўқ бўлишини қўрсатадиган бу иш амалга оширилгандан кейин, ишнинг тугаганидан дарак беради. Иван Кузьмич характерининг ва асабларининг маҳкамлигига тан бериш керак: у ўз атрофида ўлим мавжудлигини деярли ҳеч қачон сезмайди; қўрқишиб қий-чув чукурлашган қушларнинг фарёдига жўр бўлиб гижирлаган ва болта зарбига таслим бўлишни истамаган минглаб дараҳтлар ерга йиқилиб тушган пайтларда ҳам, минглаб ҳўкизлар, минглаб балиқлар пичноқ остида жон берган пайтларда ҳам, тирик қолдирилган минглаб бошқа ҳайвонлар ўкирган, бўкирган, хур-хурлаган ёки оҳиста маъраганлари ҳолда вагонларга зич ортиб, устларидан қулфлаб, сўйиш учун аллақаердаги күшхонага жўнатилган пайтларда ҳам у атрофида ўлим мавжудлигини сезмайди. Буларнинг ҳаммаси Иван Кузьмич учун уч юз йигирма беш саржин ўтин ва фалонча бош мол холос. Мана шу якиндагина тирик бўлган саржинлар ва пудларни тугатганидан кейин у фақат чарчаганлигини сезади-да, пул деганинг бекорга топилмайди, бу пулларга озмунча меҳнатим сингмаган, мен жонлантириб юборган хилват жойларда мени баъзан «валинеъматимиз», «саховатпешамиз» деб аташар экан, бу лақаб «эҳтимолки» тўғридир, деган фикрга келади.

Дарҳақиқат, капитални ишга солишда Иван Кузьмич қўллайдиган усул, аслини текшириб кўрганда, қанчалик оддий бир усул бўлмасин, табиат ёки бошқаларнинг қўл кучи билан вужудга келтирилган ҳамма нарсанни бутун илдизидан қуритиб юборишга асосланган боийиш йўли қанчалик оддий йўл бўлмасин, табиатнинг ва инсоннинг кўп йиллик меҳнат самараларини ютиб юборгандан кейин нақд пулни чўнтакка солиш қанчалик оддий иш бўлмасин, аммо олис, хилват жойларда турмуш шароити баъзан шундай бўладики, иш қилишнинг бундай усули ҳам, тайёр молии ана шундай шарт-шароитда харид қилиш, табиат кучи ва меҳнат қилиш йўли билан бунёд қилинган бойликларнинг изини ҳам қолдирмай йўқ қилиб юбориш ҳам саховатпешалик деб, Иван Кузьмич эса ҳақиқий валинеъмат деб аталиши мумкин.

Иван Кузьмич шу топда ўзи ҳукмронлик қилаётган Распоясово қишлоғига кетяпти. Дарвоқе, бу жойда Иван Кузьмичининг капиталлари пайдо бўлмасдан олдин ўша Распоясово қишлоғининг аҳволи қандоғ эди?

Иван Кузьмич ҳозирги вақтда валинеъматлик қила-
ётган бутун теварак-атрофии бундан ўн олти, ўн етти
йиллар илгари Русь диёридаги энг оддий хилват жой-
лардан бири деб ҳисоблаш мумкин эди.. Далалар поён-
сиз эди, бу далаларнинг манзарасини фақаг сакраб
юрган зағчалар, қарғалар ва омочи билан деҳқонгина
сал жонлантириб юради, узоқдан қараганда, бу деҳ-
қоннинг ўзи ҳам қарғага жуда ўхшаб кетарди. Баъзи
жойларида тепаликлар бўлган бу текисликнинг атрофи-
да қорайиб кўринган ўрмон хилват ва қалин ўрмон эди;
ёзининг чоштгоҳ пайтининг энг жазирама иссиқ ҷоқла-
рида, ўрмоннинг энг хилваг жойида соя-салқин бўлиб,
зах ер ҳиди димоққа урап, обёқ эса чириган ва нам ҳа-
зонларга ботиб кетарди. Зич ўсган шоҳлар ва барглар
орасидан офтоб нурлари зўрға-зўрға ўтар, фақат гоҳо
жарликдан шариллаб оқаётган, қалин майсазор ичидағи
сой юзасида қуёш нури олмосдай ярқираб кўрниарди...
Бу хилват жойларда одамни ҳайратда қолдирадиган су-
кунат ҳукм сурарди; ўрмон баайни чуқур уйқуга чўмгандай
эди. Бу ерда йиртқич ҳайвонлар ҳам, қушлар ҳам
бемалол яшардилар; бу ерда сермева чакалакзорлар-
нинг сон-санофи йўқ эди. Тезоқар анҳор ҳар хил балиқ-
ларга тўлиб-тошиб ётар эди.. Хеч ким бу ҳазинага қўл
текизмас, ҳеч ким буларни гўё эсига олмас ва бу ҳақ-
да ўйламас ҳам эди.. Икки-уч йил ичida бир ёки икки
марта ёзда ёки куз пайтида қуюқ дарахтзордан сеттер-
нинг¹ чиқиб қолганини баъзи бирорлар кўриб қолишар
ва шунда бариннинг чет эллардан қайтиб келиб, ўз ер-
ларида ов қилаётганини пайқашарди.. Барин бошини
қуйи солиб, қўлларини орқасига қўйиб, ёввойи ҳайвон
ва қушларнинг кўплигидан эсанкираб қолган итнинг
кетидан паришонхотир саланглаб юрап ва афтидан ни-
мадандир диққати ошиб, қаттиқ ўйларди; унинг орқаси-
га осгаи милтиғи астагина лапангларди.. Хўш, барин
нималарни ўйларди? Хеч шубҳасиз, у жуда кўп нарса-
ларни ўйларди-ю, аммо сира ҳам ўнинг ўйлари ўзи дай-
диг юрган бу жойларнинг мушкулини осон қиломас
эди; баринга қарашли ўрмон ва дарёларда мавжуд бўл-
ган нарсаларнинг сероблигига қарамай, далаларнинг

1 Исковчи итнинг бир хили. (*Fed.*)

жуда кенг бўлишига қарамай, бу ўрмонлар, далалар ва дарёлар барин чет элга кетганидан кейин ҳам (у хаста эди) худди шундай ташландиқ, унтилган ҳолда ёта-верди; унинг бениҳоя кенг ерларида, онда-сонда унни-қиб кетган хароба қишлоқлар кўзга ташланниб турарди, эти бориб устухонига ёпишган қорамоллар ва «ўғри» «муттаҳам» лақабли озгин киши кўзга чалинарди; чуни-ки у чиндан ҳам баринга қарашли ўрмондан ўтин-чўп, хўл мева, балиқ ва шу кабиларни яширинча қўлга киритишга қасд қилган ва оқибат олган нарсасининг «ҳақини тўлашга» келганда эса калтак еб ҳақини узарди.

Бу ердаги бойлик унтилган, ҳеч кимга керак эмас ва ҳеч кимга насиб бўлмаган бойлик эди. Барин ўрмонда ов қилишдан ҳам зерикиб кетди, нега десаңгиз, бу ерда ёввойи парранда ва ҳар хил ҳайвонлар шунчалик кўп эдики, узилган ҳар бир ӯқек бекор кетмас эди; мужикнинг қишида ёқишга ўтини йўқ эди ва у хароба кулбасида совқотиб чиқарди; мужик ўтини тараддуидиа юрганида қоровулнинг қўлига тушиб қолса, ўрмондан қўллари боғланган ҳолда судраб чиқаришарди; ёки агар мужик макиён қурни отиб ўлдиришга қасд қилганини ўша қоровул пайқаб қолса, милтиғидан ажралиб қоларди. Распоясово қишлоғи ва унинг атрофидаги қишлоқлар бундан ўн олти йил муқаддам ана шундай аҳволда эди: ҳамма нарса мўл-кўлу, аммо бундан ҳеч кимга фойда йўқ эди. Бариннинг диққати ошар, ғамгинлик дардига мубтало эди, мужик эса қашшоқ ҳаёт кепнинар, унинг ҳам яшашга ҳаваси йўқ эди.

Деҳқонларни озод қилиш бариннинг ҳам, мужикнинг ҳам, ғамгилиларни дардига биратўла хотима берди. Шу ҳодиса туфайли мужиклардан жанобларга, жаноблардан эса мужикларга нимадир «ўтиб» қолиши биланоқ, мужикларда ҳам, жанобларда ҳам биринчи марта хусусий мулкчилик ҳисларнинг дастлабки аломатлари дарҳол пайдо бўлиб қолди; барин буларнинг барини «меники» деб билди, мужик ҳам худди шунинг ўзини кўрганидан кейин, бу ахир «бизники-ку» деб қолди.

«Меники» ва «бизники» деган ҳислар ғамгинлар учун шунчалик янги ва бариннинг руҳи учун ҳам мужикнинг меъдаси учун ҳам, расо ўз вақтида пайдо бўлган ҳислар эдики, уларнинг «меники»га ва «бизники»га бўлган иштаҳалари кун сайнингина эмас, соат сайни ўса-верди.

Распоясово ва унинг атрофидаги қишлоқларни идора қилувчи қадимги бошқарувчининг миясига шу вақтда жуда ажойиб бир фикр келиб қолди: распоясоволиклар азалдан яшаб келган ерлар шундай жойки, башарти бу жойни бошқа бирор жойга «қўйша», илгаригига қараганда тўрт марта ортиқ даромад олиш мумкин. Бунинг учун распоясоволикларни бошқа бирор жойга кўчирилса, уларга «илгаригидан кўра ҳам яхшироқ бўлар» экан.

Бошқарувчи режасини баринга баён қилди; гарчи барин анча вақтгача иккиланиб турса ҳам, аввал сира маълум бўлмаган «меники» деган ҳис, ниҳоят, шунга олиб келдики, унда: «бу жойлар аслда менинг мулкимку» деган тушунча ўйфонди.

Барин бошқарувчининг таклифини қабул қиласаммикин, қилмасаммикин, деган ҳар хил мулоҳазаларга берилганида «Худо ҳақи, бу меники-ку» дерди, ниҳоят чет элга жўнаганидан кейин, Лозанна¹ шаҳридан бошқарувчига, «қандай яхши» бўлса, ўшандай қилавер, деб хат ёэди.

Бошқарувчи ишга киришди, «бизниkilар» ҳам қарши туришди, тўполон бошланиб кетди.

«Бизниkilar» қаттиқ қарши туришди. Тўполон кўтаришга ва ғалаба қилишга интилиш. юқорида айтиб ўтилганидек, қорин тўйдиришга интилиш каби мақсадни ўз олдига қўйган эди; бу интилиш яхшироқ ҳаёт кечириш ҳақидаги орзу-хаёллар натижасида кучайди, орзу-хаёллар эса озод қилинини пайтида гўё ўйғониб қолгандай эди. Бу орзу-хаёллар ноаниқ шаклда бўлиб, оғзида тишлари қолмаган қадимги мўйсафидларниг эски замон ҳақидаги ҳикоятлари таъсири остида, дайди зиёратчининг, қочоқ солдатнинг панду насиҳатлари натижасида авж оларди, аммо оқшом пайти деҳқон кулбаси жуда қоронғи бўлиб, мужик ўракетган зулмат ичидаги солдатлар ва зиёратчиларниг ҳикоятларини тинглаганида орзу-хаёлларга бериларди, бу орзу-хаёллар гарчи ноаниқ бўлсалар ҳам, унинг фикрларини деҳқон уйидан баланд-баланд, олис-олис жойларга олиб кетадилар... Шунчалик олис жойларгаки, тагига бўз таглик ёйиб ухлаётган боласига: «эски бўз таглик уч йилда чириб кетди,» деб алла бошлаган деҳқон аёл, ҳикоятлар-

¹ Швейцариядаги бир шаҳар. (*Ред.*)

ни эшитавериб, хаёл сурин, аллани бир чеккага йигишириб қўярди-да, боласига деярли ишонч билан: «Катта йигит бўлганда, хазиналар топасан...» дерди. Распоясово қишлоғи мужикларининг қоронғи, ғамгин кечаларда орзу қилган хаёллари ана шундай эди, бу орзу-хаёллар распоясоволик аҳолининг руҳини шу даража кўтардиди, улар келгуси жангда ўзларининг мол-мулкларини аямасликка қарор қилдилар, чунки улар: «Бизнинг ишимиз ҳақ иш!» деб ўйлардилар.

— Қани, йигитлар, белбоғларингни ечинглар.— деб бақиришарди улар.— Ҳеч нимани аяманглар! Уч бара-вар ортиғи билан қайтариб оламиз... Хамёнларингни олинглар! Ҳой, чол! Печка тагида нимаики бўлса ҳам-масини бу ёққа чиқар... Жамоат!.. Шаҳарга ўз одами-мизни юборишимиз керак. Пармен бобо!.. Кўпчиликка бир иш қилиб бер! Қадди-қоматингни ростлаб, бир ҳа-ракат қил!

— Раҳмларинг келсин, диндошлар— деди саксон яшар мўйсафид Пармен.— Озмунча калтак емаганман-ку!

— Етим-есирларнинг кўз ёшига раҳминг келсин!— деб қаттиқ илтимос қилишди распоясоволиклар.— Сен-дан бўлак кимнинг бунга ақли етади? Бизлар оми халқ-миз, дунёни тузукроқ таниганимиз йўқ. Сен бўлсанг ўз даврингни яшагансан, демак, ҳамма нарсани худди ки-тобда ёзилганидек кўрасан... Мол-жонимиз учун бир ҳа-ракат қил! Бобо, ҳо бобо! Ҳудо ҳақи, бизларни жабр-жафога қўйма!

— Оҳ-оҳ, жуда ҳам мўнкнллаб қолганман, шафқат қилинглар менга, болаларим! Оҳ-оҳ...

— Пармен бобо!— деб ялиниб-ёлвориб гапиришди распоясоволиклар:— ё бўлмаса, дехқонларнинг хонавай-рон бўлишига сира раҳминг келмайдими? Ҳаммамиз ҳа-роб бўламиз-ку...

Аҳоли узоқ вақт кўз ёши тўкиб оҳ-воҳ қилди. Пар-мен бобо улардан ўзини мудофаа қилди, лекин оқибат таслим бўлди.

— Хўп бўлмаса — деди бобо, маймоқ, қадоқ қўлла-ри билан кўз ёшларини артиб, шундай бўлсин десала-ринг, демак, худонинг амри шунаقا экан-да, қариган чоғимда менга яна бир кўргулик бор экан!

— Ҳудои таоло мадад берсин, ишимиз ўнгидан кел-син!..

— Худо ўзи, шафқатли Никола авлиё, бошлаб бср, деб буюрган бўлсалар керак майли, бора қолай!

— Умринг узоқ бўлсин,—деди, хурсанд бўлиб оломон.

— Пул берадиган бўлсангиз, билиб қўйингларки, бир тийинини ҳам ўзимга сарф қилмайман...

— Бобо! Отахон! Бу нима деганингиз ахир!—ранжигандай гапиришди распоясоволиклар: «Наҳот ўз одамларингизга шундай десангиз! Ўз ақл-идрокингиз билан, парвардигоринг ҳоҳиши билан сарф қиласеринг. Сизга оқ йўл бўлсин... Ўз одамларнингиз учун ҳаракат қилинг!

Ана шундай қилиб, елкасига халтасини осган, озғин қўлига узун ҳассасини тутган, ориқ, ингичка оёқларига, жамоат ҳисобига янги чипта кавуш кийиб олган Пармен бобо ҳақ иш учун курашгани гандираклаб сафарга чиқди. У бундан қирқ йил илгари шаҳар турмасида ётиб, уша турмадан тўлпла-тўгри Сибирга жўнатилган. Сибирдан эса, манифестга мувофиқ, гуноҳи афв этилиб, ўз қишлоғига қайтиб келган эди. Ана ўшандан буён Пармен бобо шаҳарга борган эмас ва шу сабабли шаҳардаги тартиб-қоидаларни эсидан чиқариб қўйган эди. Бу тартиб-қоидалар эса ўша даврдан бери жуда ўзгариб кетган эди. Илгари пора олиб, хоҳлаганини қилган, пулига қараб ишни тўғрилайдиган подъячий лавозими энди йўқ эди. Бинобарин, Пармен бобога бутун ишни худога ҳавола қилиб, унинг марҳаматидан умидвор бўлишдан бошқа иш қолмади. У ўз ишида муваффақият қозониш мақсадида бутун кун овқат емай, сув ичмай, худога ёқиши учун рӯза тутар, жамоат пулларини эса, распоясоволиклар учун ҳаракат қиласман деб сўз берганларга, ҳеч аямай улашарди; шу билан бирга, у кўз ёшлигини тўкиб, ҳалок қилманглар, деб ялинарди... Бироқ, Пармен бобо рӯза тутган ва ундан пул олган кишилар олдида йиғлаган шу даврда ариза бериш, қарорни эшитиш, норозилик изҳор қилиш, қонунда кўрсатилган муддат ичиди шикоят аризаси топшириш учун зарур бўлган жуда муҳим муддат негадир сезилмай ўтиб кетди. Бу майдо-чуйда нарсалар шунинг учун кўрсатилмай ўтилган бўлса керакки, Пармен бобо улардан бехабар бўлса керак, ибодат вақтида уларни эсламаган эди, ёки шунинг учун бўлса керакки, бу майдо-чуйда нарсаларни кимдир ўзи билгану, нодон мужикка буни айтмаслик-

дан манфаатдор эди. Хуллас, натижа шундай бўлдики, Пармен бобо губернадаи қайтиб келиб, жамоатга: ҳамма иш, худога шукур, жойида, «махфий амалдор»ни кутиб олишга буйруқ берилди бу амалдор бутун ишни «улар» зарарига буриб юборади деб маълум қилиши биланоқ, қишлоққа исправник ёки становой келди-да, халққа бундай эълон қилди:

— Конунлар мажмуасининг фалон жилдинг... фалон моддаси асосига ҳамда... жилдга... моддага ваз бандга берилган ўн бешинчи эскартмага мувофиқ қарор қилинди: Распоясово қишлоғининг деҳқонларига маълум қилинисинким, уларнинг илтимоси кўрсатилган муддатда берилмагани учун оқибатсиз қайтарилади ва «қарор» қонуний кучга киради...

Пармен чол сафарга чиққанда деҳқонлар ҳам таваккални худога қилиб қўйган эдилар, ўз ишларининг ҳақ эканига уларнинг ишонишлари эса фақат кузги ва қишиқ қоронги кечаларда сурган орзу-хаёлларига асосланган эди; шу сабабли улар қишлоқларига келган амалдорнинг ишма ўқиб берганини тушунмасалар ҳам бу қофозда ваъда қилинганича, ишнинг «ўзлари фойдасига бурилганини» кўрсатадиган ҳеч ишма йўқлигини пайқаб қолдилар-да, бу «бизга маъқул эмас», унга қўл қўймаймиз, деб туриб олдилар...

— Рози эмасмисизлар?

— Сира рози эмасмиз. Бу—қалбаки қоғоз, бизларнинг ишнимиз тўғри иш, Пармен бобо, шунақами ё йўқми?

— Қалбаки қоғоз, болагиналарим, қалбаки. Уша қоғоз эмас бу! Биз билмаймиз буни! Хўжайнин, қаердан келган бўлсанг, шу срга жунайвер!

— Демак, рози эмассизлар?—деб қайта сўради келган одам.

— Алдамчилигинингни қўй!—деб жавоб қайтарди оломон.—Қоғозингни ённингга солиб қўя қол... у бизга керак эмас! Қалбаки қоғоз!

Келган одам бу гапларнинг ҳаммасини протоколга ёзиди, шу билан бирга, Пармен бободан айниқса батафсил гап сурнштириди, сўнгра, бунинг ҳаммасини бир неча варақ қоғозга ёзиб тегишли жойига юборди. Распоясоволик мужик, от ҳайдаб, бу қоғозни тегишли жойига олиб боради. Келган амалдор ҳам Распоясово отларида жўнайди. Распоясоволиклар подопликларида муддатни ўт-

казіб юбориб, яна бир балога гирифтөр бўлганларини билмайдилар. Бунинг аксича, улар ўша «қалбаки» қоғоздан кейин, ўзларининг ҳаққоний ишлари учун қанча харажат кераклиги масаласини ечишга жон-жаҳдлари билан киришадилар.

— Қани, йигитлар, белбоғларингни ечинглар! Ҳой, халойиқ қимирлаб қол. Ишлар қизиб кетади, ҳеч нимани аяма, молимизни ҳам, жонимизни ҳам аямай, улардан устун чиқайлик! Наҳотки, бекордан-бекорга ҳалок бўлиб кетсан!

— Нега ҳалок бўлар эканмиз? Бор-йўғимизни беришимиз керак, бўлмаса..

— Пармен бобо, яна бир марта иш кўрсат! Сендан бўлак ким бор ахир?

— Сен бир марта у ерга боргансан, биласан!

— Майли, ўз қавм-қариндошларим йўлида жонимни қурбон қиласай!.. Йўл тарааддудини кўринглар!.. Сизларни деб жонимни аямайман, фақат илтимосим шуки, гуноҳларимни кечиришни худодан сўранглар... Балки ўша гуноҳларим жатига қоғоз бизга қарши қалбаки бўлиб қолгандир. Хайр, диндошлар, омон бўлинглар!.. Мендан хафа бўлган бўлсаларинг, кечиринглар!

Янада дарозроқ, янада озғинроқ бўлиб қолган Пармен бобо тағин сафарга отланади, худога ёлворишига ва рўза тутишга тағин бел боғлайди, лекин, аттанг! Бобо қайтиб келмайди. Уни излаб топишни дъячокнинг губерна шаҳридаги бир маҳкамада энди хизматга кирган ва уз гапига қараганда, ҳамма тартиб-қондаларни билган ўғли ўз гарданига олади. У, шаҳарга бориб, бу ишни тез ва арzonгина битириб келишга ваъда беради. Жамоат, уйлаб кўргач, унга пул беради, бироқ, якка ўзини юбормай, ўз одамларидан бирини ҳамроҳ қилиб унга қўшиб беради, чунки, дъячокнинг бу ўғли қофозбозликда, ёзиш-чизишда билармон бўлса ҳам, эскидан бутун Распоясово қишлоғида — пъяниста ҳамда ишониб бўлмайдиган одам деб танилган эди. Йўлга чиқиши олдидан унга худони ва етим-есирларининг кўз ёшини унумасликни ва бошқа гапларни тайинлашади.

Дъячокнинг ўғли, жамоат пулларини аямай, тегишли одамларга пора бериб ва уларни меҳмон қилиб харжлайверди. Улар тушган карвонсарой номерида бир неча кун ичкиликтозлик ва шундай bemazagarchiliklar бўладики, вакил ва кузатувчи қилиб юборилган мужик

бу жанобларга ҳайрон бўлиб, ваҳми келиб қаарарди. Мујик «ўзларининг» ишлари ҳақида оғиз очмоқчи булган эди, дъячокнинг маст ўғли уни сўкиб беради-да, у ишимиз аллақачон барбод бўлган; илтимосга ўрин ҳам қолмаган, ҳамма иш аллақачон бизга қарши қаратилган, деб жеркиб берди. Аммо эрталаб у ҳушига келгач: мен шаҳарда қоламан, бир қофоз келиши керак, ҳамма гап ўшанда айтилган бўлади, деб мужикни уйига жўнатди..

Яна қофоз юборилди, бу қофозни яна ўша становой қишлоққа олиб келди, қофозда яна нимадир «бошқача» ёзилгандай туюлади. Пировардида, распоясоволиклар Пармен бобонинг иккинчи марта шаҳарга саёҳат қилиши тўғрисида бақиришган, дъячок ўғли шаҳарда пъянисталик қилган маҳалларда, бир нима қилиш мумкин бўлган қандайдир муддатнинг «ўтиб кетганлиги», бу муддатдан кейин эса бутунлай «ҳамма иш барбод бўлганилиги» маълум бўлади.

— Шу сабабли мен сизларга чин қалбимдан айтаманки, бошқа жойга ўз ихтиёргиз билан кўчиб чиқинглар,— деб қўшиб қўйди становой пристав.— Шундай қилиш ўзларинг учун фойдалариқ бўлади. Бордию, ҳамон ўжарлик қиласидиган бўлсаларинг, у тақдирда...

Становой приставнинг айтган гаплари тўғри бўлишига қарамай, распоясоволиклар, бунинг ўз муддаолариға сира тўғри келмаганини кўрдилар ва яна розилик бермадилар.

- Демак, рози эмассизлар?
- Ҳеч! Розилик бермаймиз!
- Қўймайсизларми?
- Худо сақласин.
- Ахир, ишни ютқизиб қўйибсизлар-ку?..
- Бу биз кутган қофоз эмас!
- Қалбаки!
- Фамилияниг нима? «Қалбаки» деб ким айтди? Бу ёққа чиқ: сен кимсан ўзинг?..
- Оғайнилар! Лайтманлар!..
- Нима-а-а?

Фовур-ғовур тўполон ичидаги протокол ёзилади. распоясоволик яна бир мужик, от миниб, протоколни тегишли жойига олиб боради. Становой пристав ҳам Распоясово отларида жўнайди.

Кутилмагандаги рўй берган бу икки зарба, распоясоволикларнинг бутун орзуладарини чиппакка чиқарган, шуича

кўп пуллар сарф бўлган бу икки қоғоз распоясоволикларни биринчи галда шундай ларзага келтириди, улар нима қилишларини билмай қолдилар. Уларнинг ўз арзоддларини айтадиган, нима қилиш кераклигини айтиб берадиган ҳеч кимлари йўқ: дъячок ўғли ғойиб бўлди, Пармен бобо ҳам ғойиб бўлди, ҳеч ким ҳеч нима билмайди. Оқсоқол у «томоннинг» ёнини олиб, қалбаки қоғозда ёзилганларни қўллаяпти. Шундай бўлиб тургандан кейин нима ҳам қиласди киши? Дунёда ҳақиқат борми ўзи? Ахир энди илгариги замон эмас-ку!.. «Ҳақиқат» тўғрисидаги шу фикр распоясоволикларниг миясига келиб қолиши билан, улардаги гангиш аломатлари йўқолиб, дастлабки икки уринишга қараганда юз марта кучлироқ бўлган курашга ташналик ҳислари пайдо бўлди.

— Бўлмаса, дунёда ҳақиқат йўқми ўзи? — деди дўриллаб, аллақайдан пайдо бўлиб қолган «отбоқар». — Тағин бир дапқир жонни тикиб уриниб кўрайлик, йиғитлар, ўладиган дунёда!

— Охирги марта зўр бериб, бир уриниб кўрайликчи... Балки ҳақиқат тоинлиб қолар!..

— Худо бордир!

— Ҳой йигитлар, нимаики бўлса, қиртишлаб келтираверинглар! Бир жон, бир тан бўлиб!

Шу пайт распоясоволиклар шундай бўлиб кетишидники, бундай фидокорлик қатъий қарорга келган дақиқалардагина бўлади. Распоясоволиклар ҳамма колган-қутган парсаларини келтириб, «ўлиб-тирилиб» сигира ва қўйларини сотиб, Москва гагача бордилар, улар назарida Москва губерна шаҳридан юқорироқ кўринарди; Москва ишни чатоқ қилиб қўйганидан кейин, эса улар Петербурггача бордилар. Петербургда ҳам иш чатоқлиги маълум бўлиб қолгач, распоясоволиклар Петербургдан бошқа жой қуриб қоптими, деган фикр билан руҳланиб, сенатгача ва ундан нари бормоқчи бўлдилару, бу йўлда турмага бориб тиқицдилар. Ўз қишлоқларида қолган распоясоволиклар сабр-тоқат билан натижани кутиб турадилар. Распоясево қишилогидан пиёда ёки отда тасодифан ўтган ҳар бир ўткицидан улар ўз ишларини суринтиридилар ва уларга чўчқа боласи ҳадя қилиб, бизнинг ишлар нима бўлиптийкин, шу ҳақда билганиларнингни айтиб бер, дейишарди. Ўзлари эса ҳеч нарасадан хабарсиз эди.

- Қоғозларингиз қани? — деб сўрарди, бу иш билан қизиқиб қолган ўткинчи.
- Қоғозлар Парменда эди.
- Пармен қаёқда?
- Губернада.
- Фалон қоғоз қани?
- Дъячок Антипнинг ўғлида эди.
- Қаёқда ўзи у?
- Қаердалиги номаълум...
- Писмадон қоғоз-чи?
- Унақа қоғоз йўқ.
- Бўлиши керак!
- Балки Пахомкададир... Мен у қоғозни Пахомка-да кўрган эдим, шекилли.
- Қанақа қилиб у Пахомкада бўларди... Радивонда! Радивон менда деб эди-ку!
- Радивонда — чечак эмлаш тўғрисида, сени қара-я! Унда чечак эмлаш қоғози бор...
- Балки шундайдир...
- Демак, қоғозларинг йўқ экан-да?
- Очигини айтганда, бизда қоғозлар йўқ!
- Бўлмаса, ҳеч нима қилиб бўлмайди!..
- Ҳеч нима-я?
- Ҳеч нима қилиб бўлмайди!..

Иш қандайлигини тушунган ёки тушунмоқчи бўлган ҳамманинг жавоби кўпинча ана шундай бўларди. Рас-поясоволиклар ҳар гал ана шундай суриштиришлардан кейин фамгин бўлиб қолишар, нодонликнинг самарасини тушунар ва «муддатлари»ни, «муҳлатини ўтказиб» қўйишлиар, «шикоятнома» топширишлиар, «нусхасини қолдиришлиар»дан иборат ўргимчак уясидай чигалликларни узиб ташлашга ожизликларини борган сари яхришоқ тушуна бошлайдилар. Ўткиничи зиёратчиларга, ҳарбий хизматдан бўшаган солдатларга ва худди рас-поясоволикларнинг ўзларидек, бу ишда ҳеч нима тушунмаган бошқа ўткишчиларга раҳмат, мингдан-минг раҳмат. Улар ҳамиша: сизлар ҳақсизлар, ишни сизларнинг фойдангизга ҳал қилиш мумкин, бунинг учун фақат юқорироқ жойга мурожаат қиласа бўлади, у ерда қалам уриб қўйилса, бас: бутун иш ўзгаради қолади дейишар эди. Солдатлар, муваффақият қозониш мумкинилигини айниқса равшан тушупардилар. Улар ўзлари Петербургда бўлган, у ерда ҳамма нарсани кўрган ва бил-

гандилар; «становой ҳам амалдорми, Петербургда улар бир мирига иккитадан сотилади» дейншарди. Бундай хабарлар распоясоволиклар кўнглига ёғдек ёқарди... Троица-Сергий монастирига зиёратга борган распоясоволик мужик Мирон Петров бир куни, распоясоволикларнинг Петербургга юборган вакилларидан ҳам худди шундай бир хабар олиб келди; Мирон Петров ўзи бу вакилларни кўрмаган экану, фақат станцияда кимнингдир бир савдогарга: «иши распоясоволиклар фойдасига ҳал бўлибди» деб гапирганини ўша савдогар Миронга айтган эмиш; аммо бу савдогар распоясоволикларга таниш одам эмас экан...

«Савдогар яхши одам бўлса керак!» деб ўйлашибди распоясоволиклар.

Аммо бу суринтиришлар, ҳар хил гаплар тарқалаётган, распоясоволик мужиклар этап йўлларидан пиёда ва отда ўз қишлоқларига аста-секин қайтиб келаётганларида, ҳамма муддатлар батамом ва бутунлай ўтиб кетган эди. Шунинг учун куз кириши билан, ўзининг уч от қўшилган аравасида қўнғироқчаларини жиринглатиб, уезд полиция бошлиғи — исправник қишлоққа келдида, қисқагина, лўндагина қилиб, распоясоволикларнинг эртадан бошлаб бошқа жойга кўчишлари лозимлигини эълон қилди.

Исправник уларга қай вақтда қайси маҳкамаларга распоясоволиклар берган барча қоғозларни, бу қоғозлар устидан чиқарилган қарорларни, Петербургга юборган вакилларининг қоғозлари устидан чиқарилган қарори ўқиб берди-да, бу қарорлардан кейин, бу ҳақда яна гап очиши мумкин эмаслигини билдириди. Бордию, деб қўшиб қўйди у, сизлар ҳамон аввалгидек ўжарлик қиласверсангиз, полиция сизларни ўз ҳисобингизга кўчиради, ишчилар ҳозир истаганингча топилади, чупки — куз фасли бошланди, деди.

Распоясоволиклар ҳеч нима тушунишмади.

Исправник уларга ишни яна бошидан охиригача тушунтириб берди; улар яна ҳеч нима тушунмадилар.

Учинчи марта ҳам ҳамма гап тушунтирилди ва исбот қилиб берилди. Учинчи марта ҳам улар тушунмадилар ва ишонмадилар.

Улар, нимагадир имзо чекиш таклиф қилинганидан кейингина ўзларига келиб қолишли. Ана шунда улар

«қалбакилик» борлигини пайқадилару қўл қўйишдан бош тортилар.

Яна бутун иш уч марта лўнда қилиб тушунтирилди ва имзо чекиши таклиф қилинди, улар яна жойларидаш қўзғалмадилар ва розилик бермадилар.

Учинчи протокол тузилди ва распоясоволик учинчи мужик уни тегишли жойга топширгани от чоптириб кетди.

Имзо чекиши таклифи распоясоволикларга иккита қалбаки таклифи эслатди; «ўз ҳуқуқ»ларини ҳимоя қилишда эпчиллик кўрсатганлари ва қўл қўймаганлари бирмунча уларни жонлантириб, ҳали хушхабарлар келиб қолар, Петербургга юборган вакилларимиз ҳам ҳаш-паш дегунича қайтиб келишар, яқин ўртада бирорта «махсус» амалдор келиб, бутун ишини бизнинг фойдамизга тўғирлаб кетар, деган умид ўйғотиб қолди. Аммо, эртасига кун чиқиши биланоқ, атрофдаги қишлоқлардан йиғиб олинган саксонта киши Распоясово қишлоғига келиб қолди.

— Ҳа, йигитлар! Салом!— дейиши распоясоволиклар.

— Салом! Мана, ёлланиб келдик...

— Сизларни кўчиришга олиб келишган бўлса керак...

— Бизларни хонавайрон қилмоқчимисизлар?

— Иш шунақага ўхшайди, сизларни!

— Шу·на·қа де!..

— Бизга нима? Кунига саксон тийиндан тўлашади-ку!.. Узинг ўйлаб кўр!

— Чакки эмас!..

— Бизнинг ишимиз, ўзларинг биласизлар, ҳар ҳолда...

— Гап бундоқ дениг! Саксон тийинданми?..

— Саксон тийиндан...

— Тамом, демак!..

Бу ҳодиса распоясоволикларининг бутун умидлари-ни чиппакка чиқарди. Бу кулфат устига яна, ишчилар кетидан исправник ҳам келиб қолди; у ишчиларнинг распоясоволиклар ҳисобига ёлланганларини таъкидлади ва, бинобарин, распоясоволиклар бажарилиши керак бўлған қарорни ўз ихтиёрлари билан бажармасалар, ишчилар ҳозироқ ишга тушажакларини уқдириб ўтди.

Распоясоволиклар оғир аҳволда қолдилар. Орзу-хаёллари батамом барбод бўлди; муваффақиятсизликка учраганлари равшан бўлиб қолганидан, улар гангид қолдилар ҳамда норозилик билдириш, шовқин-сурон солиши, тўполон қилиш ўрнига (исправник ана шундай можаролар бўлишини кутарди), руҳлари тушиб, умидлари узилиб, шумшайиб қоладилар. «Ўлганимиз яхши эди» деган сўз распоясоволикларнинг бирдан-бир истаги бўлиб қолди, «ўлганимиз яхши эди» деган гап билан улар ўжарликларининг бутунлай беҳудалигига ва ишнинг батамом ютқизиб қўйилганига келтирилган сонсаноқсиз далилларга жавоб қайтарардилар.

. Аҳолининг умиди узилиб, шумшайиб қолганини, қаршилил кўрсата олмаслигини кўриб, ниҳоят исправник:

— Қани, бузинглар!— деб буюрди.

Ишчилар ишга киришдилар.

Распоясоволикларнинг ҳовли-жойларини бузиш уч ҳафта давом этди; томлардан бузиб, титиб ташланган походдан, бузилган печкалардан кўтарилиган чанг қишлоқ устида уч ҳафтагача қора булутдай кўтарилиб турди; уч ҳафта давомида ҳода ва ғўлалар, дераза рамлари, томлардан олинган тахталар, бузиб олинган эшиклар ҳоказо ва ҳоказо ортилган аравалар Распоясоводан ўтиб турди. Чангдан қоп-қора бўлиб кетган исправник, чарчаганидан зўрга оёқларини судраб босарди. Иш шу қадар кўп эдики, унинг овози бутунлай чиқмай қолган эди.

Распоясоволиклар чурқ этмай, бу вайронгарчиликка тош ҳайкалдай қотиб қараб турардилар. Улар ҳақиқатан тошдай қотиб қолган эдилар: ҳеч нима емас, эшитмас ва кўрмасдилар.

— Болангни олсанг-чи, жинни!— деб бақиради исправник распоясоволик бир аёлга.— Босиб қолади-ку! Вой, тентак-е! Старапил ағдарилаётганини кўрмайсанми ахир?..

Аёл қотиб турибди-ю, ҳеч нима кўрмайди; болани фақат худо ўлимдан сақлаб қолди! старапил боланинг ёнгинасига келиб тушди.

Боланинг устидан ўтиб кетган ғўлани кўрган битта распоясоволик:

— Тавба!— деб қўйди.

Бошқа бир бузилаётган иморат ичидан аёл киши-

нинг юракни эзувчи овози эшитилиб қолди: ҳеч ким жойидан ҳам қўзғалмади; маълум бўлдики, у ерда ҳо-миладор бир аёлни тўлғоқ тутиб ётган экан...

— Ҳой, диндошлар!— деб ишчилар распоясоволикларга мурожаат қилди,— печка устида ётган мўйсафидни жойидан олиб қўйишга ёрдамлашинглар! Нега қақ-қайиб турибсизлар? Жин ургурлар!

Бунга ҳам ҳеч ким жавоб қайтармади: ҳамма «бари-бир» деб ўйлар, ҳамма тошдай қотиб қолган эди.

Орадан уч ҳафта ўтгач, Распоясовонинг манзараси буидай эди: илгари уйлар, омборлар, саройлар бўлган ерда, томлардан туширилган похоллар сочилиб ётарди; аввалги уйлардан — пойдевор ёнидаги супачалар, ертўлалардан эса — чуқурлар қолган, баъзи жойларда устунлар диккайиб турарди. Мана шу уюлиб ётган похол орасида қаровсиз қолган чорва моллари ўз эгаларини излаб юради. Шу похол орасида болалар ғимирлаб юрар ва уларнинг ота-оналари қишлоқ вайрон бўлган кундан буён ички кўйлакларини ўзгартмай ечинмасдан ётардилар. Улар нима ердилар? Бу саволга жавоб бериш қийин; улар ғалла экмасдилар ва ўриб-ийғиб олмасдилар. Дарё қирғоғида, баъзи жойларда ерўчақларгина кўзга чалиниб, ўша ўчақлар атрофида аёллар ғимирлаб юришарди.

Распоясоволиклар янги жойларга кўчиб бормадилар ва аввалгидек, «ўлганимиз яхши эди» деб туриб олгандилар.

Кузги ёғингарчилик бошланди... Распоясоволиклар ўзларига:

— Энди, йигитлар, чиндан ҳам ажалимиз етди! Қани, болалар, жонимизни парвардигорга топширайлик... Үлиб кетайлик,— энди дейишарди.

Ҳар ҳолда улар эски жойларини ташлаб кетмадилар. Улар ҳўл похолларда, чуқурларда ва бузилган печлар ва ертўлалар орасида касал болалари билан бирга ётавердилар.

Дарҳақиқат, улар ўла бошладилар...

Ниҳоят, уларнинг ҳаммасини судга бердилар.

IV

«Муддатлар»ни ўтказиб юборган распоясоволикларнинг руҳи жуда тушиб кетди; афтидан улар ҳамма нарсани йўқотган, гап нимадалигини билмас, аҳмоқ, но-

дон эдилар, мана шу ўзининг аҳмоқ нодонлигини англаш — распоясоволикларнинг табиатида бир-бирига бутунлай нафрат билан қараш ҳисларини юзага келтирди. Улар янги жойларда, худди итдай, бир-бирларини ғажишар, бир-бирларига зарар етказишарди. Ҳар ким ўз нодонлиги ва аҳмоқлиги жатига хонавайрон бўлган ва бошқаларни ҳам хонавайрон қилган гирт аҳмоқни кўришдан нафратланар эди. Ана шунинг учун «ўжарлик қилиш, ижро этмаслик ва ҳоказолар тўғрисидаги» иш тергов қилинган маҳалда улар ҳаммалари бир-бирларини айблаб кўрсатар: Парменни ва биринчи бўлим «ўз жошимиз учун курашайлик», «жонингизни аямай бош кўтаринг, йигитлар» деб қичқирганиларни ҳамма «биринчи» бўлиб ўша жонларини тикканларни айбдор қилиб кўрсатдилар...

Ўзининг бардошлик ва қашшоқлигини аҳмоқлик ва бўлмағурлик оқибати деб англаған распоясоволик (бу шундай бемаъниликини, уни ҳар вақт ахлат сифатида чиқариб ташлаш мумкин эди), ўз кўнглида мағлубият, бузилиш сезиб, ароқхўрликка, ўрилика берилиб кетди, у шундай сурбет бўлиб қолдики, ўтиб кетаётган савдогарнинг олдига боради-да:

— Қани, бой ака, чой пули бер! — дерди.
— Нима учун?

— Гаплашганим учун. Нима, бу сенга камлик қилаими? Қани, сариқ қофоздан бу ёққа чўз-чи!

Распоясоволикни ана шундай ниҳоятда қашшоқлик ленгизига чўқтирай деб турган ахлоқий тушкунлик пайтида, кузак охирида, чунончи, распоясоволиклар учун боқимандаларни тўлаш керак бўлган, энг оғир пайтда, бир куни Иван Кузьмич ўзининг бошиқарувчиси билан яхшигина ахта от қўшилган кичкинагина аравада келиб қолса бўладими! Улар, афтидан, айланиб юриб, «теварак-атроф»ни кўздан кечирган бўлсалар керак. Ахта от кўнгилдагидек бемалол юриб борар, Иван Кузьмич «ниманинг қанча туришини» лўндагина баҳолаб ўтарди; тез орада савдогарнинг бариндан ҳамма нарсани — чунончи қалин ўрмонни ҳам, дарёларни ҳам, далаларни, хуллас нинасидан ипигача ҳаммасини ижарага олганини билиб қолишиди. Тез орада янги распоясоволиклар уларни ҳам битта қўймай «ижараға олганини» билиб қолдилар. «Пиёдага бир кечаю-кундузга эллик тийин ва отлиққа бир сўм», „кимки шу баҳоға рози бўлиб, ўн

беш чақирим наридаги станциядан паровик¹ келтиришни хоҳласа — борсин».

Иван Кузьмичнинг халқقا чиқарган хитобномаси ана шундай эди.

Иван Кузьмичнинг распоясоволиклар муҳитига олиб келган назариясида „*киши нархи ярим сўм*” эди. Бунда — бу бизники, бу сизники ҳақида ҳеч бир гап йўқ эди. Қандай бўлмасин «ҳуқуқлар» тўғрисида гап ҳам бўлиши мумкин эмасди. Масала аниқ: ярим сўмни хоҳлайсанми — ишга бор, хоҳламасанг керагинг йўқ. Мана буларнинг ҳаммаси, ўзининг маънавий қиёфасини йўқотган распоясоволикнинг кўнглига ниҳоятда ёқар эди, унинг маънавий қиёфаси йўқолгандан кейин қўллари, оёклари, пайлари, қорни бутун қолган эди. Иван Кузьмич эса кунига ярим сўм ва энг муҳими — ароқ бериб, ўзидан талаб қилинганини бажо келтирад эди.

— Олиб келамиз, йигитлар,— дердилар унинг гумашталари, Распоясово аҳлини ишга чақиракканлар:— ёлғиз *ароқнинг* кучи билан олиб келамиз!

— Худо давлатингизни зиёда қилсин!..— деб бақиришарди распоясоволиклар.

— Ароқ тўғрисида ғам еманглар: хоҳлаганингча ичавер, ишласанг бўлди.

— Ишларимиз шундай қизиб кетадики!

Дарҳақиқат, тез орада ишлар қизиб кетди.

Оғирлиги минг пуд келадиган мудҳиш нарса, ниҳоят, Москвадан темир йўлда станцияга етиб келди ва Распоясово аҳли қуршовида, нураб, вайронা бўлиб ётган жойларни жонлантириш учун йўлга тушди. У, ўз олдида кўринган жамики бойликларни ва ўз атрофида ғужғон ўйнаб юрган мана шу йиртиқ-ямоқ кийимли кишиларни ютиб юборадигандай, бесўнақай темир оғзини карракдай очиб келар эди. У аста-секии ва ҳайбат билан олфа силжирди. У ўтаётганда эски кўприклар гоҳ қарсилларди, гоҳ қулаб тушарди, гоҳ тепаликка чиқаётганда ўрнидан жилмай қоларди. Шунда бу мудҳиш нарса атрофида чарчаб ҳолдан кетган ориқ отларга урилган қамчиларнинг визиллаши, ароқдан эс-хушини йўқотган распоясоволикларнинг бўкиришлари, ичаги узилгудай бўлиб ўкириб хириллашлар, ёмон сўзлар билан сўкиб қиңқиришлар, маст-аласт одамларнинг

¹ Буг кучи билан ишлайдиган машина. (*Ред.*)

ашулалари эшилдиб турарди; паровик бир амаллаб чуқур жойдан чиқиб олганидан кейин, яна олға силжиди. Отлар ҳам, одамлар ҳам кучларининг борича ҳаракат қилиб, уни ҳайқириб судраб кетаётганларида, бирдан бурилиш вақтида бир томонга қийшайиб кеттида, ерга қулаб, Егор амакини, Пахом тоғани, Микишкани ҳамда Андрюшканни босиб қолди... Бу мудҳиш қонхўр суд терговчисининг келишини, тергов бошланишини кутиб, шу ерда анчагина ётиб қолди, тўда-тўда распоясоволиклар эса бир неча кун сурункасига пъянисталик қиласидилар, бир-бирлари билан сўкишадилар... Мудҳиш нарса яна қўзғалиб, олға силжиган маҳалда, унинг ёнидаги кўпгина кишиларнинг бекор турган вақтда муштлашиб башаралари моматалоқ бўлгани, қон талашиб ётгани кўринади; паровик силжиши билан отлар яна ҳолдан кетади, ҳавода қамчиларнинг визиллаши, масти одамларнинг бўкириши эшитилади.

Ана шу нархи «ярим сўм киши»лар ҳалиги мудҳиш нарсани ҳарқалай, тайинланган жойига, яъни ўрмон ичидағи тезоқар дарё қирғонигача судраб келтирдилар; айтмоқчи, бу ўрмон энди йўқ эди деса бўлади... Энди «дурадгорларга» айлантирилган распоясоволиклар оммаси саъи-ҳаракат билан бу ўрмонни саржинга, фўлага, ёғочга айлантириб, шу ҳолга келтирган эдилар. Кесилган дараҳтлар гурсиллаб йиқилар, ашула жаранглар, арра, болта товуши ҳамма жойда эшитилиб турар, кечалари бу овозлар тингач, шу ўрмон ёғочидан Иван Кузьмич бино қилган қовоқхона гувиллар, сўкиниш ва муштлашишлардан ларзага келар эди.

— Оғайнилар, бизнинг Кузьмич жа доно одам-да!— деб пўнгилларди, масти бўлиб қолган распоясоволик. Жа зўр!

— Иши жойида, тўғрисини айтиш керак, ўзига ҳам фойда қиласиди, бизларга ҳам ёрдами тегади.

— Камбағалга нон беради, бутун гап шунда!— деб қўшиб қўяди учинчи бири.

— Ҳар ҳолда, ўлиб қолмаймиз-ку, қани, яна бир стакан қўйчи!

— Гап бундоқ денг! Яна ҳали кўп гаплар бўлади! Айтишларига қараганда, ҳамма жойни портлатиб ташлармиш... Аллақандай ёғоч тош бор эмиш... Тағли қўй!

— Ҳой, йигитлар, ичайлик, ўйнайлик! Пул десанг-

лар, мана... Янги чиқарилган пул. Эскича хисоблаганда — икки сўм деган гап... Қани, қуй, қуй, дўстим!

— Йигитлар, мен кампирга ҳам сизлар билан бирга бир стакан ичишга тўғри келадими дейман... Бизда ҳам Кузьмич пулидан бор. Ўн беш тийинни ярим сўм деявер. Қалай, мен кампир ҳам сал исиниб олсаммикин?

— Ичавер, кампир! Кузьмичнинг пули кўп!. Еғоч тош қазигани борамиз. Ҳаммасини ағдар-тўнтар қилиб ташлаймиз. Қуй!

Дарҳақиқат, ўрмон тугагандан кейин, Иван Кузьмич, тош қазишга киришди. Ерни чуқур кавлашга, у ердан тошни чиқариб сотишга тушиди. Бу ишни у, ўзи қазитган форлар ўпирилиб, ўнлаб одамни босиб қолгунча давом қилдирди. Ушанда, бу жойларда, беҳисоб кўп темир борлиги ҳам маълум бўлиб қолди! Иван Кузьмич темирга ҳам киришди. Темирни кавлатар, чиқариб олдирап ва сотар, пулларини эса банкка топшириб, чек дафтарлари оларди.

Иван Кузьмич деярли ҳар йил шаҳарга борганида, у ердан олиб келадиган бу дафтарлар ҳақида биз ана шуларни биламиз. Аммо, уларнинг қанча мол-дунёни ҳазм қилиб юборганини китобхоннинг ўзи ўйлаб кўрсии.

V

...Иван Кузьмич шаҳарда ўз дафтарларининг сўнгисини олган куни кечқурун, ўз истиқомат жоин бўлмиш Распоясово диёрига қайтиб келди. Фабрика деразалари чароғон бўлиб, унга ўрнатилган мудҳии паровик тутаб, ҳуштак чалгандай овоз чиқариб турар эди. Тегирмон шувиллар, обжувоз ва крахмал заводи тақилларди. Иван Кузьмич ҳамон мол сотиб олар, ҳамон тегирмонда тортар, обжувозда туяр ва сотарди. Фабрикада, заводда минглаб киши гужрон ўйнарди. Бу ерга бутун Распоясово диёридаи — кунига бир сўмдан, ярим сўмдан, йигирма беш тийиндан пул ишлаб олиш учун одамлар йиғилган, ҳатто кичкина ўғил ва қиз болалар ҳам кунига ўн тийиндан пул ишлашлари мумкин эди; улар касалхонадан келтирилган чириган ва қонга буланган доканинг ипини сўкардилар; булар қоғоз ишлаб чиқарадиган заводга жўнатиларди. Хуллас, ҳамма нарсадан фойдаланиларди, ҳамма нарсанинг ўз баҳоси бор эди.

Иван Кузьмич бу посёлканинг ўрта жойида, деразалари тўрт томонга қараб турган кичкинагина уйда истиқомат қиласар, бу деразалардан атрофда қилинаётган ҳамма иш кўриниб туради.

У уйига кириб келганида, хона яхши иситилган, столда самовар қайнаб туради; у уйланмаган, аммо оқсочи уддабурон бўлиб, ким билан мумомала қилаётганини яхши билар эди.

Иван Кузьмич чой ичгани ўтириди. У уч соатча чой ичиб ўтириб, ўзи йўқ маҳалда нималар бўлганини суриштириди. Бу сафар ҳам ҳамма иш жойида эди...

Чой ичиб бўлганидан кейин Иван Кузьмич ёнбошлаб ётди.

Ҳамма нарса тузукдай кўринади-ю, аммо алланима гўё етишмагандай тууларди (буни Иван Кузьмич ҳамиша сезарди). Бир неча бор, уйлансанмикин деб ўйлади. Аммо чуқурроқ ўйлаб кўрганидан кейин, бу парса — ўтакетган аҳмоқлик, деган холосага келди... Шунинг учун бу гал ҳам, эски одатига мувофиқ кўнгил очмоқчи бўлди.

— Иван! — деб чақирди у жиддий оҳангда.

Малайи кириб келди.

— Обжувозда нима гап?

— Обжувозда бугун иш чатоқ, Иван Кузьмич.

— Чатоқ деганинг нимаси?

— Бори-йўғи иккита аёл ўтирибди, улар ҳам кампирлар... Аммо тегирмонда биттаси бор.

— Ким экан?

— Андронова — Большие Озёрадан.

— Бўлти, жуда соз...

— Эри бирга келибди...

— Унга яшил қофоз пулдан чўз!

Малай илжайиб хонадан чиқди-да, тёгирмонга жўнади.

Яқиндагина бундай ишларнинг бўлиши мумкин эмасди. Аммо одамзоднинг баҳоси бир сўм, ярим сўм бўлиб қолганидан кейин — ярим сўм ва бир сўм зўр чиқиб қолди!

— Бо-о-р, бора қо-о-л, оппоғим!... Тезроқ бор! Мана бунаقا гўдакни ўзинг билан судраб юрсанг, ўшанда қизил рўмоллару, майдо кумуш пулларнинг мазаси қанақалигини биласан...

Бу гапларни, малай кетидан зинапояга шошилиб чиқаётган аёлга, қўлида ёш боласини кўтарган ва Иван Кузьмич уйи ёnidan ўтиб кетаётган бошқа бир аёл айтиб қолди. (

— Вой тентаклар-э, фирт тетнаклар!— деб уҳ тортиб гапирди бола кўтарган аёл.— Битта ўзингни боқолмайсану, бунинг устига яна болани ҳам судраб юр... У, ахир, ота бўлишни хоҳламайди-ку.

«У» дейилган Иван Кузьмич экани тушунилган бўлса керак. Қўлдаги бола онасининг елкасидан аллақа-ёқларга кўз ташларди.

Унинг истиқболи қандай бўлади?

Ширин хаёл суриб келган деҳқон аёл ўз ўғлига зарҳал кийим-кечаклар ваъда қилган бўлса, фабрикада ишловчи аёл бунаقا ваъдалардан ҳеч бирини қилолмайди; чунки у боласининг баҳоси аинча вақтгача ўнтийин, сўнгра бир танга бўлишини ва шу тарзда ошибошиб бир сўмгача чиқишини, ундан кейин ҳеч, ҳеч нархи ошмаслигини биларди! Бу аёл ўз бошидан кечиргани учун билади: унинг оладиган арзимас моянаси овқатига зўрға-зўрға етади... Хўш, энди у ўз ўғилчасига нима бера олади? Бу ўғилчаси, Иван Кузьмич учун зарур бўлган ўтин қилиш, латта титишдан бошқа нимага ярайди.

МУНДАРИЖА

| | |
|---|-----|
| Роҳатижон (ҳикоя) | 3 |
| Всесвятское қишлоғида сайил (очерк) | 11 |
| Семёниха (ҳикоя) | 21 |
| Тиланчилар (очерк) | 35 |
| „Нотаниш киши“ (очерк) | 59 |
| Чек дафтари (ҳикоя) | 100 |

*Г. И. Успенскийнинг СССР Фаплар Академияси
нашриёти 1952 йилда нашр қилган тўла асарлар
тўпламидан таржима қилинди*

На узбекском языке

ГЛЕБ ИВАНОВИЧ УСПЕНСКИЙ РАССКАЗЫ И ОЧЕРКИ

Гослитиздат УзССР — Ташкент — 1960

МАДЖИД УСМОН таржимаси
редактор *М. Исломов*

Рассом *П. Воронкин*
Техн. редактор *Т. Скиба*

Расмлар редактори *Г. Остапенко*
Корректор *М. Юсупова*

Босмахонага берилди 1/IX 1960 й. Босишга руҳсат этилди 22/X 1960 й.
Формати 84×108^{1/32}. Босма л. 4,0. Шартли босма л. 6,56. Нашр. 6,96. Тиражи 10000.
Индекс худ. УзССР Давлат бадиий адабиёт нашриёти. Тошкент, Навоий кӯчаси, 30.
Шартнома № 122/60.

„Қизил Ўзбекистон“, „Правда Востока“ ва „Ўзбекистони Сурх“ бирлашган
нашриётининг босмахонаси. Тошкент, „Правда Востока“ кӯчаси, 26.
Заказ 1489. 1960 й. Баҳоси 3 с. 80 г. 1961 й. 1 январдан баҳоси 38 т.